

萬 有 文 庫

第一集一千種

王 雲 五 主 編

水 經 注

(四)

鄺 道 元 著

商 務 印 書 館 發 行



水 經 注

(四)

鄺道元著

國學基本叢書

# 水經注

## 卷二十

### 漾水 丹水

漾水出隴西氐道縣蟠冢山。東至武都沮縣。爲漢水。

常璩華陽國志曰。漢水有二源。東源出武都氐道縣漾山。爲漾水。禹貢導漾東流。爲漢是也。西源出隴

西西縣蟠冢山。案近刻脫西縣二字。會白水。逕葭萌入漢。案白水二字原本及近刻訛作一泉字今改正。始源曰沔。按沔水出東狼谷。逕

沮縣入漢。漢中記曰。蟠冢以東水皆東流。蟠冢以西水皆西流。卽其地勢源流所歸。故俗以蟠冢爲分水

嶺。卽此推沔水無西入之理。劉澄之云。有水從阿陽縣。案阿近刻沔南至梓潼。漢壽入大穴。暗通岡山。

郭景純亦言是矣。岡山穴小。本不容水。水成大澤。而流與漢合。庾仲雍又言。漢水自武遂川南入蔓葛

谷。越野牛。逕至關城。案近刻訛作開城。合西漢水。故諸言漢者。多言西漢水。至葭萌入漢。又曰。始源曰沔。是以

經云。漾水出氐道縣。東至沮縣。爲漢水。東南至廣魏。白水。診其沿注。似與三說相符。而未極西漢之源

矣。然東西兩川。俱受沔漢之名者。義或在茲矣。班固地理志。司馬彪袁山松郡國志。並言漢有二源。東

出氐道。西出西縣之蟠冢山。關駟云。漢或爲漾。漾水出崑崙西北隅。至氐道。重源顯發。而爲漾水。又言

隴西西縣

案近刻脫一四字

嶓冢山在西。西漢水所出。南入廣魏白水。又云漾水出獬道。東至武都入漢。許慎

呂忱並言漾水出隴西獬道。東至武都爲漢水。不言氏道。然獬道在冀之西北。

案獬道冀前漢並屬天水後漢並屬漢陽

隔諸川。無水南入。疑出獬道之爲謬矣。又云漢漾也。東爲滄浪水。山海經曰。嶓冢之山。漢水出焉。而東

南流注於江。然東西兩川俱出嶓冢而同爲漢水者也。孔安國曰。泉始出爲漾。其猶濛耳。而常璩專爲

漾山漾水。當是作者附而爲山水之殊目矣。余按山海經。漾水出崑崙西北隅。而南流注於醜塗之水。

穆天子傳曰。天子自春山西征。至於赤烏氏。己卯北征。庚辰濟於洋水。辛巳入於曹奴。曹奴人戲觴天

子於洋水之上。

案近刻脫曹奴二字。人上有之字。

乃獻良馬九百。牛羊七千。天子使逢固受之。天子乃賜之黃金之鹿。

戲乃膜拜而受。余以太和中。從高祖北巡。狄人猶有此獻。雖古今世殊。而所貢不異。然川流隱伏。卒難

詳照。地理潛闕。變通無方。復不可全言闕氏之非也。雖津流派別。枝渠勢懸。原始要終。潛流或一。故俱

受漢漾之名。納方土之稱。是其有漢川漢陽廣漢漢壽之號。或因其始。或據其終。縱異名互見。猶爲漢

漾矣。川其目殊。或亦在斯。今西縣嶓冢山。西漢水所導也。然微涓細注。若通羣歷。津注而已。西流與馬

池水合。水出上邽西南六十餘里。謂之龍淵水。言神馬出水。事同余吾來淵之異。故因名焉。開山圖曰。

隴西神馬山有淵池。龍馬所生。卽是水也。其水西流。謂之馬池川。又西流入西漢水。西漢水又西南流。

左得蘭渠溪水。次西有山黎谷水。次西有鐵谷水。次西有石耽谷水。次西有南谷水。並出南山。揚湍北

注。右得高望谷水。次西得西溪水。次西得黃花谷水。咸出北山。飛波南入。西漢水又西南。資水注之。水北出資川。導源四壑。南至資峽。總爲一水。出峽西南流。注西漢水。西漢水又西南。得峽石水口。水出苑亭。西草黑谷。三溪西南至峽石口。合爲一瀆。東南流。屈而南。注西漢水。西漢水又西南。合楊廉川水。水出西谷。衆川瀉流。合成一川。東南流。逕西縣故城北。秦莊公伐西戎。破之。周宣王與其先大駱犬丘之地。案近刻脫先字爲西垂大夫。亦西垂宮也。案宮近刻訛作官王莽之西治矣。建武八年。世祖至阿陽。案阿陽近刻訛作陽河竇融等悉會。天水震動。隗囂將妻子奔西城。從楊廣。廣死。囂愁窮。城守。時潁川賊起。車駕東歸。留吳漢。岑彭。圍囂。岑等壅西谷水。以縑幔盛土。爲堤灌城。城未沒丈餘。水穿壅不行。地中數丈涌出。故城不壞。王元請蜀救至。案近刻脫王元二字漢等退還上邽。但廣廉字相狀。後人因以人名名之。故習譌爲楊廉也。案譌近刻作僞置楊廉縣焉。又東南流。右會茅川水。水出西南戎溪。東北流。逕戎丘城南。吳漢之圍西城。王捷登城。向漢軍曰。爲隗王城守者。皆必死無二心。願諸將亟罷。請自殺以明之。遂刎頸而死。又東北流。注西谷水。亂流東南。入於西漢水。西漢水又西南。逕始昌峽。案近刻此下有始昌縣故城西六字。係衍文重出。晉書地道記曰。天水始昌縣故城西也。亦曰清崖峽。西漢水又西南。逕宕備戍南。左則宕備水。自東南西北注之。右則鹽官水南入焉。水北有鹽官。案近刻脫北字在蟠冢西五十許里。相承營煮不輟。味與海鹽同。故地理志云。西縣有鹽官。是也。其水東南逕宕備戍西。東南入漢水。漢水又西南。合左谷水。水出南山窮溪。北注。漢水又西南。蘭

臯

案臯近刻訛作軍宋本訛作單

水出西北五交谷

案出下近刻衍于字

東南歷祁山軍東南入漢水漢水又西南逕祁山軍南

雞水南出雞谷

案南出近刻訛作出南

北逕水南縣西北流注於漢漢水又西建安川水入焉其水導源建威西

北山白石戍東南二源合注

案源下近刻衍水字

東逕建威城南又東與蘭坑水會水出西南近溪東北逕蘭坑

城西東北流注建安水建安水又東逕蘭坑城北建安城南其地故西縣之歷城也楊定自隴右徙治

歷城卽此處也去仇池百二十里後改爲建安城其水又東合錯水水出錯水戍東南而東北入建安

水建安水又東北有雉尾谷水又東北有太谷水又北有小祁山水並出東溪揚波西注又北左會胡

谷水水西出胡谷東逕金盤歷城二軍北軍在水南層山上其水又東注建安水建安水又東北逕塞

峽元嘉十九年宋太祖遣龍驤將軍裴方明伐楊難當難當將妻子北奔

案近刻脫難當二字

安西參軍魯尙期

案軍近刻訛作將

追出塞峽卽是峽矣左山側有石穴洞人言潛通下辨所未詳也其水出峽西北流注漢水

漢水北連山秀舉羅峯競峙祁山在嶓冢之西七十許里山上有城極爲巖固昔諸葛亮攻祁山卽斯

城也漢水逕其南城有三里有亮故壘壘之左右猶豐茂宿草蓋亮所植也在上邽西南二百四十里

開山圖曰漢陽西南有祁山蹊徑透池

案蹊近刻訛作溪

山高巖險九州之名阻天下之奇峻今此山於衆阜

之中亦非爲傑矣漢水又西南與甲谷水合水出西南甲谷東北流注漢水漢水又西逕南呀北呀中

案近刻訛作南呀北呀中呀之六字

上下有二城相對左右墳壠低昂互山被阜古諺云南呀北呀萬有餘家諸葛亮表

言祁山去沮縣五百里。案去沮縣近刻訛作縣出租脫里字有民萬戶。矚其丘墟。信爲殷矣。漢水西南逕武植戍南。武植

戍水發北山。二源奇發。合於安民戍南。又南逕武植戍西。而西南流注於漢水。漢水又西南逕平夷戍

南。又西南夷水注之。水出北山。南逕其戍西南入漢水。漢水又西逕蘭倉城南。又南右會兩溪。俱出西

山。東流注於漢水。張華博物志云。溫水出烏鼠山下。注漢水。疑是此水。而非所詳也。漢水又南入嘉陵

道。而爲嘉陵水。世俗名之爲階陵水。案世上近刻衍然字非也。漢水又東南得北谷水。又東南得武街水。案近刻訛作城

階水。又東南得倉谷水。右三水並出西溪。東流注漢水。漢水又東南逕瞿堆西。又屈逕瞿堆南。絕壁峭峙。

孤險雲高。望之形若覆唾壺。案近刻脫唾字。壺下衍其字。高二十餘里。羊腸蟠道。三十六迴。開山圖謂之仇夷。所謂

積石嵯峨。嶽岑隱阿者也。上有平田百頃。煮土成鹽。因以百頃爲號。山上豐水泉。所謂清泉湧沸。潤氣

上流者也。漢武帝元鼎六年。開以爲武都郡。天池大澤在西。故以都爲目矣。案近刻脫以字。王莽更名樂平郡。

縣曰循虜。案此下近刻衍縣字。常璩范曄云。郡居河池。一名仇池。池方百頃。卽指此也。左右悉白馬氏矣。漢獻帝

建安中有天水氏楊騰者。世居隴右。爲氏大帥。子駒勇健多計。徙居仇池。魏拜爲百頃氏王。漢水又東

合洛谷水。水有二源。案近刻訛作合洛谷谷有二源。同注一壑。逕神蛇戍西。案同上近刻衍合字。逕訛作於。左右山溪。多五色蛇。性馴

良。不爲物毒。洛谷水又南逕虎馱戍東。又南逕仇池郡西。瞿堆東。西南入漢水。漢水又東合洛溪水。案

近刻訛作。水北發洛谷。南逕威武戍南。又西南與龍門水合。水出西北龍門谷。東流與橫水會。東北窮

溪。卽水源也。又南逕龍門戍。東又東南入洛溪水。又東南逕上祿縣故城西。修源濬導。逕引北溪。南總

兩川。單流納漢。漢水又東南逕濁水城南。又東南會平樂水。水出武街東北四十五里。更馳南溪。導源

東北流。山側有甘泉。涌波飛清。案近刻訛作流。下注平樂水。案樂近刻訛作洛下同。又逕甘泉戍南。又東逕平樂戍南。又

東入漢。謂之會口。漢水東南逕修城道南。與修水合。水總二源。東北合漢。漢水又東南於槃頭郡南與

濁水合。水出濁城北。東流與丁令溪水會。其水北出丁令谷。南逕武街城西。東南入濁水。濁水又東逕

武街城南。故下辨縣治也。李玲李稚。案玲近刻訛作倉。以氏王楊難敵妻死葬陰平。案楊難敵近刻訛作楊敵堅。襲武街。爲

氏所殺於此矣。今廣業郡治。案魏書地形志。槃頭郡廣業郡皆屬東益州。後凡數見。又云東益州之廣業郡。朱謀璋于其下。並云宋本作廣漢。蓋此書爲宋人臆改者甚多。故宋

本亦往往不足據證。濁水又東。宏休水注之。水出北溪。案近刻訛作北出溪。南逕武街城東。而南流注於濁水。濁水又東

逕白石縣南。續漢書曰。虞詡爲武都太守。下辨東三十餘里有峽。峽中白水。生大石障塞水流。春夏輒

潰溢。敗壞城郭。詡使燒石以醢灌之。案醢近刻訛作水。石皆碎裂。因鑄去焉。遂無泛溢之害。濁水卽白水之異名

也。濁水又東南。堽陽水。案堽近刻訛作渥下同。北出堽谷。南逕白石縣東。而南入濁水。濁水又東南與仇鳩水合。

水發鳩溪南。逕河池縣故城西。王莽之樂平亭也。其水西南流注濁水。濁水又東南與河池水合。水出

河池北谷。南逕河池戍東。西南入濁水。濁水又東南。案近刻訛又字。兩當水注之。水出陳倉縣之大散嶺。西南

流入故道川。謂之故道水。西南逕故道城東。魏征仇池。築以置戍。與馬鞍山水合。水東出馬鞍山。歷谷



西流。至故道城東。西入故道水。西南流。北川水注之。水出北洛。欒山南。南流逕唐倉城下。南至困冢川。

入故道水。故道水又西南歷廣香交。合廣香川水。水出南田縣利喬山。南流至廣香川。謂之廣香水。川

又南注故道水。謂之廣香交。故道水又西南入秦岡山。尚婆水注之。山高入雲。遠望增狀。若嶺紆。曦軒

峰。枉月駕矣。案枉。近刻。詛作駐。懸崖之側。列壁之上。有神象。若圖指狀婦人之容。其形上赤下白。世名之曰聖

女神。至於福應。愆違。方俗是祈。水源北出利喬山。南逕尚婆川。謂之尚婆水。歷兩當縣之尚婆城南。魏

故道郡治也。西南至秦岡山。案近刻脫。秦岡二字。入故道水。故道水又右會黃盧山水。案又右會。近刻。詛作右又合。水出西北

天水郡黃盧山腹。歷谷南流。交注故道水。故道水南入東益州之廣業郡界。案廣業。近刻作廣。漢乃後人妄改。與沮水

枝津合。謂之兩當溪。水上承武都沮縣之沮水。瀆西南流。注於兩當溪。虞詡為郡漕穀布在沮。從沮縣

至下辨。山道險絕。水中多石。舟車不通。驢馬負運。僦五致一。詡乃於沮受僦。直約自致之。即將吏民按

行。皆燒石。欒木。開漕船道。水運通利。歲省萬計。以其僦廩與吏士。年四十餘萬也。又西南注於濁水。濁

水南逕槃頭郡東。而南合鳳溪水。水上承濁水於廣業郡。案廣業。近刻。亦詛作廣漢。南逕鳳溪中。有二石雙高。其形

若闕。漢世有鳳凰止焉。案止。近刻作。至脫焉字。故謂之鳳凰臺。北去郡三里。水出臺下。東南流。左注濁水。濁水又

南注漢水。漢水又東南歷漢曲。逕挾崖。與挾崖水合。水西出擔潭交。案擔。近刻。詛作檐。東流入漢水。漢水又東

逕武興城南。又東南與北谷水合。水出武興東北。而西南逕武興城北。謂之北谷水。南轉逕其城東。而

南與一水合。水出東溪。西流注北谷水。又南流注漢水。漢水又西南逕關城北。除水出西北。除溪。東南流入於漢。漢水又西南逕通谷。通谷水出東北。通溪。上承漾水。西南流爲西漢水。漢水又西南。寒水注之。水東出寒川。西流入漢。漢水又西逕石亭戍。廣平水西出百頃川。東南流注漢。又有平阿水出東山。西流注漢水。漢水又逕晉壽城西。而南合漢壽水。水源出東山。西逕東晉壽故城南。而西南入於漢水也。

又東南至廣魏白水縣西。案廣魏朱謀璋云。宋本作廣漢。今考水經乃三國魏時所撰。宋人臆說以爲漢。桑欽故改魏作漢耳。永樂大典內之本。仍作廣魏。蓋舊本相承如是。又東南至葭萌縣東北。與羌水合。

白水西北出於臨洮縣西南。傾山。水色白濁。東南流與黑水合。水出羌中。西南逕黑水城西。又西南入白水。白水又東逕洛和城南。洛和水西南出和溪。東北流逕南黑水城西。而北注白水。白水又東南逕鄧至城南。又東南與大夷祝水合。水出夷祝城西南窮溪。案南下近刻衍而字。北注夷水。又東北合羊洪水。水出東南羊溪。西北逕夷祝城東。又西北流。屈而東北。注於夷水。夷水又東北入白水。白水又東與安昌水會。水源發衛大西溪。東南逕鄧至安昌郡南。又東南合無累水。無累水出東北近溪。西南入安昌水。安昌水又東南入白水。白水又東南入陰平。得東維水。水出西北維谷。東南逕維城西。東南入白水。白水又東南逕陰平道故城南。案近刻脫道字。王莽更名摧虜矣。卽廣漢之北部也。廣漢屬國都尉治。漢安帝永

初三年。案安帝近刻分廣漢蠻夷置。又有白馬水。案近刻出長松縣西南白馬溪。案南下近刻行東北

逕長松縣北而東北注白水。白水又東逕陰平大城北。蓋其渠帥自故城徙居也。白水又東。偃溪水出

西南。偃溪東北流逕偃城西。而東北流入白水。白水又東逕偃城北。又東北逕橋頭。昔姜維之將還蜀

也。雍州刺史諸葛緒邀之於此。後期不及。故維得保劍閣。而鍾會不能入也。白水又與羌水合。自下羌

水又得其通稱矣。白水又東逕郭公城南。昔郭淮之攻廖化於陰平也。築之。故因名焉。白水又東。雍川

水出西南。雍溪。案溪近刻東北注白水。白水又東合空冷水。傍溪西南窮谷。卽川源也。白水又東南與

南五部水會。水有二源。西源出五部溪。東南流。東源出郎谷。西南合注白水。案合下近白水又東南逕

建昌郡東。案昌近刻而北與一水合。二源同注。共成一溪。案一近刻西南流入於白水。白水又東南逕

白水縣。故城東。卽白水郡治也。經云漢水出其西。非也。白水又東南與西谷水相得。水出西溪。東流逕

白水城南。東南入白水。白水又南。左會東流水。東入極溪。案東入近便卽水源也。白水又南逕武興城

東。案近刻又東南。左得刺稽水口。溪東北出。便水源矣。白水又東南。清水左注之。庾仲雍曰。清水自祁

山來合白水。斯爲孟浪也。水出於平武郡東北。矚累亘下。南逕平武城。東屈逕其城南。又西歷平洛郡

東南。屈而南。逕南陽僑郡東北。又東南逕新巴縣東北。又東南逕始平僑郡南。又東南逕小劍戍北。西

去大劍三十里。連山絕險。飛閣通衢。故謂之劍閣也。張載銘曰。一人守險。萬夫趨。起信然。故李特至劍

閹而歎曰。劉氏有如此地而面縛於人。豈不奴才也。小劍水西南出劍谷。東北流逕其戍下。入清水。清水又東南注白水。白水又東南於吐費城南。卽西晉壽之東北也。東南流注漢水。西晉壽卽蜀王弟葭萌所封爲苴侯邑。故遂名城爲葭萌矣。案近刻脫名字劉備改曰漢壽。太康中又曰晉壽。水有津關。段元章善風角。弟子歸元章封筭藥授之。案筭近刻脫作筭曰。路有急難開之。生到葭萌。從者與津吏諍打傷。開筭得書言其破頭者。案近刻脫開筭得書言五字可以此藥裹之。生乃歎服。還卒業焉。亦廉叔度抱父柩自沈處也。

又東南過巴郡閬中縣

巴西郡治也。劉璋之分三巴。此其一焉。閬駟曰。強水出陰平西北強山。一曰強川。姜維之還也。鄧艾遣

天水太守王頎敗之於強川。卽是水也。案近刻脫之字水字其水東北逕武都陰平梓潼南安入漢水。漢水又東

南逕津渠戍東。又南逕閬中縣東。閬水出閬陽縣。而東逕其縣南。又東注漢水。昔劉璋之攻霍峻於葭

萌也。自此水上。張達范彊害張飛於此縣。漢水又東南得東水口。水出巴嶺。南歷獠中。謂之東遊水。李

壽之時。獠自牂牁北入。所在諸郡。布滿山谷。其水西南逕宋熙郡東。又東南逕始平城東。案近刻脫始字又東

南逕巴西郡東。又東入漢水。漢水又東與濩溪水合。水出獠中。世亦謂之爲清水也。東南流注漢水。漢

水又東南逕宕渠縣東。又東南合宕渠水。水西北出南鄭縣巴嶺。案南鄭縣近刻脫作鄭縣南與槃余水同源。派注

南流。謂之北水。東南流與難江水合。水出東北小巴山。案近刻脫小字西南注之。又東南流逕宕渠縣。謂之宕

渠水又東南入於漢。案近刻脫於字。

又東南過江州縣東。案近刻訛作又東南入漢州江津縣東十字。蓋因上注有又東南入漢句。遂致訛衍。東南入於江。案近刻脫東字。

涪水注之。庾仲雍所謂涪內水者也。案近刻脫所字。作故脫所字。

丹水出京兆上洛縣西北冢嶺山。

一名高豬嶺也。案近刻脫一字。嶺訛作山。丹水東南流與清池水合。水源東北出清池山西南流入於丹水。

東南過其縣南。

縣故屬京兆。晉分爲郡。地道記曰。郡在洛上。故以爲名。竹書紀年。晉烈公三年。楚人伐我南鄙。至於上

洛。楚水注之。水源出上洛縣西南楚山。案水源二字。近刻作楚水。昔四皓隱於楚山。卽此山也。其水兩源合舍於四

皓廟東。又東逕高車嶺南。翼帶衆流。北轉入丹水。案近刻脫水字。嶺上有四皓廟。丹水自倉野。又東歷兔和山。

卽春秋所謂左師軍於兔和。右師軍於倉野者也。

又東南過商縣南。又東南至於丹水縣。入於均。案原本及近刻並訛作均。注內同。今改正。均水見卷二十九。

契始封商。魯連子曰。在太華之陽。皇甫謐闕駟。並以爲上洛商縣也。殷商之名。案商近刻訛作湯。起於此矣。丹

水自商縣東南流注。歷少習。出武關。應劭曰。秦之南關也。通南陽郡。春秋左傳。哀公四年。楚左司馬使

謂陰地之命。大夫士蔑曰。晉楚有盟。好惡同之。不然。將通於少習。以聽命者也。京相璠曰。楚通上洛。阨

道也。漢祖下析酈。

案析近刻說作浙下同

攻武關。文穎曰：武關在析縣西百七十里。弘農界也。丹水又東南流，入

白口，歷其戍下。又東南，析水出，析縣西北。弘農盧氏縣大蒿山，南流逕脩陽縣故城北。縣，卽析之北鄉也。又東入析縣，流結成潭，謂之龍淵。清深神異者，舊傳云：漢祖入關，逕觀是潭，其下若有府舍焉。事既

非恆，難以詳矣。其水又東逕其縣故城北。蓋春秋之白羽也。左傳昭公十八年，楚使王子勝遷許於析

是也。郭仲產云：相承言此城漢高所築，非也。余按史記

案近刻脫記字

楚襄王元年，秦出武關，斬衆五萬，取析

十五城。漢祖入關，亦言下析酈，非無城之言。修之則可矣。

案修近刻說作循

析水又歷其縣東。王莽更名縣爲

君亭也。

案君近刻說作古

而南流入丹水縣，注於丹水。故丹水會均有析口之稱。丹水又東南逕一故城南，名

曰三戶城。昔漢祖入關，王陵起兵，丹水以歸漢祖。此城疑陵所築也。丹水又逕丹水縣故城西南。縣有

密陽鄉，古商密之地。昔楚申息之師所戍也。春秋之三戶矣。杜預曰：縣北有三戶亭。竹書紀年曰：壬寅

孫何侵楚，入三戶。郢者是也。水出丹魚，先夏至十日，夜伺之，魚浮水側，赤光上照如火，網而取之，割其

血以塗足，可以步水上。長居淵中。丹水東南流，至其縣南。黃水北出，芬山黃谷。

案北出芬山近刻說作出北子山

南。逕丹水縣。南注丹水。案近刻注下有于字黃水北有墨山，山石悉黑，纒彩奮發，黝焉若墨。故謂之墨山。今河南新

安縣有石墨山，斯其類也。丹水南有丹崖山，山悉赭壁，霞舉若紅雲，秀天二岫，更爲殊觀矣。丹水又南

逕南鄉縣故城東北。漢建安中，割南陽右壤爲南鄉郡。逮晉封宣帝孫暢爲順陽王，因立爲順陽郡。案立

爲近刻  
詛作爲立

而南鄉爲縣舊治鄴城。

案治近刻  
詛作始

永嘉中丹水浸沒。至永和中徙治南鄉故城。城南門外舊

有郡社。柏樹大三十圍。蕭欣爲郡伐之。言有大蛇從樹腹中墜下。大數圍。長三丈。羣小蛇數十。隨入南山。聲如風雨。伐樹之前見夢於欣。欣不以厝意。及伐之。更少日果死。丹水又東逕南鄉縣北。與寧末太守王靡之改築。今城北半據在水中。左右夾澗深長。及春夏水漲。望若孤洲矣。城前有晉順陽太守丁穆碑。郡民范寧立之。丹水逕流兩縣之間。歷於中之北。所謂商於者也。故張儀說楚絕齊。許以商於之地六百里。謂以此矣。呂氏春秋曰。堯有丹水之戰。以服南蠻。卽此水也。又南合均水。謂之析口。案口  
近刻

詛作  
水

## 卷二十一

### 汝水

汝水出河南梁縣勉鄉西天息山。

地理志曰。出高陵山。卽猛山也。亦言出南陽魯陽縣之大孟山。又言出弘農盧氏縣還歸山。博物志曰。汝出燕泉山。並異名也。余以永平中蒙除魯陽太守。會上臺下列山川圖。以方誌參差。遂令尋其源流。此等旣非學徒。難以取悉。旣在逕見。案逕近刻  
詛作不容不述。今汝水西出魯陽縣之大孟山蒙柏谷。案蒙  
近刻

訛作巖鄆深高山岫邃密石徑崎嶇人蹟裁交西卽盧氏界也其水東北流逕太和城西又東流逕其城北左右深松列植案近刻脫松列二字筠柏交蔭尹公度之所棲神處也又東屆堯山西嶺下水流兩分一水東逕堯山南爲澧水也卽經所言澧水出堯山矣一水東北出爲汝水歷蒙柏谷左右岫壑爭深山阜競高夾水層松茂柏傾山蔭渚故世人以名也津流不已北歷長白沙口狐白溪水注之夾岸沙漲若雪因以取名其水南出狐白川北流注汝水汝水又東北趣狼臯山者也

東南過其縣北

汝水自狼臯山東出峽謂之汝隄也東歷麻解城北故鄆鄉城也謂之蠻中左傳所謂單浮餘圍蠻氏蠻氏潰者也杜預曰城在河南新城縣之東南伊洛之戎陸渾蠻氏城也俗以爲麻解城案此下近刻衍非也二字蓋蠻麻讀聲近故也汝水又逕周平城南京相璠曰霍陽山在周平城東南者也汝水又東與三屯谷水合水出南山北流逕石碣東案碣近刻作塢柱側刊云河南界又有一碣題言洛陽南界碑柱相對旣無年月竟不知何代所表也其水又北流注於汝水汝水又東與廣成澤水合水出狼臯山北澤中安帝永初元年以廣成遊獵地假與貧民元初二年鄧太后臨朝鄧騭兄弟輔政世士以爲文德可興武功宜廢寢蒐狩之禮息戰陣之法於時馬融以文武之道聖賢不墜五材之用無或可廢作廣成頌云大漢之初基也揆厥靈囿案近刻營於南郊右轡三塗左枕嵩嶽面據衡陰背箕王屋浸以波澆演以榮



洛。金山石林。殷起乎其中。神泉側出。丹水湟池。怪石浮磬。燿焜於其陂。桓帝延熹元年。校獵廣成。遂幸

函谷關。其水自澤東南流。逕温泉南。與温泉水合。温水數源。揚波於川左。泉上華宇連蔭。芙蓉交拒。案近

刻訛作池。方塘石沼。案近刻脫錯落其間。頤道者多歸之。其水東南流。注廣成澤水。澤水又東南入於汝水。

汝水又東得魯公水口。水上承陽人城東魯公陂。城古梁之陽人聚也。秦滅東周。徙其君於此。陂水東

南流。合於澗水。水出北山。案北近刻南流注之。又亂流注於汝水。汝水之右。有霍陽聚。汝水逕其北。東

合霍陽山水。水出南山。杜預曰。河南梁縣有霍山者也。其水東北流。逕霍陽聚東。世謂之華浮城。非也。

春秋左傳哀公四年。楚侵梁。及霍。服虔曰。梁霍。周南鄙也。建武二年。世祖遣征虜將軍祭遵攻蠻。中山

賊張滿時厭新柏華餘賊。合攻得霍陽聚。卽此。霍陽山水。又逕梁城西。按春秋。周小邑也。於戰國爲南

梁矣。故經云。汝水逕其縣北。俗謂之治城。非也。以北有注城故也。今置治城縣治。霍陽山水。又東北流

注於汝水。汝水又左合三里水。水北出梁縣西北。而東南流。逕其縣故城西。故愚狐聚也。地理志云。秦

滅西周。徙其君於此。因乃縣之。杜預曰。河南縣西南有梁城。卽是縣也。水又東南逕注城南。司馬彪曰。

河南梁縣有注城。史記魏文侯三十二年。敗秦於注者也。又與一水合。水發注城東坂下。東南流。注三

里水。三里水又亂流。入於汝。汝水又東逕成安縣故城北。按地理志。潁川郡有成安縣。侯國也。史記建

元以來功臣侯者。年表曰。漢武帝元朔五年。校尉韓千秋擊南越。死。封其子韓延年爲成安侯。卽此邑。

矣。世謂之白泉城，非也。俗謬耳。汝水又東爲周公渡，藉承休之徽號。而有周公之嘉稱也。汝水又東，黃水注之。水出梁山，東南逕周承休縣，故城東爲承休水縣。故子南國也。漢武帝元鼎四年，幸洛陽，巡省豫州，觀於周室，邈而無祀，詢問耆老，乃得孽子嘉，封爲周子南君，以奉周祀。按汲冢古文，謂衛將軍文子爲子南彌牟，其後有子南勁，紀年勁朝於魏。案近刻後惠成王如衛，命子南爲侯。秦并六國，衛最後滅，疑嘉是衛後，故氏子南而稱君也。初元五年，爲周承休邑。地理志曰：侯國也。元帝置，元始二年，更曰鄭公。王莽之嘉美也。案近刻故汝渡有周公之名，蓋藉邑以納稱，世謂之黃城。案世近刻水曰黃水，皆非也。其水又東南逕白茅臺東，又南逕梁瞿鄉西，世謂之期城，非也。按後漢書。案近刻世祖自潁川往梁瞿鄉，馮魴先詣行所，卽是邑也。水積爲陂，世謂之黃陂。東轉逕其城南，東流，右合汝水。

又東南過潁川鄉縣南。案近刻

脫過字

汝水又東與張磨泉合，水發北阜，春夏水盛，則南注汝水。汝水又東分爲西長湖，湖水南北五十餘步，東西三百步。汝水又東，扈澗水北出，大劉山南逕木蓼堆東。案木近刻郟城西南流入於汝。汝水又右，迤爲湖，湖水南北八九十步，東西四五百步，俗謂之東長湖。湖水下入汝，古養水也。水出魯陽縣北，將孤山北長岡下，數泉俱發。東歷永仁三堆南，又東逕沙川，世謂之沙水。歷山符壘北，又東逕沙亭南，故養陰里也。司馬彪郡國志曰：襄城有養陰里。京相璠曰：在襄城郟縣西南。養水名也。俗以是水爲沙水。

故亦名之爲沙城。非也。又城處水之陽，而以陰爲稱，更用惑焉。但流雜閒居，裂漑互移，致令川渠異容。

津途改狀，故物望疑焉。又右會堇溝水，水出沛公壘西六十許步。蓋漢祖入關，往征是由，故地擅斯目。

矣。其水東北注養水，養水又東北入東長湖，亂流注汝水也。案近刻脫流字汝水又逕郟縣故城南。春秋昭公

十九年，楚令尹子瑕之所城也。激水注之，水出魯陽縣之將孤山，東南流。許慎云：水出南陽魯陽。案南陽近

刻脫陽字。入父城，從水敖聲。呂忱字林亦言在魯陽。激水東入父城縣，與桓水會。案桓近水出魯陽北山，水

有二源，奇導於賈復城，合爲一瀆。逕賈復城北，復南擊郟所築也。俗語訛認，謂之寡婦城。水曰寡婦水。

此瀆。案此近刻脫水有窮通，故有枯渠之稱焉。其水東北流，至父城縣北，右注激水，亂流。又東北至郟入

汝。汝水又東南，左合藍水，水出陽翟縣重嶺山，東南流，逕紀氏城西，有層臺。案層近刻謂之紀氏臺。案

近刻訛作記脫之字。續漢書曰：世祖車駕西征，盜賊羣起，郟令馮魴爲賊延真所攻，力屈，上詣紀氏，羣賊自降，卽

是處。在郟城東北十餘里。其水又東南流，逕黃阜東而南入汝水。汝水又東南流，與白溝水合。案近刻

又水出夏亭城西。案水出下近刻衍亭又南逕龍城西，城西北卽摩陂也。縱廣可十五里。魏青龍元年

有龍見於郟之摩陂。明帝幸陂，觀龍，於是改摩陂曰龍陂。其城曰龍城。其水又南入於汝水。汝水又東

南與龍山水會。水出龍山龍溪，北流，際父城縣故城東。昔楚平王大城城父，以居太子建。故杜預曰：卽

襄城之父城縣也。案原本訛作卽襄城之城父縣也。近刻又脫縣字。左傳集解今本亦誤。考楚之城父

漢晉皆不稱城父也。今改正。

馮異據之以降世祖。用報巾車之恩也。其水又東北流。與二水合。俱出龍山。北流注之。

又東北入於汝水。汝水又東南。逕襄城縣故城南。王隱晉書地道記曰。楚靈王築。劉向說苑曰。襄城君始封之日。服翠衣。帶玉佩。徒倚於流水之上。卽是水也。楚大夫莊辛所說處。後乃縣之。呂后元年。立孝惠後宮子義爲侯國。王莽更名相成也。黃帝嘗遇牧童於其野。故嵇叔夜讚曰。奇矣難測。襄城小童。倦遊六合。來憩茲邦也。其城南對汜城。周襄王出鄭居汜。卽是此城也。春秋襄公二十六年。楚伐鄭。涉汜而歸。杜預曰。涉汝水於汜城下也。晉襄城郡治。京相璠曰。周襄王居之。故曰襄城也。今置關於其下。汝水又東南流。逕西不羹城南。春秋左傳昭公十二年。楚靈王曰。昔諸侯遠我而異晉。今我大城陳蔡。不羹。賦皆千乘。諸侯其畏我乎。東觀漢記曰。車騎馬防。以前參藥勤勞省闕。增封侯國。襄城羹亭千二百五十戶。卽此亭也。汝水又東南。逕繁丘城南而東南出也。

又東南過定陵縣北。

湛水出犍縣北魚齒山西北。東南流。歷魚齒山下。爲湛浦。方五十餘步。春秋襄公十六年。晉伐楚。報楊梁之役。楚公子格及晉師。戰於湛阪。楚師敗績。遂侵方城之外。今水北。悉枕翼山。阜於父城東南。湛水之北。山有長阪。蓋卽湛水以名阪。故有湛阪之名也。湛水又東南。逕蒲城北。京相璠曰。昆陽縣北有蒲城。蒲城北有湛水者是也。湛水又東。案湛近刻訛作漢。於汝水九曲北。東入汝。杜預亦以是水爲湛水矣。周禮。

荆州其浸潁。潁鄭玄云未聞。蓋偶有不照也。今考地則不乖其土。言水則有符經文矣。汝水又東南。逕定陵縣故城北。漢成帝元延三年封侍中衛尉淳于長爲侯國。王莽更之曰定城矣。案近刻脫曰字東觀漢記曰光武擊王莽。二公還到汝水。上於涯以手飲水。澡頰塵垢。謂傅俊曰。今日疲倦。諸君寧憊也。卽是水也。水右則澠水左入焉。左則百尺溝出矣。溝水夾岸層崇。亦謂之爲百尺堤也。自定陵城北通潁水於襄城縣。潁盛則南播。汝洸則北注。溝之東有澄潭。號曰龍淵。在汝北四里許。南北百步。東西二百步。水至清深。常不耗竭。案常近刻訛作嘗佳饒魚筍。湖溢則東注。澠水矣。汝水又東南。昆水注之。水出魯陽縣唐山。東南流逕昆陽縣故城西。更始元年王莽徵天下能爲兵法者。案近刻脫者字選練武衛。招募猛士。旌旗輜重。千里不絕。又驅諸獷獸虎豹犀象之屬。以助威武。自秦漢出師之盛。未嘗有也。世祖以數千兵。徼之陽關。諸將見尋邑兵盛。反走入昆陽。世祖乃使成國上公王鳳。廷尉大將軍王常留守。夜與十三騎出城南門。收兵於鄗。尋邑圍城數十重。雲車十餘丈。瞰臨城中。案近刻脫中字積弩亂發。矢下如雨。城中人負戶而汲。王鳳請降。不許。世祖帥營部俱進。頻破之。乘勝以敢死三千人。徑衝尋邑兵。敗其中堅。於是水之上。遂殺王尋。城中亦鼓譟而出。中外合勢。震呼動天地。會大雷風。屋瓦皆飛。莽兵大潰。昆水又屈逕其城南。世祖建武中。封侍中傅俊爲侯國。故後漢郡國志有昆陽縣。蓋藉水以氏縣也。昆水又東逕定陵城南。又東注汝水。汝水又東南逕奇領城西北。今南潁川郡治也。澠水出焉。世亦謂之大灑水。爾雅曰。河

有雍。汝有潰。然則潰者。汝別也。故其下夾水之邑。猶流汝陽之名。是或潰瀝之聲相近矣。亦或下合瀝。穎兼統厥稱耳。案近刻作矣。

又東南過鄆縣北。

汝水逕奇頌城西。東南流。其城衿帶兩水。側背雙流。汝水又東南流。逕鄆縣故城北。故魏下邑也。史記

楚昭陽伐魏。取鄆是也。汝水又東得醴水口。案近刻說水出南陽雒縣。案近刻亦云導源雒衡山。即山

海經云衡山也。郭景純以為南岳。非也。馬融廣成頌曰。面據衡陰。指謂是山在雒縣界。故世謂之雒衡

山。依山海經。不言有水。案此下近刻衍焉字。然醴水東流。歷唐山下。即高鳳所隱之山也。醴水又東南與臯水合。

水發臯山。郭景純言或作章山。案近刻脫言字。東流注於醴水。醴水又東南逕唐城北。南入城而西流出城。城

蓋因山以即稱矣。醴水又屈而東南流。逕葉縣故城北。春秋昭公十五年。許遷於葉者也。楚盛周衰。控

霸南土。欲爭強中國。多築列城於北方。以逼華夏。故號此城為萬城。或作方字。案字近刻說作城。此四字亦注中之小注。唐

勒奏土論曰。我是楚也。案此語有舛誤。世霸南土。自越以至葉。垂弘境萬里。故號曰萬城也。余按春秋屈完之

在召陵。對齊侯曰。楚國方城以為城。杜預曰。方城。山名也。在葉南。未詳孰是。楚惠王以封諸梁子高。案

刻脫號曰葉公城。即子高之故邑也。葉公好龍。神龍下之河東。王喬之為葉令也。每月望。常自詣臺朝

帝。怪其來數而不見。車騎顯宗。密令太史伺望之。言其臨至。輒有雙鳧。從東南飛來。於是候鳧至。舉羅

張之。但得一隻鳥。乃詔尙方診視。則四年中所賜尙書官屬履也。每當朝時。葉門下鼓。不擊自鳴。聞於京師。後天下玉棺於堂前。吏民推排。終不搖動。喬曰。天帝獨欲召我耶。乃沐浴服飾。寢其中。蓋便立覆。宿昔葬於城東。土自成墳。其夕縣中牛皆流汗喘乏。而人無知者。百姓爲立廟。號葉君祠。牧守每班錄。皆先謁拜之。吏民祈禱。無不如應。若有違犯。亦立能爲祟。帝乃迎取其鼓。置都亭下。略無復聲焉。或云卽古仙人王喬也。是以干氏書之於神化。醴水又逕其城東。與燒車水合。水西出苦菜山。東流側葉城南。而下注醴水。醴水又東逕葉公廟北。廟前有沈子高諸梁碑。案沈近刻舊秦漢之世。廟道有雙闕。几筵。黃巾之亂。殘毀積闕。魏太和景初中。令長修飾舊宇。後長汝南陳晞。以正始元年立碑。碑字破落。遺文殆存。事見其碑。醴水又東與葉西陂水會。縣南有方城山。屈完所謂楚國方城以爲城者也。山有湧泉北流。畜之以爲陂。陂塘方二里。案陂近刻作故陂水散流。又東逕葉城南。而東北注醴水。醴水又東注葉陂。陂東西十里。南北七里。二陂並諸梁之所竭也。陂水又東逕濼陽縣故城北。又東逕定陵城南。東與芹溝水合。其水導源葉縣。東逕濼陽城北。又東逕定陵縣南。又東南流注醴。其水逕流昆醴之間。纏絡四縣之中。疑卽呂忱所謂峴水也。案峴近刻作混今於定陵更無別水。惟是水可當之。醴水東逕鄧縣故城南。左入汝。山海經曰。醴水東流注於混水也。汝水又東南流。逕鄧城西。春秋左傳桓公二年。蔡侯鄭伯會於鄧者也。汝水又東南流。濼水注之。

又東南過汝水上蔡縣西。

汝南郡楚之別也。漢高祖四年置。王莽改郡曰汝汾。縣故蔡國。周武王克殷。封其弟叔度於蔡。世本曰。上蔡也。九江有下蔡。故稱上。竹書紀年曰。魏章率師及鄭師伐楚。取上蔡者也。永初元年。案永初近刻訛作建安。

安帝封鄧鷲爲侯國。汝水又東。逕懸瓠城北。王智深云。汝南太守周矜起義於懸瓠者是矣。今豫州刺

史汝南郡治。城之西北。汝水枝別左出。西北流。又屈西東轉。又西南會汝。形若垂瓠。蒼彥云。城北名馬

灣。案馬近刻訛作焉。中有地數頃。上有栗園。栗小。殊不並固安之實也。然歲貢三百石。以充天府。水渚卽栗州

也。樹木高茂。望若屯雲。積氣矣。林中有栗堂。射尊甚閒敞。牧宰及英彥。多所遊薄。其城上西北隅。高祖

以太和中。幸懸瓠。平南王肅起高臺於小城。建層樓於隅阿。下際水湄。降眺栗渚。案近刻脫眺字。左右列榭。四

周參差競峙。奇爲佳觀也。

又東南過平輿縣南。

溱水出浮石嶺。北青衣山。亦謂之青衣水也。東南逕朗陵縣故城西。應劭曰。西南有朗陵山。縣以氏焉。

世祖建武中。封城門校尉臧宮爲侯國也。溱水又南。屈逕其縣南。又東北逕北宜春縣故城北。王莽更

名之爲宜屏也。豫章有宜春。故加北矣。元初三年。案元初近刻訛作永元。安帝封后父侍中閭暢爲侯國。溱水又

東北逕馬香城北。又東北入汝。汝水又東南逕平輿縣南。安成縣故城北。王莽更名至成也。漢武帝元



光六年封長沙定王子劉蒼爲侯國矣。汝水又東南。陂水注之。案近刻脫此二字。又陂訛作汝。水首受慎水於慎陽縣

故城南。陂水兩分。一水自陂北。遶慎陽城。四周城塹。案周近刻作周。穎川荀淑遇縣人黃叔度於逆旅。與語

移日。曰。子吾師表也。范奕論曰。案奕近刻訛作暉。黃憲言論風旨。無所傳聞。然士君子見之者。靡不服深遠。去

疵吝。將以道周性全。無得而稱乎。塹水又自瀆東北流。注北陂。案北近刻訛作七。一水自陂東北流。積爲銅陂。

案銅近刻訛作同。陂水又東北。又結而爲陂。世謂之窖陂。陂水上承慎陽縣北陂。東北流。積而爲土陂。陂水又

東爲窖陂。陂水又東南流。注壁陂。陂水又東北爲太陂。陂水又東入汝。汝水又東南逕平陵亭北。又東

南逕陽遂鄉北。汝水又東逕櫟亭北。案櫟近刻訛作樂。春秋之棘櫟也。杜預曰。汝陰新蔡縣東北有櫟亭。今城

在新蔡故城西北。城北半淪水。汝水又東南逕新蔡縣故城南。昔管蔡間王室。放蔡叔而遷之。其子胡

能率德易行。周公舉之爲卿士。以見於王。王命之以蔡。申呂地也。案申近刻作中。以奉叔度祀。是爲蔡仲矣。宋

忠曰。故名其地爲新蔡。王莽所謂新遷者也。世祖建武二十八年。案近刻訛作元年。封吳國爲侯國。汝南先賢

傳曰。新蔡鄭敬。字次都。爲郡功曹都尉。高懿廳事前有槐樹。白露類甘露者。懿問掾屬。皆言是甘露。敬

獨曰。明府政未能致甘露。但樹汁耳。懿不悅。託疾而去。汝水又東南。左會瀘水。水上承汝水。別流於奇

頴城東。東南流。爲練溝。逕召陵縣西。案召近刻作郟。東南流。注至上蔡西岡北。爲黃陵陂。陂水東流。案近刻脫水字。於

上蔡岡東爲蔡塘。又東逕平輿縣故城南。爲瀘水。縣舊沈國也。有沈亭。春秋定公四年。蔡滅沈。以沈子

嘉歸。後楚以爲縣。案近刻脫楚字史記曰：秦將李信攻平輿，敗之者也。建武三十年，世祖封銚統爲侯國。本汝

南郡治。昔費長房爲市吏，見王壺公懸壺郡市，長房從之，因而自遠同入。此壺隱淪仙路，骨謝懷靈，無

會而返。雖能役使鬼神，而終同物化。城南里餘有神廟，世謂之張明府祠。水旱之不節，則禱之。廟前有

圭碑，文字紊碎，不可復尋。碑側有小石函，按桂陽先賢畫讚：臨武熹字季智，爲平輿令。時天大旱，案

刻訛作天熹躬禱，雲未獲，嘉應。案近刻脫躬字嘉字乃積薪自焚。案薪近刻作柴主簿侯崇，案近刻脫侯字小吏張化

從熹焚焉。火既燎，天靈感應，卽澍雨。此熹自焚處也。澗水又東南，左迪爲葛陂。陂方數十里，水物含靈，

多所苞育。昔費長房投杖於陂，而龍變所在也。又劾東海君於是陂矣。陂水東出爲銅水，俗謂之三丈

陂，亦曰三嚴水。水逕銅陽縣故城南。應劭曰：縣在銅水之陽。漢明帝永平中，封衛尉陰興子慶爲侯國，

也。案興近刻訛作與縣有葛陵城，建武十五年，更封安成侯銚丹爲侯國。案近刻訛作更名封城之東北有楚

武王家，民謂之楚王琴。案近刻訛作瑟下衍城字。城北祝社里，下土中得銅鼎，銘云：楚武王是知武王隧也。銅陂東

注爲富水。案銅近刻訛作銅水積之處，謂之陂塘。津渠交絡，枝布川隰矣。澗水自葛陂東南，逕新蔡縣故城東

而東南流，注於汝。汝水又東南，逕下桑里，左迪爲橫塘陂。又東北爲青陂者也。案青近刻訛作清下同。汝水又東

南，逕壺丘城北。故陳地。案近刻訛作也春秋左傳：文公九年，楚侵陳，克壺丘，以其服於晉是也。汝水又東，與青

陂合。水上承慎水於慎陽縣之上，慎陂右溝，北注馬城陂。陂西有黃丘亭。陂水又東，逕新息亭北。案又近刻

於訛作又東爲綢陂。陂水又東逕新息縣，結爲牆陂。陂水又東逕遂鄉東南，而爲壁陂。又東爲青陂。陂東對大呂亭。春秋外傳曰：「當成周時，南有荆蠻，申呂姜姓矣。蔡平侯始封也。」西南有小呂亭，故此稱大也。側陂南有青陂廟，廟前有陂。案近刻訛作陂。漢靈帝建寧三年，新蔡長河南織氏李言上請修復青陂。司徒臣訓尚書臣襲奏可洛陽宮於青陂東塘南樹碑。案於字近刻在洛陽宮上，碑稱青陂在縣坤地，源起桐柏，淮川別流入於潺湲，逕新息牆陂。案近刻訛作陂，朱謀壘云：宋本作陂，今考陂亦陂之訛。衍入襄信界，灌溉五百餘頃。陂水又東分爲二水：一水南入淮，一水東南逕白亭北。又東逕吳城南。史記楚惠王二年，子西召太子建之子勝於吳，勝入居之，故曰吳城也。又東北屈逕壺丘東，而北流注於汝水。世謂之薄溪水。汝水又東逕襄信縣故城北而東注矣。

又東至原鹿縣。

汝水又東南逕縣故城西。杜預釋地曰：汝陰有原鹿縣也。

南入於淮。

所謂汝口側水，有汝口戍，淮汝之交會也。

## 卷二十二

潁水 洧水 潁水 潧水 渠沙水

潁水出潁川陽城縣西北少室山。

秦始皇十七年滅韓。以其地爲潁川郡。蓋因水以著稱者也。漢高帝二年。以爲韓國。王莽之左隊也。山海經曰。潁水出少室山。地理志曰。出陽城縣陽乾山。今潁水有三源。奇發右水。出陽乾山之潁谷。春秋潁考叔爲其封人。其水東北流。中水導源少室通阜。東南流逕負黍亭東。春秋定公六年。鄭伐馮。滑負黍者也。馮敬通顯志賦曰。求善卷之所在。遇許由於負黍。京相璠曰。負黍在潁川陽城縣西南二十七里。世謂之黃城也。亦或謂是水爲灑水。東與右水合。左水出少室南溪。東合潁水。故作者互舉二山。言水所發也。案近刻互訛作乃山訛作三呂氏春秋曰。卞隨恥受湯讓。自投此水而死。張顯逸民傳。嵇叔夜高士傳。並言投河水而死。未知孰是也。

東南過其縣南。案近刻作又東南。又字後人所加。

潁水又東。五渡水注之。其水導源密高縣東北太室東溪縣。漢武帝置以奉太室山。俗謂之崧陽城。及春夏雨泛。水自山頂而迭相灌澍。嶠流相承。爲二十八浦也。暘旱輟津。案暘近刻作暘而石潭不耗。道路遊憩者。惟得餐飲而已。案餐近刻訛作食無敢澡盥其中。苟不如法。必數日不豫。是以行者憚之。山下大潭。周數里。案潭近刻訛作潭而清深肅潔。水中有立石。高十餘丈。廣二十許步。上甚平整。縑素之士。多泛舟升陟。取暢幽

情。其水東南逕陽城西。案南逕近刻訛作流南。石溜縈委。溯者五涉。故亦謂之五渡水。東南流入潁水。潁水逕其

縣故城南。昔舜禪禹。禹避商均。伯益避啓。並於此也。亦周公以土圭測日景處。漢成帝永始元年。封趙

臨爲侯國也。縣南對箕山。山上有許由冢。堯所封也。故太史公曰。余登箕山。其上有許由墓焉。案其近刻訛作

之。山下有牽牛墟。側潁水有犢泉。是巢父還牛處也。石上犢跡存焉。又有許由廟。碑闕尙存。是漢潁川

太守朱寵所立。潁水逕其北。東與龍淵水合。其水導源龍淵。東南流。逕陽城北。又東南入於潁。潁水又

東。平洛溪水注之。水發玉女臺下。平洛澗。世謂之平洛水。呂忱所謂勺水出陽城山。蓋斯水也。又東南

流。注於潁。潁水又東出陽關。案陽下近刻衍城字。歷康城南。魏明帝封尙書右僕射衛臻爲康鄉侯。此卽臻封邑

也。

### 又東南過陽翟縣北。

潁水東南流。逕陽關聚。聚夾水相對。俗謂之東西二土城也。潁水又逕上棘城西。又屈逕其城南。春秋

左傳襄公十八年。楚師伐鄭。城上棘。以涉潁者也。縣西有故堰。堰石崩褫。潁基尙存。舊潁水枝流所

出也。其故瀆東南逕三封山北。今無水。渠中又有泉流出焉。時人謂之罽水。東逕三封山東。東南歷大

陵西連山。亦曰啓筮亭。啓亭神於大陵之上。卽鈞臺也。春秋左傳曰。夏啓有鈞臺之饗是也。杜預曰。河

南陽翟縣南有鈞臺。其水又東南流。水積爲陂。陂方十里。俗謂之鈞臺陂。案鈞字近刻訛。在下句指字下。蓋陂指臺取

名也。又西南流。逕夏亭城西。又屈而東南。爲郟之靡陂。潁水自竭東。逕陽翟縣故城北。案近刻脫縣字。夏禹始

封於此。爲夏國。故武王至周曰。吾其有夏之居乎。遂營洛邑。徐廣曰。河南陽城陽翟。則夏地也。春秋經

書。鄭伯突入於櫟。左傳。桓公十五年。突殺檀伯而居之。服虔曰。檀伯。鄭守櫟大夫。櫟。鄭之大都。宋忠

曰。今陽翟也。周末。韓景侯自新鄭徙都之。王隱曰。陽翟。本櫟也。案近刻脫陽字。故潁川郡治也。城西有郭奉孝

碑。側水有九山祠碑。案側水近刻訛作水側。叢柏猶茂。北枕川流也。

又東南過潁陽縣西。又東南過潁陰縣西南。

應劭曰。縣在潁水之陽。故邑氏之。按東觀漢記。漢封車騎將軍馬防爲侯國。防城門校尉。位在九卿上。

絕席潁水。又南逕潁鄉城西。潁陰縣故城在東北。舊許昌典農都尉治也。後改爲縣。魏明帝封侍中辛

毗爲侯國也。潁水又東南逕柏祠。曲東歷岡丘城南。故汾丘城也。春秋左傳。襄公十八年。楚子庚治兵

於汾。司馬彪曰。襄城縣有汾丘。杜預曰。在襄城縣之東北也。逕繁昌故縣北。曲蠡之繁陽亭也。魏書國

志曰。文帝以漢獻帝延康元年。行至曲蠡。登壇受禪於此地。案近刻脫壇受二字。改元黃初。其年以潁陰之繁陽

亭爲繁昌縣。城內有三臺。時人謂之繁昌臺。壇前有二碑。昔魏文帝受禪於此。案近刻脫受字。自壇而降。曰舜

禹之事。吾知之矣。故其石銘曰。遂於繁昌築靈壇也。案壇近刻訛作臺。於後其碑六字生金。論者以爲司馬金

行。故曹氏六世。遷魏而事晉也。潁水又東南流。逕青陵亭城北。北對青陵陂。陂縱廣二十里。潁水逕其

北枝入爲陂。陂西則澗水注之。水出襄城縣之邑城下。案襄近刻東流注於陂。陂水又東入臨潁縣之狼陂。潁水又東南流而歷臨潁縣也。

又東南過臨潁縣南。又東南過汝南灑強縣北。洧水從河南密縣東流注之。

臨潁舊縣也。潁水自縣西注。案近刻小灑水出焉。案近刻爾雅曰：潁別爲沙。郭景純曰：皆大水溢出。別

爲小水之名也。亦猶江別爲沱也。潁水又東南逕臯城北。案臯近刻即古臯城亭矣。案臯城近刻春秋

經書公及諸侯盟於臯。臯者也。臯澤字相似。名與字乖耳。潁水又東逕灑陽城南。竹書紀年曰：孫何取

灑陽。灑強城在東北。潁水不得逕其北也。潁水又東南。潏水入焉。非洧水也。

又東過西華縣北。

王莽更名之曰華望也。案也上近有東故言西矣。案矣近世祖光武皇帝建武中。封鄧晨爲侯國。漢濟

北戴封。字平仲。爲西華令。遇天旱。慨治功無感。乃積柴坐其上。以自焚。火起而大雨暴至。遠近歎服。案

刻說永元十三年。徵太常焉。案焉近縣北有習陽城。潁水逕其南。案近刻經所謂洧水流注之也。作伏

又南過女陽縣北。案漢志女陽師古曰女讀曰汝其

縣故城南。有汝水枝流。故縣得厥稱矣。闕駟曰：本汝水別流。其後枯竭。號曰死汝水。故其字無水。余按

汝女乃方俗之音。故字隨讀改。未必一如闕氏之說。以窮通損字也。潁水又東。大灑水注之。又東南逕

博陽縣故城東。案近刻脫故字城在南頓縣北四十里。漢宣帝封邴吉爲侯國。王莽更名樂嘉。

又東南過南頓縣北。灑水從西來流注之。

灑水於樂嘉縣入潁。不至於頓。頓故頓子國也。周之同姓。春秋僖公二十五年。楚伐陳。納頓子於頓。是也。俗謂之潁陰城。非也。潁水又東南逕陳縣南。又東南左會交口者也。

又東南至新陽縣北。菴蕩渠水從西北來注之。

經云。菴蕩渠者。百尺溝之名別也。潁水南合交口新溝。案近刻脫潁水二字自是東出。潁上有堰。謂之新陽堰。俗

謂之山陽場。非也。新溝自潁北東出。縣在水北。故應劭曰。縣在新水之陽。今縣故城在東。明潁水不出

其北。蓋經誤耳。潁水自堰東南流。案堰字近刻脫在東字下逕項縣故城北。春秋僖公十七年。魯滅項。是矣。潁水又

東。右合谷水。水上承平鄉諸陂。東北逕南頓縣故城南。側城東注。春秋左傳所謂頓迫於陳而奔楚。自

頓徙南。故曰南頓也。今其城在頓南三十餘里。又東逕項城中。楚襄王所郭以爲別都。都內西南小城。

項縣故城也。舊潁州治。谷水逕小城北。又東逕魏豫州刺史賈逵祠北。案近刻脫魏潁州三字王隱言祠在城北。

非也。廟在小城東。昔王凌爲宣王司馬。懿所執。屈廟而歎曰。賈梁道王凌。魏之忠臣。惟汝有靈知之。遂

仰鳩而死。廟前有碑。碑石金生。干寶曰。黃金可採爲晉中興之瑞。谷水又東流出城。東注潁。潁水又東。

側潁有公路城。袁術所築也。故世因以術字名城矣。潁水又東逕臨潁城北。城臨水闕南面。又東逕雲



陽二城間。南北翼水。並非所具。又東逕丘頭。丘頭南枕水。案近刻脫南字。魏書郡國志曰。宣王軍次丘頭。王凌

面縛水次。故號武丘矣。潁水又東南流。案近刻脫流字。於故城北。細水注之。水上承陽都陂。案宋本訛作陂。近刻訛作陸。陂

水枝分。東南出爲細水。東逕新陽縣故城北。又東南逕宋縣故城北。案宋下近刻衍公字。縣。卽所謂鄆丘者也。案近

刻脫卽所謂三字。案秦伐魏取鄆丘。謂是邑矣。漢成帝綏和元年。詔封殷後於沛。以存三統。平帝元始四年。改曰

宋公。章帝建初四年。徙邑於此。故號新鄆爲宋公國也。王莽之新延矣。細水又南逕細陽縣。新溝水注

之。案近刻脫水字。溝首受交口。案溝上近刻有新字。東北逕新陽縣故城南。漢高帝六年。封呂青爲侯國。案青近刻訛作清。王莽

更名曰新明也。故應劭曰。縣在新水之陽。今無水。故渠舊道而已。東入澤渚。而散流入細。細水又東南

逕細陽縣故城南。案近刻脫縣字。王莽更之曰樂慶也。世祖建武中。封岑彭子遵爲侯國。細水又東南。積而爲

陂。謂之次塘。公私引裂。案引近刻訛作列。以供田溉。又東南流。屈而西南入潁。地理志曰。細水出細陽縣東南

入潁。潁水又東南流。逕胡城東。故胡子國也。春秋定公十五年。楚滅胡。以胡子豹歸是也。杜預釋地曰。

汝陰縣西北有胡城也。案北近刻訛作地。潁水又東南。汝水枝津注之。水上承汝水別瀆於奇洛城東三十里。

世謂之大灑水也。東南逕召陵縣故城南。春秋左傳僖公四年。齊桓公師於召陵。責楚貢不入。卽此處

也。城內有大井。徑數丈。水至清深。闕駟曰。召者。高也。其地丘墟。井深數丈。故以名焉。又東南逕征羌縣。

故召陵縣之安陵鄉安陵亭也。世祖建武十一年。以封中郎將來歙。歙以征定西羌功。故更名征羌也。

關駟引戰國策以爲秦昭王欲易地謂此非也。案近刻脫非字汝水別瀆。又東逕公路臺北。臺臨水方百步。袁術所築也。汝水別溝。又東逕西門城。卽南利也。漢宣帝案漢下近刻衍書字。封廣陵厲王子劉昌爲侯國。案屬字近刻訛

在王字下國訛作也。縣北三十里有執城。號曰北利。故瀆出於二利之間。間關女陽之縣。案近刻脫世名之死汝

縣。取水名。故曰女陽也。又東逕南頓縣故城北。案近刻脫北字又東南逕銅陽城北。又東逕邸鄉城北。又東逕

固始縣故城北。地理志。縣故寢也。寢丘在南。故藉丘名縣矣。王莽更名之曰閏治。案近刻脫閏字孫叔敖以土

浸薄。取而爲封。故能綿嗣。城北猶有叔敖碑。建武二年。司空李通。又慕叔敖受邑。故光武以嘉之。更名

固始。別汝。又東逕蔡岡北。岡上有平陽侯相蔡昭冢。昭字叔明。周后稷之冑。冢有石闕。闕前有二碑。碑

字淪碎。不可復識。羊虎傾低。殆存而已。枝汝。又東北流。逕胡城南。而東歷女陰縣故城西北。東入潁水。

潁水。又東逕女陰縣故城北。史記高祖功臣侯者年表曰。高祖六年。封夏侯嬰爲侯國。王莽更名之曰

汝瀆也。縣在汝水之陰。故以汝水納稱。城西有一城。故陶丘鄉也。案鄉近刻訛作縣汝陰郡治。城外案治近刻

東北偶有舊臺。翼城若丘。俗謂之女郎臺。雖經頽毀。猶自廣崇。上有一井。疑故陶丘鄉。所未詳。案歷國

丘字起至此朱謀埠本訛在後水受大滌陂。滌字下原本不誤。

又東南至慎縣東南。入於淮。

潁水東南流。左合上吳百尺二水。俱承次塘細陂。南流注於潁。潁水又東南。江陂水注之。案江近刻水

受大滌陂。案經又東南至此句滌字止。朱謀埠本說在後會淮也。後陂水南流積爲江陂。南逕慎成西側城南流入於潁。潁水又逕

慎縣故城南。縣故楚邑。白公所居以拒吳。春秋左傳哀公十六年吳人伐慎。白公敗之。王莽之慎治也。

世祖建武中封劉賜爲侯國。潁水又東南逕螭蟻郭東。俗謂之鄭城矣。又東南入於淮。春秋昭公十二

年楚子狩於州來。次於潁尾。蓋潁水之會淮也。案水受大滌陂陂字起至此。朱謀埠本說在前歷岡丘城南岡字下而陂字之上岡字之下。又該載逕公路壘

北句壘北二字雜入其間。朱氏以爲據宋本。實前後舛謬。惟永樂大典內此水敘次不紊。

### 洧水出河南密縣西南馬領山

水出山下。亦言出潁川陽城山。山在陽城縣之東北。蓋馬領之統目焉。洧水東南流。案清近刻逕一故

臺南。俗謂之陽子臺。又東逕馬領塢北。塢在山上。案近刻塢下泉流北注。亦謂洧別源也。而入於洧水。

洧水東流。綏水會焉。水出方山綏溪。卽山海經所謂浮戲之山也。東南流逕漢弘農太守張伯雅墓。塋

域四周。案近刻壘石爲垣。隅阿相降。列於綏水之陰。庚門表二石闕。夾對石獸於闕下。冢前有石廟。列

植三碑。碑云德字伯雅。河南密人也。案南近刻碑側樹兩石人。有數石柱及諸石獸矣。案近刻舊引綏

水南入塋域而爲池沼。案城近刻沼在丑地。皆蟾螭吐水。石隍承溜。池之南又建石樓石廟。前又翼列

諸獸。但物謝時淪凋。毀殆盡。夫富而非義。案夫近刻比之浮雲。況復此乎。王孫士安斯爲達矣。綏水又

東南流。逕上郭亭南。東南注洧。洧水又東。襄荷水注之。水出北山子節溪。亦謂之子節水。東南流。注於

涑

案近刻脫注字

涑水又東會瀝滴泉。水出深溪之側。泉流丈餘。懸水散注。故世士以瀝滴稱。南流入涑水也。

東南過其縣南

案近刻作又東南。又字後人所加。

涑水又東南流

案近刻訛作東流南

與承雲二水合。俱出承雲山。二源雙導。東南流。注於涑。世謂之東西承雲水。

涑水又東。微水注之。水出微山。東北流入於涑。涑水又東。逕密縣故城南。春秋謂之新城。左傳僖公六

年。會諸侯伐鄭。圍新密。鄭所以不時城也。

案鄭所以近刻訛作以鄭二字

今縣城東門南側。有漢密令卓茂祠。茂字子

康。南陽宛人。溫仁寬雅。恭而有禮。人有認其馬者。茂與之曰。若非公馬。幸至丞相府歸我。遂挽車而去。

後馬主得馬。謝而還之。任漢黃門郎。遷密令。舉善而教。口無惡言。教化大行道。不拾遺。蝗不入境。百姓

爲之立祠。享祀不輟矣。涑水又左。會瓌泉水。水出玉亭。西北流。注於涑水。涑水又東南。與馬關水合。水

出玉亭下。東北流。歷馬關。謂之馬關水。又東北。注於涑。涑水又東。合武定水。水北出武定岡。

案北出近刻訛作出

北。西南流。又屈而東南流。逕零鳥塢西。側塢東南流。塢側有水。懸流赴壑。一匹有餘。直注澗下。淪積成

澗。嬉遊者。矚望奇爲佳觀。俗人覩此水。挂於塢側。遂目之爲零鳥水。東南流。入於涑。涑水又東。與虎牘

山水合。水發南山虎牘溪。東北流入涑。涑水又東南。赤澗水注之。水出武定岡。東南流。逕皇臺岡下。又

歷岡東。東南流。注於涑。涑水又東南流。潛水注之。涑水又東南。逕鄒城南。世本曰。陸終娶於鬼方氏之

妹。謂之女隤。

案隤近刻訛作潰

是生六子。孕三年。啓其左脅。三人出焉。破其右脅。三人出焉。其四曰萊。言是爲

鄩人。案近刻訛作求。言是謂之鄩。鄩人者。鄭是也。鄭桓公問於史伯曰。王室多難。予安逃死乎。史伯曰。虢鄩公之民。

遷之可也。鄭氏東遷。虢鄩獻十邑焉。劉楨云。鄩在豫州外方之北。北鄰於虢。都榮之南。案都榮近刻訛作鄩榮。左

濟右洛。居兩水之間。案居下近刻有陽鄭二字衍。食溱洧焉。徐廣曰。鄩在密縣。妘姓矣。不得在外方之北也。洧水又

東。逕陰坂。北水有梁焉。俗謂是濟爲參辰口。左傳襄公九年。晉伐鄭。濟於陰坂。次於陰口而還是也。杜

預曰。陰坂。洧津也。服虔曰。水南曰陰。案水近刻訛作登。口者。水口也。參陰聲相近。蓋傳呼之謬耳。又晉居參之

分。案參上近刻衍商字。實沈之士。案近刻訛作上。鄭處大辰之野。案大辰近刻訛作辰火。闕伯之地。軍師所次。故濟得其名也。

又東過鄭縣南。洧水從西北來注之。

洧水又東。逕新鄭縣故城中。案近刻脫縣字。左傳襄公元年。晉韓厥荀偃帥諸侯伐鄭。入其郛。敗其徒兵於洧

上是也。竹書紀年。晉文侯二年。周惠王子多父伐鄩。案周近刻訛作同。克之。乃居鄭父之丘。名之曰鄭。是曰桓

公。皇甫士安帝王世紀云。或言縣。故有熊氏之墟。黃帝之所都也。鄭氏徙居之。故曰新鄭矣。城內有遺

祠。名曰章乘是也。洧水又東。爲洧淵水。春秋傳曰。龍鬪於時門之外。洧淵。卽此潭也。今洧水自鄭城西

北入。而東南流。逕鄭城南城之南門內。舊外蛇與內蛇鬪。內蛇死。六年。大夫傅瑕殺鄭子納厲公。案納近刻

訛作入。是其徵也。案近刻訛作自是徵也。水南有鄭莊公望母臺。莊姜惡公寤生。與段京居。段不弟。姜氏無訓。莊公

居夫人於城穎。誓曰。不及黃泉。無相見也。故成臺以望母。案成近刻訛作城。用伸在心之思。感考叔之言。忻大

隴之賦洩洩之慈有嘉融融之孝得常矣洧水又東與黃水合經所謂洧水非也黃水出太山南黃泉東南流逕華城西史伯謂鄭桓公曰華君之土也韋昭曰華國名矣史記秦昭王三十三年白起攻魏拔華陽走芒卯斬首十五萬司馬彪曰華陽亭名在密縣嵇叔夜常采藥於山澤學琴於古人卽此亭也黃水東南流又與一水合案一近刻水出華城南岡案近刻作水出兩塘中一源兩分泉流派別東爲七虎澗水西流卽是水也其水西南流注於黃水黃卽春秋之所謂黃崖也故杜預云苑陵縣西有黃水者也案苑近刻又東南流水側有二臺謂之積粟臺臺東卽二水之會也捕獐山水注之案獐近刻水東出捕獐山西流注於黃水黃水又南至鄭城北東轉於城之東北與黃溝合水出捕獐山東南流至鄭城東北入黃水黃水又東南逕龍淵東南案龍淵下近刻七里溝水注之水出隙候亭東南平地東注又屈而南流逕升城東又南歷燭城西案又南近刻卽鄭大夫燭之武邑也又南流注於洧水也

又東南過長社縣北

洧水東南流南濮北濮二水入焉濮音僕案近刻脫此三字洧水又東南與龍淵水合水出長社縣西北有故溝上承洧水水盛則通注龍淵水減則津渠輟流案近刻減訛作減津訛作律其瀆中澁泉南注東轉爲淵綠水平潭清潔澄深俯視游魚類若乘空矣所謂淵無潛鱗也又東逕長社縣故城北鄭之長葛邑也春秋隱公五年宋人伐鄭圍長葛是也後社樹暴長故曰長社魏潁川郡治也余以景明中出宰茲郡

於南城西側。修立客館。版築既興。於土下得一樹根。案土近刻甚壯大。疑是故社。怪長暴茂者也。稽之

故說。縣無龍淵水名。蓋出近世矣。京相璠春秋土地名曰。長社北界有稟水。但是水導於隍壘之中。非

北界之所謂。又按京杜地名。並云。案杜近刻長社縣北有長葛鄉。斯乃縣徙於南矣。然則是水即稟水

也。其水又東南逕棘城北。左傳所謂楚子伐鄭救齊。次於棘澤者也。稟水又東。左注洧水。洧水又東南

分爲二水。案此下近其枝水東北流注沙。案北近刻一水東逕許昌縣。故許男國也。姜姓。四岳之後矣。

穆天子傳所謂天子見許男於洧上者也。漢章帝建初四年。案此下近封馬光爲侯國。春秋佐助期曰。

漢以許失天下。及魏承漢歷。遂改名許昌也。城內有景福殿基。魏明帝太和中造。準價八百餘萬。洧水

又東入汝倉城內。俗以是水爲汝水。故有汝倉之名。非也。蓋洧水之邸閣耳。洧水又東逕鄆陵縣故城

南。案鄆近刻李奇曰。六國爲安陵也。昔秦求易地。唐且受使於此。漢高帝十二年。封都尉朱濩爲侯

國。案朱近刻王莽更名左亭。洧水又東。鄆陵陂水注之。水出鄆陵南陂東西南流。注於洧水也。

### 又東南過新汲縣東北

洧水自鄆陵東逕桐丘南。俗謂之天井陵。又曰岡。非也。洧水又屈而南流。案此下近水上有梁。謂之桐

門橋。案此下近藉桐丘以取稱。亦言取桐門亭而著目焉。案近刻然不知亭之所在。未之詳也。洧水又

東南逕桐丘城。春秋左傳莊公二十八年。楚伐鄭。鄭人將奔桐丘。即此城也。杜預春秋釋地曰。潁川許

昌城東北。京相璠曰：鄭地也。案近刻脫此三字今圖無而城見存。西南去許昌故城可三十五里。俗名之曰堤。

其城南卽長堤。固洧水之北防也。案固近刻訛作因西面桐丘。其城邪長而不方。蓋憑丘之稱。卽城之名矣。洧

水又東。逕新汲縣故城北。漢宣帝神雀二年。置於許之汲鄉。曲洧城。以河內有汲縣。故加新也。案近刻此下衍

漢章帝建初四年封執金吾馬光爲侯國十六字城在洧水南提上。又東。洧水右池爲濩陂。洧水又逕匡城南。扶溝之匡亭也。

又東。洧水左池爲鴨子陂。謂之大穴口也。

又東南過茅城邑之東北。

洧水自大穴口。案近刻脫大字東南逕洧陽城西南。逕茅城東北。又南。左合甲庚溝。案近刻脫甲庚字庚訛作庚。溝水上承洧

水於大穴口東北。枝分東逕洧陽故城南。俗謂之復陽城。非也。蓋洧復字類音讀變。漢建安中。封司空

祭酒郭奉孝爲侯國。其水又東南爲鴨子陂。陂廣十五里餘。波南入甲庚溝。案近刻波訛作陂西注洧。案近

刻訛又東北瀉沙。洧水又南逕一故城西。世謂之思鄉城。西去洧水十五里。案近刻脫水字洧水又右合濩陂水。

水上承洧水於新汲縣。案近刻脫水字於字南逕新汲縣故城東。案近刻脫縣字又南。積而爲陂。陂之西北卽長社城。案

近刻訛作舍。陂水東翼洧堤。西面茅邑。自城北門。列築堤道。迄於此岡。世尙謂之茅岡。卽經所謂茅城邑也。

案茅城邑近刻訛作茅邑地陂水北出。東入洧津。西納北異流。案此句有脫誤未詳

又東過習陽城西。折入於潁。



洧水又東南逕辰亭東。俗謂之田城。非也。蓋田辰聲相近。城亭音韻聯故也。經書魯宣公十一年。楚子陳侯鄭伯盟於辰陵也。京相璠曰。潁川長平有故辰亭。杜預曰。長平縣東南有辰亭。今此城在長平城西北。長平城在東南。或杜氏之謬。傳書之誤耳。長平東南淋陂。北畔有一阜。東西減里。南北五十許步。俗謂之新亭臺。又疑是杜氏所謂辰亭而未之詳也。洧水又南逕長平縣故城西。王莽之長正也。洧水又南分爲二水。枝分東出。案分近刻謂之五梁溝。逕習陽城北。又東經赭丘南。丘上有故城。郡國志曰。長平故屬汝南縣。有赭丘城。卽此城也。又東逕長平城南。東注潞陂。洧水南出。謂之雞籠水。故水會有籠口之名矣。洧水又東逕習陽城西。案清近刻西南折入潁。地理志曰。洧水東南至長平縣入潁者也。洧水出河南密縣大騮山。

大騮卽具茨山也。黃帝登具茨之山。升於洪堤上。受神芝圖於華蓋童子。卽是山也。洧水出其阿。流而爲陂。案近刻誤訛作溪。流而訛作而流。俗謂之玉女池。東逕陘山北。史記魏襄王六年。敗楚於陘山者也。山上有鄭祭仲冢。冢西有子產墓。累石爲方墳。墳東有廟。並東北向鄭城。杜元凱言。不忘本際。廟舊有一枯柏樹。其塵根故株之上。多生稚柏成林。案近刻脫列秀青青。望之奇可嘉矣。洧水又東南逕長社城西北。案城近刻有林字。卽上成林二字。訛在此。南濮北濮二水出焉。劉澄之著永初記云。水經濮水源出大騮山。東北流注泗。衛靈聞音於水上。殊爲乖矣。余按水經爲洧水。不爲濮也。是水首受洧水。案濮近刻川渠雙引。俱東注洧。案

刻訛作有洧與之過沙。支流派亂，互得通稱。案互近刻訛作牙是以春秋昭公九年遷城父人於陳，以夷濮西田益

之。京相璠曰：以夷之濮西田益也。杜預亦言：以夷田在濮水西者，與城父人服虔曰：濮水名也。且字類

音同。津瀾邈別，不得爲北濮上源。師氏傳音於其上矣。澗水又南，逕鍾亭西。又東南逕皇臺西。案近刻脫東字

又東南逕關亭西。又東南逕宛亭西。鄭大夫宛射犬之故邑也。澗水又南，分爲二水。案近刻脫爲字一水南

出逕胡城東，故潁陰縣之狐人亭也。其水南結爲陂，謂之胡城陂。澗水自枝渠東逕曲強城東。案近刻脫城字

皇陂水注之。水出西北皇臺七女岡北皇陂，卽古長社縣之濁澤也。史記魏惠王元年，韓懿侯與趙成

侯合軍伐魏，戰於濁澤是也。其陂北對雞鳴城。案陂下近刻行水字卽長社縣之濁城也。案長近刻訛作是陂水東南流

逕胡泉城北，故潁陰縣之狐宗鄉也。又東合胡城陂水。案胡近刻訛作狐水上承皇陂。案近刻訛作承陂水而東南流注

於黃水，謂之合作口。而東逕曲強城北，東流入澗水。時人謂之勑水，非也。勑澗音相類，故字從聲變耳。

澗水又逕東西武亭間。案近刻訛作東逕武亭間兩城相對，疑是古之岸門。案岸近刻訛作岑下同史遷所謂走犀首於岸

門者也。徐廣曰：潁陰有岸亭，未知是否。澗水又南，逕射犬城東，卽鄭公孫射犬城也。蓋俗謬耳。澗水又

南逕潁陰縣故城西。魏明帝封司空陳羣爲侯國，其水又東南逕許昌城南。案其水下近刻衍城西二字東南逕脫南字。又

東南與宣梁陂水合。陂上承狼陂於潁陰城西南，陂南北二十里，東西十里。春秋左傳曰：楚子伐鄭，師

於狼淵是也。案近刻脫淵字其水東南入許昌縣，逕巨陵城北，鄭地也。春秋左氏傳莊公十四年，鄭厲公獲傅

瑕於大陵。京相璠曰：潁川臨潁縣東北二十五里，有故巨陵亭，古大陵也。其水又東積而爲陂，謂之宜梁陂也。陂水又東南入潁水。潁水又西南流，逕陶城西，又東南逕陶陂東。

東南入於潁。

潁水出鄆縣西北平地。

潁水出鄆城西北雞絡塢下。

案西北近刻  
訛作北西

東南流，逕賈復城西，東南流，左合澨水。水出賈復城，東南流。

注於潁。潁水又南，左會承雲山水。水出西北承雲山，東南歷渾子岡東，注世謂岡峽爲五鳴口。東南流。

注於潁。潁水又東南流，歷下田川，逕鄆城西，謂之爲柳泉水也。故史伯答桓公曰：君以成周之衆，奉辭

伐罪，若克虢，鄆君之士也。如前華後河。

案華近刻  
作莘

右洛左濟。

案近刻訛作  
左洛右濟

主芣醜而食潁洧。

典刑以守之。

案脩近刻  
訛作循

可以少固，卽謂此矣。潁水又南，懸流奔壑，崩注丈餘，其下積水成潭，廣四十許

步，淵深難測。又南注於洧。詩所謂溱與洧者也。世亦謂之爲鄆水也。

案亦近刻  
訛作所

東過其縣北，又東南過其縣東，又南入於洧水。

自鄆潁東南，更無別瀆，不得逕新鄭而會洧也。鄆城東入洧者，黃崖水也。蓋經誤證耳。

渠出滎陽北河，東南過中牟縣之北。

風俗通曰：渠者，水所居也。渠水自河與濟亂流。

案濟近刻訛  
作沛下同

東逕滎澤北，東南分濟，歷中牟縣

之圃田澤北與陽武分水澤多麻黃草故述征記曰踐縣境便觀斯卉窮則知隸界今雖不能然諒亦

非謬詩所謂東有圃草也皇武子曰鄭之有原圃猶秦之有具囿案近刻澤在中牟縣西西限長城東

極官渡北佩渠水東西四十許里南北二十許里案二十近刻中有沙岡上下二十四浦津流徑通案

刻重一津字淵潭相接各有名焉有大漸小漸案近刻二漸皆說作斬大灰小灰義魯練秋大白楊小白楊散嚇

禹中案近刻羊圈案近刻大鵠小鵠案近刻龍澤蜜羅案近刻大哀小哀大長小長大縮小

縮伯丘大蓋牛眼案近刻等浦水盛則北注渠溢則南播故竹書紀年梁惠成王十年入河水於甫田

又為大溝而引甫水者也又有一瀆自酸棗受河導自濮瀆案漢近刻歷酸棗逕陽武縣南出世謂之

十字溝而屬於渠或謂是瀆為梁惠之年所開案梁近刻而不能詳也斯浦乃水澤之所鍾為鄭隰之

淵藪矣渠水右合五池溝案水近刻溝上承澤水案近刻下流注渠案近刻謂之五池口魏嘉平三年

案近刻司馬懿帥中軍討太尉王凌於壽春自彼而還帝使侍中韋誕勞軍於五池者也今其地為

五池鄉矣渠水又東不家溝水注之水出京縣東南梅山北溪春秋襄公十八年楚蔣子馮公子格案

王以封管叔矣案近刻成王幼弱周公攝政管叔流言曰公將不利於孺子公賦鴟鴞以伐之即東山

之師是也案近刻左傳宣公十二年晉師救鄭楚次管以待之杜預曰京縣東北有管城者是也俗

謂之管城是也案近刻左傳宣公十二年晉師救鄭楚次管以待之杜預曰京縣東北有管城者是也俗

謂之爲管水。又東北。案又字近刻。詁在上句俗字下。分爲二水。一水東北流。注黃雀溝。謂之黃淵。淵周百步。其一水東

越長城。東北流。水積爲淵。南北二里。東西百步。謂之百尺水。北入圃田。澤分爲二水。一水東北逕東武

強城北。漢書曹參傳。案此下近刻。有斬字衍。擊羽嬰於昆陽。追至葉。還攻武強。因至滎陽。薛瓚云。按武強城在陽

武縣。卽斯城也。漢高帝六年。封騎將莊不識爲侯國。又東北流。左注於渠。爲不家水口也。一水東流。又

屈而南轉。東南注白溝也。渠水又東。清池水注之。案此下近刻。有清池二字。水出清陽亭西南平地。東北流。逕清陽

亭南。東流。卽故清人城也。詩所謂清人在彭彭。爲高克邑也。故杜預春秋釋地云。中牟縣西有清陽亭

是也。清水又屈而北流。至清口澤。七虎澗水注之。水出華城南岡。案華近刻。詁作畢。一源兩派。津川趣別。西入

黃雀溝。案雀近刻。詁作畢。東爲七虎溪。亦謂之爲華水也。又東北流。紫光溝水注之。水出華陽城東北而東流。

俗名曰紫光澗。又東北注華水。華水又東。逕葉城北。卽北林亭也。春秋文公與鄭伯宴於葉林。子家賦

鴻鴈者也。春秋宣公元年。諸侯會於棐林。以伐鄭。楚救鄭。遇於北林。服虔曰。北林。鄭南地也。京相璠曰。

今滎陽苑陵縣。案苑近刻。詁作宛。下同。有故林鄉。在新鄭北。故曰北林也。余按林鄉故城。在新鄭東如北七十許

里。案近刻。鄭下衍北字。苑陵故城。在東南五十許里。案近刻。脫陵字在字。不得在新鄭北也。考京服之說。並爲疎矣。杜預云。

滎陽中牟縣西南。有林亭。在鄭北。今是亭南去新鄭縣故城四十許里。案近刻。脫縣字。蓋以南有林鄉亭。故杜

預據是爲北林。最爲密矣。又以林鄉爲棐。亦或疑焉。諸侯會棐。楚遇於此。寧得知不在是而更指他處

也。積古之傳，事或不謬矣。又東北逕鹿臺南岡，北出爲七虎澗，東流，期水注之。水出期城西北平地，世號龍淵水，東北流。又北逕期城西，又北與七虎澗合，謂之虎溪水。亂流東注，逕期城北。東會清口水，司馬彪郡國志曰：中牟有清口水，卽是水也。清水又東北，白溝水注之。水有二源，北水出密之梅山，東南而東逕靖城南，與南水合。南水出太山。案南水近刻訛作水南出下行合字。西北流至靖城南，左注北水，卽承水也。山海經曰：承水出太山之陰，東北流，注於役水者也。世亦謂之靖澗水。案亦近刻訛作所。又東北流，太水注之。水出太山東平地。山海經曰：太水出於太山之陽，而東南流，注於役水。世謂之禮水也。東北逕武陵城西，東北流，注於承水。承水又東北入黃瓮澗，北逕中陽城西，城內有舊臺甚秀，臺側有陂池，池水清深，澗水又東，屈逕其城北。竹書紀年：梁惠成王十七年，鄭釐侯來朝中陽者也。其水東北流，爲白溝。又東北逕伯禽城北。案東北近刻訛作北東。蓋伯禽之魯，往逕所由也。屈而南流，東注於清水，卽潘岳都鄉碑所謂自中牟故縣以西，西至於清溝。案近刻脫鄉字。指是水也。亂流東逕中牟，宰魯恭祠南。漢和帝時，右扶風魯恭，字仲康，以太尉掾遷中牟令，政專德化，不任刑罰，吏民敬信，蝗不入境。河南尹袁安疑不實，使部掾肥親按行之。恭隨親行，阡陌坐桑樹下，雉止其旁，有小兒，親曰：兒何不擊雉？曰：將雛，親起曰：蟲不入境，一異化及鳥獸，二異。豎子懷仁，三異。久留，非優賢，請還。是年嘉禾生縣庭，安美其治，以狀上之。徵博士侍中車駕，每出，恭常陪乘。上顧問民政，無所隱諱，故能遺愛。自古祠享來今矣。案享近刻訛作饗。清溝水又東北逕沈清

亭。案近刻脫亭字。疑卽博浪亭也。服虔曰：博浪，陽武南地名也。案南地名近刻訛作二水沙名。今有亭，所未詳也。歷博浪澤，昔

張良爲韓報仇於秦，以金椎擊秦始皇，不中，中其副車於此。又北分爲二水，枝津東注清水，清水自枝

流北注渠，謂之清溝口。渠水又左逕陽武縣故城南，東爲官渡水。又逕曹太祖壘北，有高臺，謂之官渡

臺。渡在中牟，故世又謂之中牟臺。建安五年，太祖營官渡，袁紹保陽武，紹連營稍前，依沙堆爲屯。東西

數十里，公亦分營相禦，合戰不利。紹進臨官渡，起土山，地道以逼壘，公亦起高臺以捍之。卽中牟臺也。

今臺北土山猶在山之東，悉紹舊營遺基並存。案基近刻訛作臺。渠水又東逕田豐祠北，袁本初慙不納其言，

害之。時人嘉其誠謀，無辜見戮，故立祠於是，用表袁氏覆滅之宜矣。又東，役水注之。水出苑陵縣西隙

候亭東，世謂此亭爲郤城，非也。蓋隙郤聲相近耳。中平陂，世名之渠泉也。卽古役水矣。山海經曰：役山

役水所出，北流注於河，疑是水也。東北流，逕苑陵縣故城北，東北流，逕焦城東，陽丘亭西。世謂之焦溝

水。案世近刻訛作也。竹書紀年：梁惠成王十六年，秦公孫壯率師伐鄭。案近刻脫率師二字。圍焦城，不克。卽此城也。俗謂

之驛城，非也。役水自陽丘亭東流，逕山民城北。案民近刻訛作氏下同。爲高榆淵。竹書紀年：梁惠成王十六年，秦

公孫壯率師城上枳安陵，山民者也。又東北爲酢溝，又東北魯溝水出焉。役水又東北，溼溝水出焉。又

東北爲八丈溝，又東，清水枝津注之。水自沈城東派，注於役水。役水又東，逕曹公壘南，東與沫水合。山

海經云：沫山。案近刻脫此二字。沫水所出，北流注於役。今是水出中牟城西南，疑卽沫水也。東北流，逕中牟縣

故城西。案近刻脫四字昔趙獻侯自耿都此。班固云。趙自邯鄲徙焉。趙襄子時。佛肸以中牟叛。置鼎於庭。不與

己者烹之。田英將襄裳赴鼎處也。薛瓚注漢書云。中牟在春秋之時。為鄭之堰也。及三卿分晉。則在魏

之邦土。趙自漳北。不及此也。春秋傳曰。衛侯如晉。過中牟。非衛適晉之次也。汲郡古文曰。齊師伐趙東

鄙。圍中牟。此中牟不在趙之東也。按中牟。當在澗水之上矣。案澗近刻作濕下同按春秋齊伐晉夷儀。晉車千乘

在中牟。衛侯過中牟。中牟人欲伐之。衛褚師固亡在中牟。曰。衛雖小。其君在未可勝也。齊師克城而驕。

遇之必敗。乃敗齊師。服虔不列中牟所在。杜預曰。今滎陽有中牟。迴遠疑為非也。然地理參差。土無常

域。隨其強弱。自相吞并。疆里流移。案流近刻作留寧可一也。兵車所指。逕紆難知。自魏徙大梁。趙以中牟易

魏。故趙之南界。極於浮水。匪直專漳也。案漳近刻作張趙自西取後。止中牟。齊師伐其東鄙。於宜無嫌。而瓚

徑指澗水。案近刻徑訛作逕脫指字空言中牟所在。非論證也。漢高帝十一年。封單父聖為侯國。沫水又東北注於

役水。昔魏太祖之背董卓也。間行出中牟。為亭長所錄。郭長公世語云。為縣所拘。功曹請釋焉。役水又

東北逕中牟澤。即鄭太叔攻萑蒲之盜於是澤也。其水東流。北屈注渠。案屈近刻作徒續述征記。案近刻訛作水征績

記。所謂自醬魁城到酢溝十里者也。渠水又東流而左。會澗水。案近刻水作澗其水上承聖女陂。陂周二百

餘步。水無耗竭。湛然清滿。而南流注於渠。渠水又東南而注大梁也。

又東至浚儀縣。



渠水東南逕赤城北。案近刻脫渠字。逕下衍四字。戴延之所謂西北有大梁亭非也。竹書紀年梁惠成王二十八年。

穰疵率師及鄭孔夜戰於梁赫。案疵近刻。鄭師敗逋。即此城也。左則故瀆出焉。秦始皇二十年王賁斷

故渠引水東南出以灌大梁。謂之梁溝。又東逕大梁城南。本春秋之陽武高陽鄉也。於戰國爲大梁。周

梁伯之故居矣。案近刻訛。作之居也。梁伯好土功。大其城。號曰新里。民疲而潰。秦遂取焉。後魏惠王自安邑徙都

之。故曰梁耳。竹書紀年梁惠成王六年四月甲寅徙都於大梁是也。秦滅魏以爲縣。漢文帝封孝王於

梁。孝王以土地下溼。案近刻。訛作濕。東都睢陽。又改曰梁。自是置縣。以大梁城廣居其東。城夷門之東。夷門。卽

侯嬴抱關處也。續述征記以此城爲師曠城。言郭緣生曾遊此邑。踐夷門。升吹臺。終古之跡。緬焉盡在。

余謂此乃梁氏之臺門。魏惠之都居。案都近刻。訛作朝。非吹臺也。當是誤證耳。西征記論儀封人卽此縣。又非

也。竹書紀年梁惠成王三十一年三月爲大溝於北郛。以行圃田之水。陳留風俗傳曰。縣北有浚水。像

而儀之。故曰浚儀。余謂故浚沙爲陰溝矣。案近刻。脫爲字。浚之故曰浚。其猶春秋之浚洙乎。案近刻。脫乎字。漢氏之浚

儀水。案近刻。脫浚字。無他也。皆變名矣。其國多池沼。時池中出神劍。到今其民像而作之。號大梁氏之劍也。渠

水又北。屈分爲二水。續述征記曰。浚沙到浚儀而分也。浚東注沙南流。其水更南流逕梁王吹臺東。陳

留風俗傳曰。縣有蒼頡師曠城。上有列僊之吹臺。北有牧澤。澤中出蘭蒲。案近刻。脫一澤字。上多雋髦。衿帶牧

澤。方十五里。俗謂之蒲關澤。卽謂此矣。梁王增築以爲吹臺。城隍夷滅。略存故跡。今層臺孤立於牧澤

之右矣。其臺方百許步。卽阮嗣宗詠懷詩所謂駕言發魏都。南向望吹臺。簫管有遺音。梁王安在哉。晉世喪亂。乞活憑居。削墮故基。遂成二層。上基猶方四五十步。高一丈餘。世謂之乞活臺。又謂之繁臺城。案繁近刻渠水於此。案渠近刻有陰溝鴻溝之稱焉。項羽與漢高分王。指是水以爲東西之別。蘇秦說魏襄王曰。大王之地。南有鴻溝。是也。故尉氏縣有波鄉波亭。鴻溝鄉鴻溝亭。案波鄉下近皆藉水以立稱也。今蕭縣西亦有鴻溝亭。梁國睢陽縣東有鴻口亭。先後談者亦指此以爲楚漢之分。王非也。蓋春秋之所謂紅澤者矣。渠水右與汜水合。水上承役水於苑陵縣。案苑近刻縣故鄭都也。王莽之左亭縣也。役水枝津。東派爲汜水者也。而世俗謂之溼溝水也。春秋左傳僖公三十年。晉侯秦伯圍鄭。晉軍函陵。秦軍汜南。所謂東汜者也。案無他至此近刻說在後楚東。有沙水謂此水也之下原本不誤其水又東北逕中牟縣南。又東北逕中牟澤。與澗水合。水出中牟縣故城北。案近刻城有層臺。按郭長公世語。案郭長公近及于寶晉紀。並言中牟縣故魏任城。玉臺下池中有漢時鐵錐。長六尺。入地三尺。頭西南指。不可動。正月朔。自正。案正刻說作止月。以爲晉氏中興之瑞。案近刻而今不知所在。或言在中陽城池臺。未知焉。是澗水自池西出。屈逕其城西。而東南流。注於汜。汜水又東逕大梁亭南。又東逕梁臺南。東注渠。渠水又東南流。逕開封縣。睢渙二水出焉。右則新溝。注之。其水出逢池。池上承役水於苑陵縣。別爲魯溝水。東南流。逕開封縣。城北。漢高帝十一年。封陶舍爲侯國也。陳留志稱阮簡。案簡近刻說作蘭。字茂弘。爲開封令。縣側有劫

賊外白甚急數簡方園棊長嘯吏云劫急簡曰局上有劫亦甚急其耽樂如是故語林曰王中郎以園棊爲坐隱或亦謂之爲手談又謂之爲棊聖魯溝南際富城東南入百尺陂即古之逢澤也徐廣史記音義曰秦使公子少官率師會諸侯逢澤案近刻訛作秦孝公會諸侯於逢澤陂汲郡墓竹書紀年作秦孝公會諸侯於逢澤案近刻脫秦孝公會諸侯於七字斯其處也故應德璉西征賦曰鸞衡東指弭節逢澤其水東北流爲新溝新溝又東北流逕牛首鄉北謂之牛建城又東北注渠案近刻訛作梁即沙水也音蔡許慎正作沙音言水散石也從水少水少沙見矣案水少沙見近刻脫少字楚東有沙水謂此水也

又屈南至扶溝縣北案近刻脫縣字

沙水又東南逕牛首鄉東南魯溝水出焉案溝近刻訛作渠亦謂之宋溝也又逕陳留縣故城南孟康曰留鄭

邑也後爲陳所并故曰陳留矣魯溝水又東南逕圉縣故城北縣苦楚難修其干戈以圉其惠故曰圉也或曰邊陲之號矣歷萬人散王莽之篡也東郡太守翟義與兵討莽莽遣奮威將軍孫建擊之於圉北義師大敗尸積萬數血流溢道號其處爲萬人散百姓哀而祠之又歷魯溝亭又東南至陽夏縣故城西漢高祖六年封陳豨爲侯國魯溝又南入渦今無水也沙水又東南逕斗城西左傳襄公三十年子產殯伯有尸其臣葬之於是也案近刻是下有城字沙水又東南逕牛首亭東左傳桓公十四年宋人與諸侯伐鄭東郊取牛首者也俗謂之車牛城矣沙水又東南八里溝水出焉又東南逕陳留縣裘氏鄉裘氏

亭西。又逕澹臺子羽冢。東與八里溝合。按陳留風俗傳曰。陳留縣裴氏鄉有澹臺子羽冢。又有子羽祠。民祈禱焉。案近刻脫民字京相璠曰。今泰山南武城縣有澹臺子羽冢。縣人也。未知孰是。因其方志所敘。就記纏絡焉。溝水上承沙河。而西南流。逕牛首亭南。與百尺陂水合。其水自陂南。逕開封城東三里岡。左屈而西流。南轉注八里溝。又南得野兔水口。水上承西南兔氏亭北野兔陂。鄭地也。春秋傳云。鄭伯勞屈生於兔氏者也。陂水東北入八里溝。八里溝水。又南逕石倉城西。案石近刻訛作右又南逕兔氏亭東。又南逕召陵亭西。案召陵亭近刻訛作邵亭東入沙水。沙水南逕扶溝縣故城東。縣。即潁川之穀平鄉也。有扶亭。又有洧水溝。故縣有扶溝之名焉。建武元年。漢光武封平狄將軍朱鮪爲侯國。沙水又東與康溝水合。水首受洧水於長社縣東。東北逕向岡西。即鄭之向鄉也。後人遏其上口。今水盛則北注。水耗則輟流。又有長明溝。水注之。水出苑陵縣故城西北。縣有二城。此則西城也。二城以東。悉多陂澤。即古制澤也。京相璠曰。鄭地。杜預曰。澤在滎陽苑陵縣東。即春秋之制田也。故城西北平地出泉。謂之龍淵泉。泉水流逕陵丘亭西。案城西近刻訛作西城泉湧南流。逕陵丘亭西。西南注龍淵水。龍淵水又東南。逕凡陽亭西。而南入白鴈陂。陂在長社縣東北。案近刻脫縣字東西七里。南北十里。在林鄉之西南。司馬彪郡國志曰。苑陵有林鄉亭。白鴈陂。又引瀆南流。謂之長明溝。東轉北屈。又東逕向城北。城側有向岡。案近刻脫有字左傳襄公十一年。諸侯伐鄭師於向者也。又東。右池爲染澤陂。而東注於蔡澤陂。

長明溝水又東逕尉氏縣故城南。圈稱云：尉氏，鄭國之東鄙，弊獄官名也。鄭大夫尉氏之邑。故欒盈曰：盈將歸死於尉氏也。溝瀆自是三分，北分爲康溝，東逕平陸縣故城北。高后元年，封楚元王子禮爲侯國。建武元年，以戶不滿三千，罷爲尉氏縣之陵樹鄉。又有陵樹亭。漢建安中，封尚書荀攸爲陵樹鄉侯。故陳留風俗傳曰：陵樹鄉，故平陸縣也。北有大澤，名曰長樂廡。康溝又東逕扶溝縣之白亭北。陳留風俗傳曰：扶溝縣有帛鄉帛亭，名在七鄉十二亭中。康溝又東逕少曲亭。陳留風俗傳曰：尉氏縣有少曲亭，俗謂之小城也。又東南逕扶溝縣故城東，而東南注沙水。沙水又南會南水，其水南流，又分爲二水。一水南逕關亭東。案逕近刻，訛作合。又東南流，與左水合。其水自枝瀆南逕召陵亭西，疑卽扶溝之亭也。而東南合右水。案右近刻，訛作石。世以是水與鄢陵陂水雙導，亦謂之雙溝。又東南入沙水。沙水南與蔡澤陂水合，水出鄢陵城西北。春秋成公十六年，晉楚相遇於鄢陵。呂錡射中共王目，王召養由基使射殺之，亦子反醉酒自斃處也。陂東西五里，南北十里。陂水東逕匡城北。城在新汲縣之東北，卽扶溝之匡亭也。亭在匡城鄉。春秋文公元年，諸侯朝晉，衛成公不朝，使孔達侵鄭，伐緜訾及匡，卽此邑也。今陳留長垣縣南有匡城，卽平丘之匡亭也。襄邑又有承匡城，然匡居陳衛之間，亦往往有異邑矣。陂水又東南至扶溝城北，又東南入沙水。沙水又南逕小扶城西，而東南流也。城卽扶溝縣之平周亭。東漢和帝永元中，案近刻，訛作封陳敬王子參爲侯國。案近刻，訛作王孫子恭爲侯國。沙水又東南逕大扶城西，城卽扶樂故城也。案近刻，訛

作扶鄉也。城北二里有袁良碑。案良近刻。詔作梁下同。云良陳國扶樂人。案近刻脫國字。後漢世祖建武十七年更封劉隆爲扶樂侯。卽此城也。渦水於是分焉。不得在扶溝北。便分爲二水也。

其一者東南過陳縣北。案北近刻。詔作也。

沙水又東南逕東華城西。又東南沙水枝瀆西南達洧。謂之甲庚溝。今無水。沙水又南與廣漕渠合。上承龐官陂。云鄧艾所開也。雖水流廢。與溝瀆尙夥。昔賈逵爲魏豫州刺史。通連渠二百里餘。亦所謂賈侯渠也。而川渠逕復交錯。畛陌無以辨之。沙水又東逕長平縣故城北。又東南逕陳城北。故陳國也。伏羲神農並都之。城東北三十許里。猶有羲城寶中。案城近刻。詔作神。舜後媯滿爲周陶正。武王賴其器用。妻以

元女太姬。而封諸陳。以備三恪。太姬好祭祀。故詩所謂坎其擊鼓。宛丘之下。宛丘在陳城南道東。王隱云。漸欲平。今不知所在矣。楚討陳。殺夏徵舒於栗門。以爲夏州後。城之東門內有池。池水東西七十步。南北八十許步。水至清潔而不耗竭。不生魚草。水中有故臺處。詩所謂東門之池也。城內有漢相王君造四縣邸碑。文字剝缺。案近刻作落。不可悉識。其略曰。惟茲陳國。故曰淮陽郡。云云。清惠著聞。爲百姓畏愛。求賢養士。千有餘人。賜與田宅吏舍。自損俸錢助之。成邸五官掾。西華陳騏等二百五人。以延熹二年云云。故其頌曰。修德立功。四縣回附。今碑之左右。遺墟尙存。基礎猶在。時人不復尋其碑證。云孔子廟學。非也。後楚襄王爲秦所滅。徙都於此。文穎曰。西楚矣。三楚斯其一焉。城南郭裏。又有一城。名曰淮陽。

城。子產所置也。漢高祖十一年。以爲淮陽國。王莽更名郡爲新平。案近刻脫縣曰陳陵。案近刻脫故豫

州治。王隱晉書地道記云。城北有故沙。名之爲死沙。而今水流津通。漕運所由矣。沙水又東而南。屈逕

陳城東。謂之百尺溝。又南分爲二水。新溝水出焉。案新溝水近刻。沙水溝水東南流。谷水注之。水源上承潞陂。

陂在陳城西北。南暨犖城。案犖近刻皆爲陂矣。陂水東流。謂之谷水。東逕潞城北。王隱曰。犖北有谷水

是也。犖卽檉矣。經書公會齊宋於檉者也。杜預曰。檉卽犖也。在陳縣西北。爲非檉小城也。在陳郡西南。

谷水又東逕陳城南。案又東下近刻。有流字。又東流。入於新溝水。案近刻沙水。又東南注於潁。案東南下近謂之

交口。水次有大堰。卽古百尺堰也。魏書國志曰。司馬宣王討太尉王凌。大軍掩至百尺堰。案近刻卽此

場也。今俗呼之爲山陽堰。非也。蓋新水首受潁於百尺溝。案此下近刻有王莽名郡爲新平七字。係重出衍文。故堰兼有新陽之

名也。以是推之。悟故俗謂之非矣。

又東南至汝南新陽縣北。

沙水自百尺溝。東逕寧平縣之故城南。晉陽秋稱晉太傅東海王越之東奔也。石勒追之。憤尸於此。數

十萬衆。斂手受害。勒縱騎圍射。尸積如山。王夷甫死焉。余謂俊者所以智勝羣情。辨者所以文身祛惑。

夷甫雖體荷儁令。口擅雌黃。汗辱君親。獲罪羯勒。史官方之華王。案近刻諒爲褻矣。沙水又東。積而

爲陂。謂之陽都陂。案近刻脫。明水注之。水上承沙水枝津。案近刻東出逕汝南郡之宜祿縣故城北。王

莽之賞都亭也。明水又東北流注於陂。陂水東南流，謂之細水。又東逕新陽縣北。又東，高陂水東出焉。沙水又東分爲二水，卽春秋所謂夷濮之水也。枝津北逕譙縣故城西，側城入渦。沙水東南逕城父縣西南，枝津出焉。俗謂之章水。案此下近刻有也字。一水東注，卽濮水也。案濮近刻訛作注。俗謂之艾水。案艾近刻訛作欠。東逕城父縣之故城南。東流注也。案東字近刻訛在字上也。訛作之。

又東南過山桑縣北。

山桑故城在渦水北。沙水不得逕其北明矣。經言過北，誤也。

又東南過龍亢縣南。

沙水逕故城北。案近刻脫逕字。又東南逕白鹿城北，而東注也。

又東南過義成縣西。案成近刻訛作城。注內同。南入於淮。

義成縣故屬沛，後隸九江。沙水東流，注於淮，謂之沙汭。京相璠曰：楚東地也。春秋左傳昭公二十七年，楚令尹子常以舟師及沙汭而還。杜預曰：沙水名也。

卷二十三

陰溝水 汭水 獲水



陰溝水出河南陽武縣瀆蕩渠。案瀆近刻說作蕩下同。

陰溝首受大河於卷縣。案於字近刻說在大河上。故瀆東南逕卷縣故城南。又東逕蒙城北。史記秦莊襄王元年蒙

鰲擊取成臯滎陽。初置三川郡。疑卽鰲所築也。於事未詳。故瀆東分爲二。世謂之陰溝水。京相璠以爲

出河之濟。又非所究。俱東絕濟隧。案近刻說作隧。右瀆東南逕陽武城北。案近刻說作右溝。東西逕陽池城北。東南絕長城。逕安

亭北。又東北會左瀆。左瀆又東絕長城。逕垣雍城南。昔晉文公戰勝於楚。周襄王勞之於此。故春秋書

甲午至於衡雝。作王宮於踐土。呂氏春秋曰。尊天子於衡雝者也。郡國志曰。卷縣有垣雝城。卽史記所

記韓獻秦垣雍是也。又東逕開光亭南。又東逕清陽亭南。又東合右瀆。又東南逕封丘縣。絕濟瀆。東南

至大梁。合瀆蕩渠。梁溝旣開瀆蕩渠。故瀆實兼陰溝浚儀之稱。故云出陽武矣。案近刻說作出武陽又脫矣字。東南逕

大梁城北。案近刻脫東南二字。左屈與梁溝合。案溝字近刻說在屈字下。俱東南流。同受鴻溝沙水之目。其川流之會左瀆東

導者。卽汜水也。蓋津源之變名矣。故經云。陰溝出瀆蕩渠也。案渠近刻說作者。

### 東南至沛爲過水。

陰溝始亂瀆蕩。終別於沙。而過水出焉。過水受沙水於扶溝縣。許慎又曰。過水首受淮陽扶溝縣瀆蕩

渠。不得至沛。方爲過水也。案此二十五字。原本及近刻並說在後老子生於曲過間之下。過水又屈東逕相縣故城南之上。爾雅曰。過爲洵。郭景純曰。

大水。洵爲小水也。案近刻洵作溢。下有出別二字。呂忱曰。洵。過水也。過水逕大扶城西。城之東北。悉諸袁舊墓。碑字傾

低。案字近刻羊虎碎折。惟司徒滂蜀郡太守騰博平令光碑字所存惟此。自餘殆不可尋。過水又東南

逕陽夏縣西。又東逕邈城北。城實中而西有隙郭。案近刻作瓊郭。過水又東逕大棘城南。故鄆之大棘鄉也。春

秋宣公二年。宋華元與鄭公子歸生戰於大棘。獲華元。左傳曰。華元殺羊食士。不及其御。將戰。羊斟曰。

案食士下。近刻作其御。羊斟不與及。戰曰九字。蓋後人據左傳之文所改。疇昔之羊子爲政。今日之事我爲政。遂御入鄭。故見獲焉。後其地

爲楚莊所并。案近刻故圈稱曰大棘。楚地。案楚近刻有楚太子建之墳。及伍員釣臺池。沼具存。過水又

東逕安平縣故城北。陳留風俗傳曰。大棘鄉。故安平縣也。士人敦慤。易以統御。過水又東逕鹿邑城北。

世謂之虎鄉城。非也。春秋之鳴鹿矣。杜預曰。陳國武平西南有鹿邑亭是也。城南十里有晉中散大夫

胡均碑。元康八年立。過水之北有漢溫令許續碑。續字嗣公。陳國人也。舉賢良。拜議郎。遷溫令。延熹中

立。過水又東逕武平縣故城北。案近刻城之西南七里許。有漢尚書令虞詡碑。案近刻碑題云。虞君之

碑。諱詡。字定安。虞仲之後。案近刻爲朝歌令。武都太守。文字多缺。不復可尋。按范曄漢書。詡字升卿。陳

國武平人。祖爲縣獄吏。治存寬恕。嘗曰。于公爲里門子。爲丞相。吾雖不及于公子孫。不必不爲九卿。故

字詡曰升卿。定安蓋其幼字也。魏武王初封於此。終以武平華夏矣。過水又東逕廣鄉城北。圈稱曰襄

邑。有蛇丘亭。故廣鄉矣。案近刻脫廣字。故曰廣世。後漢順帝陽嘉四年。封侍中。摯填爲侯國。卽廣鄉也。過水又

東逕苦縣西南。分爲二水。枝流東北。注於賴城入谷。案注於二字近謂死過也。過水又東南屈。案近刻

說作又

南東風。逕苦縣故城南。郡國志曰：春秋之相也。王莽更名之曰賴陵矣。城之四門列築馳道。東起賴鄉。南

自南門。越水直指故臺西面。南門列道。徑趣廣鄉道。西門馳道。西屆武平。北門馳道。暨於北臺。過水又

東北屈。案東下。近刻衍而字。至賴鄉西。案近刻脫西字。谷水注之。谷水首受渙水於襄邑縣東。東逕承匡城東。春秋經書

夏叔仲彭生。案近刻脫仲字。會晉卻缺於承匡。左傳曰：謀諸侯之從楚者。案近刻脫作也。京相璠曰：今陳留襄邑。西三

十里。有故承匡城。谷水又東南。逕已吾縣故城西。陳留風俗傳曰：縣故宋也。雜以陳楚之地。故梁國寧

陵縣之徙種龍鄉也。以成哀之世。戶至八九千。冠帶之徒。求置縣矣。永元十一年。陳王削地。以大棘鄉

直陽鄉。十二年。自鄆隸之。案近刻脫十二年三字。鄆訛作隸。命以嘉名曰已吾。猶有陳楚之俗焉。谷水又東逕拓縣故

城東。地理志：淮陽之屬縣也。城內有柘。令許君清德頌石碎字紊。惟此文見碑。城西南里許。有漢陽臺

令許叔種碑。案近刻臺字種字互訛。光和中立。又有漢故樂成陵令太尉掾許嬰碑。嬰字虞卿。司隸校尉之子。建

寧元年立。餘碑文字碎滅。不復可觀。當似司隸諸碑也。谷水又東逕苦縣故城中。水泛則四周隍壑。耗

則孤津獨逝。谷水又東逕賴鄉城南。其城實中。東北隅有臺。偏高。俗以是臺在谷水北。案近刻脫作比。其城又

謂之谷陽臺。非也。谷水自此東入過水。過水又北逕老子廟東。廟前有二碑。在南門外。漢桓帝遣中官

管霸祠老子。案中官近刻作宦臣。命陳相邊韶撰文。案近刻脫文字。碑北有雙石闕。甚整頓。石闕南側。魏文帝黃初三年。

經譙所勒闕。北東側有孔子廟。廟前有一碑。西面是陳相魯國孔疇。建和三年立。北則老君廟。廟東院

中有九井焉。又北。過水之側。又有李母廟。案李下近刻衍老字。廟在老子廟北。廟前有李母冢。冢東有碑。是永興

元年。譙令長沙王阜所立。碑云。老子生於曲澗。澗。過水又屈東。逕相縣故城南。其城卑小。實中。邊詔老

子碑文云。案文近刻老子。楚相縣人也。相縣虛荒。今屬苦。故城猶存在。賴鄉之東。案賴下近刻衍游字。過水處。其

陽。疑卽此城也。案疑近刻自是無郭以應之。過水又東。逕譙縣故城北。春秋左傳。僖公二十二年。楚成

得臣帥師伐陳。遂取譙。城頓而還是也。王莽之延成亭也。魏立譙郡。沈州治。沙水自南枝分北。逕譙城

西而北。注澗。過水四周城側。城南有曹嵩冢。冢北有碑。碑北有廟堂。餘基尚存。柱礎仍在。廟北有二石

闕。雙峙。高一丈六尺。椳櫨及柱。皆雕鏤雲矩。案近刻訛作炬。朱謀埠云。當作烟。非也。今考深 watermark 注內亦云。柱側悉鏤雲矩。上學。罍已碎。闕北

有圭碑。題云。漢故中常侍長樂太僕特進費亭侯曹君之碑。延熹三年立。碑陰又刊詔策。案詔近刻二

碑文同。夾碑東西列對。兩石馬高八尺五寸。石作羸拙不匹。光武隧道所表象馬也。有騰兄冢。案近刻

騰冢東有碑。題云。漢故潁川太守曹君墓。延熹九年卒。而不刊樹碑歲月。墳北有其元子熾冢。冢東有

碑。題云。漢故長水校尉曹君之碑。歷大中大夫。司馬長史。侍中。案侍上近刻遷長水。年三十九卒。熹平六

年造。熾弟胤冢。冢東有碑。題云。漢謁者曹君之碑。熹平六年立。城東有曹太祖舊宅。所在負郭對廡。側

隍臨水。魏書曰。太祖作議郎。告疾歸鄉里。築室城外。春夏習讀書傳。案近刻脫秋冬射獵。以自娛樂。文

帝以漢中平四年生於此。上有青雲如車蓋。終日乃解。卽是處也。後文帝以延康元年幸譙。大饗父老。

立壇於故宅。壇前樹碑。碑題云：大饗之碑。碑之東北，過水南，有譙定王司馬士會冢。冢前有碑。晉永嘉三年立。碑南二百許步，有兩石柱，高丈餘，半下爲束竹交文，作制極工。案近刻訛石榜云：晉故使持節

散騎常侍都督揚州江州諸軍事安東大將軍譙定王河內溫司馬公墓之神道。過水又東，逕朱龜墓。

北，東南流，冢南枕道，有碑。案近刻重碑題云：漢故幽州刺史朱君之碑。龜字伯靈。案伯近刻光和六年

卒，官故吏別駕。從事史右北平無終，年化。中平二年造碑，陰刊故吏姓名。悉薊涿及上谷北平等人，過

水東南，逕層丘北。丘阜獨秀，巍然介立，故壁壘所在也。過水又東南，逕城父縣故城北。案近刻沙水枝

分注之。水上承沙水於思善縣，世謂之章水。案章近刻作漳，下同。考章水又見渠水注內，亦無水旁。故有章頭之名也。東北流，逕

城父縣故城西。案近刻側城東北流，入於過。過水又東，逕下城父北。郡國志曰：山桑縣有下城父聚者

也。過水又屈，逕其聚東。郎山西，又東南，屈逕郎山南。山東有垂惠聚，世謂之禮城。袁山松郡國志曰：山

桑縣有垂惠聚，卽此城也。過水又東南，逕潁陽城北，臨側過水。案注內言臨側者不一，朱魏太和中爲

潁州治。案近刻以蓋表爲刺史。後罷州立郡。案朱謀璋云：舊本作立碑，吳本改。衿帶遏戍，潁水又東南

逕龍亢縣故城南。漢建武十三年，世祖封傅昌爲侯國，故語曰：沛國龍亢至山桑者也。過水又屈而南

流，出石梁，梁石崩，褫夾岸積石高二丈，水歷其間。又東南流，逕荆山北。案近刻而東流注也。

又東南至下邳淮陵縣，入於淮。

潏水又東。左合北肥水。北肥水出山桑縣西北澤藪。東南流。左右翼佩數源。異出同歸。蓋微脈涓注耳。東南流。逕山桑邑南。俗謂之北平城。昔文欽之封山桑侯。疑食邑於此。城東南有一碑。碑文悉破。無驗。惟碑背故吏姓名尙存。熹平元年。義士門生沛國蕭劉定興立。案士近刻北肥水又東。逕山桑縣故城南。俗謂之都亭。案此下近刻非也。今城內東側。猶有山亭築立。陵阜高峻。非洪臺所擬。十三州志所謂山生於邑。其亭有桑。案亭近刻因以氏縣者也。郭城東有文穆冢碑。三世二千石穆郡戶曹史徵試博士太常丞。以明氣候擢拜侍中。右中郎將。遷九江彭城陳留三郡。案近刻光和中卒。故吏涿郡太守彭城呂虔等立。北肥水又東。積而爲陂。謂之瑕陂。陂水又東南。逕瑕城南。春秋左傳成公十六年。楚師還及瑕。卽此城也。故京相璠曰。瑕。楚地。北肥水又東南。逕向縣故城南。地理志曰。故向國也。世本曰。許州向申姜姓也。炎帝後。京相璠曰。向。沛國縣。今并屬譙國龍亢也。杜預曰。龍亢縣東有向城。漢世祖建武十三年。更封富波侯王霸爲侯國。卽此城也。俗謂之圓城。非。又東南。逕義成南。案成近刻世謂之楮城。非。又東入於潏。潏水又東注淮。經言下邳淮陵入淮。誤矣。

汜水出陰溝於浚儀縣北。

陰溝卽蒗蕩渠也。亦言汜受旃然水。又云。丹沁亂流。案沁原本及近刻於武德絕河南。入滎陽合汜。故汜兼丹水之稱。河濟水斷。案濟近刻汜承旃然而東。自王賁灌大梁。水出縣南而不逕其北。夏水洪泛。

則是瀆津通故渠。卽陰溝也。於大梁北。又曰浚水矣。故圈稱著。陳留風俗傳曰。浚水逕其北者也。又東。浚水出焉。故經云。浚出陰溝於浚儀縣北也。浚水東逕倉垣城南。卽浚儀縣之倉垣亭也。案浚儀近刻訛作大梁城臨浚水。陳留相畢邈治此。征東將軍荀晞之西也。案荀晞近刻訛作荀晞邈走歸京。晞使司馬東萊王讚代據倉垣。斷留運漕。浚水又東逕陳留縣之鉞鄉亭北。陳留風俗傳所謂縣有鉞鄉亭。卽斯亭也。浚水又逕小黃縣故城南。神仙傳稱靈壽光扶風人。死於江陵胡罔家。罔殯埋之後百餘日。人有見光於此縣。寄書與罔。案與近刻訛作於罔發視之。惟有履存。浚水又東逕鳴鴈亭南。春秋左傳成公十六年。衛侯伐鄭。至於鳴鴈者也。杜預釋地云。在雍丘縣西北。今俗人尙謂之爲白鴈亭。浚水又東逕雍丘縣故城北。逕陽樂城南。西征記曰。城在浚北一里。周五里。雍丘縣界。浚水又東。有故渠出焉。南通睢水。謂之董生決。或言董氏作亂。引水南通睢水。故斯水受名焉。今無水。浚水又東。枝津出焉。俗名之爲落架口。西征記曰。落架水名也。續述征記曰。在董生決下二里。浚水又逕外黃縣南。又東逕莠倉城北。續述征記曰。莠倉城去大游墓二十里。又東逕大齊城南。陳留風俗傳曰。外黃縣有大齊亭。又東逕科城北。陳留風俗傳曰。縣有科稟亭。是有科稟亭也。案科近刻訛作料浚水又東逕小齊城南。浚水又南逕利望亭南。風俗傳曰。故成安也。地理志。陳留縣名。案近刻訛作志漢武帝以封韓延年爲侯國。浚水又東。龍門故瀆出焉。瀆舊通睢水。故西征記曰。龍門水名也。門北有土臺高三丈餘。上方數十步。浚水又東逕濟陽考城縣故城南。

爲菑獲渠。考城縣。周之采邑也。於春秋爲戴國矣。左傳隱公十年秋。宋衛蔡伐戴是也。漢高帝十一年。秋。封彭祖爲侯國。陳留風俗傳曰。秦之穀縣也。後遭漢兵起。邑多災年。故改曰菑縣。王莽更名嘉穀。案此下有近刻章帝東巡過縣。詔曰。陳留菑縣。案近刻其名不善。高祖鄙柏人之邑。世宗休聞喜而顯獲嘉應。有漢字嘉皇靈之顧。賜越有光。列考武皇。其改菑縣曰考城。是瀆蓋因縣以獲名矣。汜水又東。逕寧陵縣之沙陽亭北。故沙隨國矣。春秋左傳成公十六年秋。會於沙隨。謀伐鄭也。杜預釋地曰。在梁國寧陵縣北。沙陽亭是也。世以爲堂城。非也。汜水又東。逕黃蒿塢北。續述征記曰。堂城至黃蒿二十里。汜水又東。逕斜城下。續述征記曰。黃蒿到斜城五里。陳留風俗傳曰。考城縣有斜亭。汜水又東。逕周塢側。續述征記曰。斜城東三里。晉義熙中。劉公遣周超之。自彭城緣汜故溝。斬樹穿道七百餘里。以開水路。停泊於此。案泊近刻作薄故茲塢流稱矣。汜水又東。逕葛城北。故葛伯之國也。孟子曰。葛伯不祀。湯問曰。何爲不祀。稱無以供祠祭。遺葛伯。葛伯又不祀。湯又問之曰。無以供犧牲。湯又遺之。又不祀。湯又問之曰。無以供粢盛。湯使亳衆往爲之耕。老弱饋食。葛伯又率民奪之。不授者則殺之。湯乃伐葛。葛於六國屬魏。魏安釐王以封公子無忌。案安釐王近刻訛作襄王。忌訛作咎。號信陵君。其地葛鄉。卽是城也。在寧陵縣西十里。汜水又東。逕神坑塢。又東。逕夏侯長塢。續述征記曰。夏侯塢至周塢。各相距五里。汜水又東。逕梁國睢陽縣故城北。而東。歷襄鄉塢南。續述征記曰。西去夏侯塢二十里。東一里。卽襄鄉浮圖也。汜水逕其南。漢熹平中。



某君所立。案近刻脫死。因葬之。其弟刻石樹碑。案近刻脫其字以旌厥德。隧前有獅子天鹿。累塼作百達柱八所。案近刻脫累字。達訛作樹。荒蕪頽毀。彫落略盡矣。

又東至梁郡蒙縣。爲獲水。案獲原本訛作睢。近刻訛作濰。考後獲水出汲水於梁郡蒙縣北。而睢水出梁郡鄆縣。可證此乃爲獲水。甚明。今改正。餘波南入睢陽城中。

汲水又東逕貫城南。案貫近刻訛作貫。俗謂之薄城。非也。闕駟十三州志以爲貫城也。案貫近刻訛作貫。在蒙縣西北。

春秋僖公二年。齊侯宋公江黃盟於貫。杜預以爲貫也。云貫貫字相似。貫在齊。謂貫澤也是矣。案近刻訛作以。

非此也。今於此地。更無他城在蒙西北。惟是邑耳。考文準地。貫邑明矣。非亳可知。汲水又東逕蒙縣故

城北。案蒙原本及近刻並訛作違。今改正。俗謂之小蒙城也。西征記。城在汲水南十五六里。卽莊周之本邑也。爲蒙之漆

園吏。郭景純所謂漆園有傲吏者也。悼惠施之沒。杜門於此邑矣。汲水自縣南出。今無復有水。惟睢陽

城南側。有小水南流。入於睢城。南二里有漢太傅掾橋載墓碑。載字元賓。梁國睢陽人也。睢陽公子熹

平五年立。城東百步有石室。刊云漢鴻臚橋仁祠。城北五里有石虎石柱。而無碑誌。不知何時建也。汲

水又東逕大蒙城北。自古不聞有二蒙。疑卽蒙亳也。所謂景薄爲北亳矣。案北近刻訛作此。椒舉云。商湯有景

亳之命者也。闕駟曰。湯都也。亳。本帝嚳之墟。在禹貢豫州河洛之間。今河南偃師城西二十里。尸鄉亭

是也。皇甫謐以爲考之事實。學者失之。如孟子之言。湯居亳。與葛爲鄰。是卽亳與葛比也。湯地七十里。

葛又伯耳。封域有限。而寧陵去偃師八百里。

案陵近刻。訛作陵。

不得童子饋餉而爲之耕。今梁國自有二亳。南

亳在穀熟。北亳在蒙。非偃師也。古文仲虺之誥曰。葛伯仇餉。征自葛始。卽孟子之言是也。崔駟曰。湯冢

在濟陰薄縣北。皇覽曰。薄城北郭東三里平地有湯冢。冢四方。方各十步。高七尺。上平也。漢哀帝建平

元年。大司空史郤長卿按行水災。因行湯冢。在漢屬扶風。今徵之迴渠亭。有湯池徵陌是也。

案池近刻。訛作地。

然不經見。難得而詳。按秦寧公本紀云。二年伐湯。三年與亳戰。亳王奔戎。遂滅湯。然則周桓王時自有

亳王。號湯爲秦所滅。乃西戎之國。葬於徵者也。非殷湯矣。劉向言殷湯無葬處爲疑。杜預曰。梁國蒙縣

北有薄伐城。城中有成湯冢。其西有箕子冢。今城內有故冢方墳。疑卽杜元凱之所謂湯冢者也。而世

謂之王子喬冢。冢側有碑。題云。仙人王子喬碑。曰。王子喬者。蓋上世之真人。聞其仙。不知興何代也。博

問道家。

案問近刻。訛作聞。

或言潁川。或言產蒙。初建此城。則有斯丘。傳承先民曰。王氏墓。暨於永和之元年冬

十二月。當臘之時。夜上有哭聲。其音甚哀。附居者王伯怪之。明則祭而察焉。時天鴻雪。下無人徑。有大

鳥跡在祭祀處。左右咸以爲神。其後有人著大冠絳單衣。杖竹立冢前。呼採薪孺子伊永昌曰。我王子

喬也。勿得取吾墳上樹也。忽然不見。時令泰山萬熹。

案近刻。訛作喜。

稽故老之言。感精瑞之應。乃造靈廟以休

厥神。於是好遺之儻。自遠方集。或絃琴以歌太一。或覃思以歷丹丘。

案近刻。覃訛作譚。丘訛作思。

知至德之宅兆。實

眞人之祖先。延熹八年秋八月。皇帝遣使者奉犧牲。致禮祠。濯之。敬肅如也。國相東萊王璋字伯儀。案近

刻說以爲神聖所興必有銘表乃與長史邊乾遂樹之玄石紀頌遺烈觀其碑文意似非遠既在逕見  
案近刻作既有經見不能不書存耳案近刻作存焉

### 獲水出坂水於梁郡蒙縣北

漢書地理志曰獲水首受留獲渠案獲水下近刻有也字又有亦兼丹水之稱也竹書紀年曰宋殺其

大夫皇瑗於丹水之上又曰宋大水案原本及近刻丹水壅不流蓋坂水之變名也獲水自蒙東出案近

刻說作山水南有漢故繹幕令匡碑匡字公輔魯府君之少子也碑字碎落不可尋識竟不知所立歲月也

獲水又東逕長樂固北已氏縣南東南流逕於蒙澤十三州志曰蒙澤在縣東春秋莊公十二年宋萬

與公爭博殺閔公於斯澤矣獲水又東案獲近刻逕虞縣故城北古虞國也昔夏少康逃奔有虞爲之

庖正虞思於是妻之以二姚者也王莽之陳定亭也城東有漢司徒盛允墓碑案近刻允字伯世案允

訛作梁國虞人也其先奭氏至漢中葉避孝元皇帝諱改姓曰盛世濟其美以迄於公察孝廉除郎累

遷司空司徒延熹中立墓中有石廟廟宇傾頽基構可尋獲水又東南逕空桐澤北澤在虞城東南春

秋哀公二十六年冬宋景公遊於空澤案近刻脫辛巳卒於連中大尹左師興空澤之士千甲奉公自

空桐入如沃宮者矣獲水又東逕龍譙固案近刻脫又東合黃水口水上承黃陂下注獲水獲水又

東入櫟林世謂之九里柞獲水又東南逕下邑縣故城北楚考烈王滅魯頃公亡遷下邑又楚漢彭城

之戰。呂后兄澤軍於下邑。案兄澤近刻高祖敗。還從澤軍。子房肇捐地之策。收垓下之師。陸機所謂即

下邑者也。王莽更名下治矣。獲水又東。逕碭縣故城北。案碭山下近應劭曰。縣有碭山。山在東。出文石。秦

立碭郡。蓋取山之名也。王莽之節碭縣也。山有梁孝王墓。其冢斬山作郭。穿石爲藏。行一里。到藏中有

數尺水。水有大鯉魚。黎民謂藏有神。不敢犯神。案近刻民訛作萌凡到藏皆潔齋而進。不齋者至藏。輒

有獸噬其足。獸難得見。見者云似狗。所未詳也。山上有梁孝王祠。獲水又東。穀水注之。上承碭陂。案碭

陽陂中有香城。城在四水之中。承諸陂散流。爲零水。瀆水。清水也。案爲近積而成潭。謂之碭水。趙人

有琴高者。以善鼓琴爲康王舍人。行彭涓之術。浮遊碭郡間。二百餘年。後入碭水中。取龍子。與弟子期

曰。皆潔齋待於水旁。設屋祠。果乘赤鯉魚出。入坐祠中。碭中有可萬人觀之。案可近留月餘。復入水也。

陂水東注。謂之穀水。東逕安山北。卽碭北山也。山有陳勝墓。秦亂。首兵伐秦。弗終厥謀。死葬於碭。諡曰

隱王也。穀水又東北注於獲水。獲水又東。歷藍田鄉郭。又東逕梁國杼秋縣故城南。王莽之子秋也。案

近刻獲水又東。歷洪溝。東注。案此下近南北各一溝。溝首對獲。世謂之鴻溝。案鴻近刻非也。春秋昭

公八年秋。蒐於紅。杜預曰。沛國蕭縣西有紅亭。卽地理志之虹縣也。景帝三年。案近刻封楚元王

子富爲侯國。王莽之所謂貢矣。蓋溝名音同。案音近刻非楚漢所分也。

又東過蕭縣南。睢水北流注之。案此六字原本及近刻並訛入注內。睢訛作獲。考注

云即經所謂睢水也。實指此經之文而言。今改正。

蕭縣南對山。世謂之蕭城南山也。戴延之謂之同孝山云。取漢陽城侯劉德所居里名曰山也。劉澄之云。縣南有冒山。未詳孰是也。山有箕谷。谷水北流注獲。世謂之西流水。言水上承梧桐陂。陂水西流。因以爲名也。余嘗逕蕭邑。城右惟是水北注獲水。更無別水。疑卽經所謂睢水也。城東西及南三面臨側。獲水故沛郡治。縣亦同居矣。城南舊有石橋。耗處。案近刻訛作處耗。積石爲梁高二丈。今荒毀殆盡。亦不具誰所造也。縣本蕭叔國。宋附庸。楚滅之。春秋宣公十二年。楚伐蕭。蕭潰。申公巫臣曰。師人多寒。王巡三軍。撫之士。同挾纊。案近刻作拊而勉之。三軍之士皆同挾纊。乃後人據左傳之文所改。蓋恩使之然矣。蕭女聘齊爲頃公之母。郤克所謂蕭同叔子也。獲水又東歷龍城。不知誰所創築也。獲水又東逕同孝山北。山陰有楚元王家。上圓下方。累石爲之。高十餘丈。廣百許步。經十餘墳。悉結石也。獲水又東。淨淨溝水注之。水上承梧桐陂。西北流。卽劉中書澄之所謂白溝水也。案溝近刻訛作瀆。又北入於獲。俗名之曰淨淨溝也。

又東至彭城縣北。東入於泗。

獲水自淨淨溝東逕阿育王寺北。或言楚王英所造。非所詳也。蓋遵育王之遺法。因以名焉。與安陂水合。水上承安陂。餘波北逕阿育王寺側。水上有梁。謂之玄注橋。水旁有石墓。宿經開發。石作工奇。殊爲壯構。而不知誰冢。疑卽澄之所謂凌冢也。水北流。注於獲。獲水又東逕彌黎城北。劉澄之永初記。所謂城之西南。有彌黎城者也。獲水於彭城西南。迴而北流。逕彭城。城西北舊有楚大夫龔勝宅。卽楚老哭

騰處也。獲水又東轉逕城北而東注泗水。北三里有石冢被開。傳言楚元王之孫劉向冢。未詳是否。城即殷大夫老彭之國也。於春秋爲宋地。楚伐宋并之。以封魚石。崔子季珪述初賦曰。想黃公於邳圯。勤

魚石於彭城。

案勤近刻訛作勒。

卽是縣也。孟康曰。舊名江陵。爲南楚。陳爲東楚。彭城爲西楚。文穎曰。彭城故東

楚也。項羽都焉。謂之西楚。漢祖定天下。以爲楚郡。封弟交爲楚王都之。宣帝地節元年。更爲彭城郡。王

莽更之曰和樂郡也。徐州治。城內有漢司徒袁安。魏中郎將徐庶等數碑。

案近刻脫將字。

並列植於街右。咸曾

爲楚相也。大城之內有金城。東北小城。劉公更開廣之。皆壘石高四丈。列塹環之。小城西又有一城。案近

刻脫有字。

是大司馬琅邪王所修。因項羽故臺經始。卽構宮觀門閣。

案近刻訛作閣。

惟新厥制。義熙十二年。霖雨驟

澍。汜水暴長。城遂崩壞。冠軍將軍彭城劉公之子也。登更築之。悉以塹壘。宏壯堅峻。樓櫓赫奔。南北所

無。宋平北將軍徐州刺史河東薛安都舉城歸魏。魏遣博陵公尉苟仁。城陽公孔伯恭援之。邑閣如初。

案閣近刻作閣。

觀不異昔。自後毀撤。一時俱盡。間遣工雕鏤。尙存龍雲逞勢。奇爲精妙矣。城之東北角起層樓

於其上。號曰彭祖樓。地理志曰。彭城縣古彭祖國也。

案古近刻作故。

世本曰。陸終之子。其三曰錢。是爲彭祖。彭

祖城是也。下曰彭祖冢。彭祖長年八百。綿壽永世。於此有冢。蓋亦元極之化矣。其樓之側襟汜帶泗。案

刻脫

東北爲二水之會也。聳望川原。極目清野。斯爲佳處矣。

卷二十四

睢水 瓠子河 汶水

睢水出梁郡鄆縣。

睢水出陳留縣西濱瀆渠。案瀆近刻作瀆東北流。地理志曰：睢水首受陳留浚儀狼湯水也。案狼湯近刻作瀆瀆經言出

鄆非矣。又東逕高陽故亭北。俗謂之陳留北城。非也。蘇林曰：高陽者陳留北縣也。按在留故鄉聚名也。

案故近刻有漢廣野君廟碑。延熹六年十二月。雍丘令董生仰餘徽於千載。遵茂美於絕代。命縣人長

照爲文。案長近刻作長用章不朽之德。其略云：輟洗分餐。諮謀帝獄。陳鄭有涿鹿之功。海岱無牧野之戰。大康

華夏。綏靜黎物。生民以來。功盛莫崇。今故字無聞。而單碑介立矣。案近刻字訛作單訛作軍陳留風俗傳曰：酈氏

居於高陽。沛公攻陳留縣。酈食其有功。封高陽侯。有酈峻。字文山。官至公府掾。大將軍。商有功。食邑於

涿。故自陳留徙涿。案近刻脫此二字縣有鉞亭。鉞鄉。建武二年。世祖封王常爲侯國也。睢水又東逕雍丘縣故

城北。縣舊杞國也。殷湯周武以封夏后。繼禹之嗣。楚滅杞。秦以爲縣。圈稱曰：縣有五陵之名。故以氏縣

矣。城內有夏后祠。昔在二代。享祀不輟。秦始皇因築其表爲大城。而以縣焉。案因近刻訛作圖睢水又東。水積

成湖。俗謂之白羊陂。陂方四十里。右則姦梁陂。水注之。其水上承陂水。東北逕雍丘城北。又東分爲兩

瀆。謂之雙溝。俱入白羊陂。陂水案近刻訛作之東合洛架口。案近刻口上衍水字水上承汶水。謂之洛架水。東南流入於

睢水。睢水又東逕襄邑縣故城北。又東逕雍丘城北。睢水又東逕寧陵縣故城南。故葛伯國也。王莽改曰康善矣。歷鄆縣北。二城南北相去五十里。故經有出鄆之文。城東七里。水次有單父令楊彥。尚書郎楊禪。字文節。兄弟二碑。漢光和中立也。

東過睢陽縣南。案東上近刻衍又字。

睢水又東逕橫城北。春秋左傳昭公二十一年。樂大心禦華向於橫。案近刻作樂大心豐愆華徑禦華向於橫。蓋後人據左傳增加四字。

杜預曰。梁國睢陽縣南有橫亭。今在睢陽縣西南。世謂之光城。蓋光橫聲相近。習傳之非也。睢水又逕新城北。卽宋之新城亭也。春秋左傳文公十四年。公會宋公陳侯衛侯鄭伯許男曹伯晉趙盾盟於新城者也。睢水又東逕高鄉亭北。又東逕亳城北。南亳也。卽湯所都矣。睢水又東逕睢陽縣故城南。周成

王。案近刻詎作武王。封微子啓於宋。以嗣殷。後爲宋都也。昔宋元君夢江使乘輜車。被繡衣。而謁於元君。元君

感衛平之言。而求之於泉陽。男子余且獻神龜於此矣。秦始皇二十二年。以爲碭郡。漢高祖嘗以沛公

爲碭郡長。天下既定。五年。爲梁國。文帝十二年。封少子武爲梁王。太后之愛子。景帝寵弟也。是以警衛

貂侍。飾同天子。藏珍積寶。多擬京師。招延豪傑。士咸歸之。長卿之徒。免官來遊。廣睢陽城七十里。大治

宮觀臺苑屏榭。勢並皇居。其所經構也。役夫流唱。必曰睢陽曲。案近刻脫曲字。創傳由此始也。城西門。卽寇先

鼓琴處也。先好釣。居睢水旁。宋景公問道不告。殺之。後十年止此門。鼓琴而去。宋人家奉事之。南門



曰盧門也。春秋華氏居盧門。里叛。杜預曰。盧門。宋城南門也。司馬彪郡國志曰。睢陽縣有盧門亭。城內有高臺。甚秀廣。巍然介立。超焉獨上。謂之蠡臺。亦曰升臺焉。當昔全盛之時。故與雲霞競遠矣。續述征記曰。迴道似蠡。故謂之蠡臺。非也。余按闕子稱宋景公使工人爲弓。九年乃成。公曰。何其遲也。對曰。臣不復見君矣。臣之精盡於弓矣。獻弓而歸。三日而死。景公登虎圈之臺。援弓東面而射之。矢踰於孟霜之山。集於彭城之東。案城近刻餘勢逸勁。猶飲羽於石梁。然則蠡臺卽是虎圈臺也。蓋宋世牢虎所在矣。晉太和中。大司馬桓溫入河。命豫州刺史袁真開石門。鮮卑堅戍此臺。真頓甲堅城之下。不果而還。蠡臺如西。案如近刻又有一臺。俗謂之女郎臺。臺之西北城中。有涼馬臺。臺東有曲池。池北列兩釣臺。水周六七百步。蠡臺直東。又有一臺。世謂之雀臺也。城內東西道北。有晉梁王妃王氏陵表。並列二碑。碑云。妃諱粲。字女儀。東萊曲城人也。齊北海府君之孫。司空東武景侯之季女。咸熙元年。嬪於司馬氏。泰始二年。妃於國。太康五年。薨。營陵於新蒙。案此下有脫文太康九年。立碑。東卽梁王之吹臺也。案臺近刻基陞階礎尙在。今建追明寺。故宮東。卽安梁之舊地也。齊周五六百步。案齊近刻水列釣臺。池東又有一臺。世謂之清冷臺。北城憑隅。又結一池臺。晉灼曰。或說平臺。在城中東北角。亦或言兔園。在平臺側。如淳曰。平臺。離宮所在。今城東二十里有臺。寬廣而不甚極高。俗謂之平臺。余按漢書梁孝王傳。稱王以功觀爲大國。築東苑方三百里。廣睢陽城七十里。大治宮室。爲複道。自宮連屬於平臺。三十餘里。複道自

宮東出楊之門。案楊下近刻衍州字。左陽門。卽睢陽東門也。連屬於平臺則近矣。屬之城隅則不能。是知平臺不

在城中也。梁王與鄒枚司馬相如之徒。極遊於其上。故齊隨郡王山居序。所謂西園多士。平臺盛賓。鄒

馬之客。咸在。伐木之歌。屢陳。是用追芳昔娛。神遊千古。故亦一時之盛事。謝氏賦雪。亦曰梁王不悅。遊

於兔園。今也歌堂淪宇。律管埋音。孤基塊立。無復曩日之望矣。城北五六里。便得漢太尉橋玄墓。案橋

訛作喬冢東有廟。卽曹氏孟德親酌處。操本微素。嘗候於玄。玄曰。天下將亂。能安之者。其在君乎。操感

知己。後經玄墓。祭云。操以頑質。見納君子。士死知己。懷此無忘。又承約言。徂沒之後。路有經由。不以斗

酒隻雞。過相沃醑。車過三步。腹痛勿怨。雖臨時戲言。非至親篤好。胡肯爲此辭哉。悽愴致祭。以申宿懷。

冢列數碑。一是漢朝羣儒英才哲士。感橋氏德行之美。乃共刊石立碑。以示後世。一碑是故吏司徒博

陵崔列。案近刻作烈。廷尉河南吳整等。以爲至德在己。揚之由人。苟不皦述。夫何考焉。案近刻皦訛作舍。乃共

勒嘉石。昭明芳烈。一碑是隴西枹罕。北次陌陽。獮道趙馮孝高。以橋公嘗牧涼州。

感三綱之義。慕將順之節。以爲公之勳美。宜宣舊邦。乃樹碑頌。以昭令德。光案近刻和七年刻主記掾

李友字仲僚。作碑文。碑陰有右鼎文。建寧三年拜司空。又有中鼎文。建寧四年拜司徒。又有左鼎文。光

和元年拜太尉。鼎銘文曰。故臣門人。相與述公之行。咨度體。則文德銘於三鼎。武功勒於征鉞。書於碑

陰。以昭光懿。又有鉞文。稱是用鑲石假象。作茲征鉞軍鼓。陳之於東階。亦以昭公之文武之勳焉。廟南

列二柱。柱東有二石羊。羊北有二石虎。廟前東北有石駝。駝西北有二石馬。皆高大。亦不甚彫毀。案近刻

作雕惟廟頽構。麤傳遺墟。石鼓仍存。鉞今不知所在。睢水於城之陽。積而為逢洪陂。陂之西南有陂。又

東合明水。水上承城南大池。池周千步。南流會睢。謂之明水。絕睢注。渙睢水。又東南流。歷於竹園。水次

綠竹蔭渚。菁菁實望。世人言梁王竹園也。睢水又東。逕穀熟縣故城北。睢水又東。蘄水出焉。睢水又東

逕粟縣故城北。地理志曰。侯國也。王莽曰成富。睢水又東。逕太丘縣故城北。地理志曰。故敬丘也。漢武

帝元朔三年。封魯恭王子節侯。劉政為侯國。漢明帝更從今名。列仙傳曰。仙人文寶。邑人。賣鞞履為業。

以正月朔日。會故嫗於鄉亭西社。教令服食不老。即此處矣。案近刻。脫以正月至。即此處共二十二字。睢水又東。逕芒縣故

城北。漢高帝六年。封酈跖為侯國。王莽之傳治。世祖改曰臨睢。城西二里。水南有豫州從事皇毓碑。殞

身州牧。陰君之罪。時年二十五。臨睢長平與李君。二千石丞綸。氏夏文則。案近刻。丞訛作承。綸訛作輪。高其行而悼

其殞。州國咨嗟。旌閭表墓。昭敍令德。式示後人。城內有臨睢長左馮翊王君碑。善有治功。累遷廣漢屬

國都尉。吏民思德。縣人公府掾陳盛孫。郎中兒定興。案近刻。兒作倪。劉伯廊等。共立石表政。以刊遠績。縣北與

碭縣分水。有碭山。芒碭二縣之間。案近刻。脫二字。山澤深固。多懷神智。有仙者涓子。主柱並隱。碭山得道。漢高

祖隱之。呂后望氣知之。即於是處也。京房易候曰。何以知賢人隱。師曰。視四方常有。大雲五色具而不

雨。其下賢人隱矣。

又東過相縣南。屈從城北。東流。當蕭縣南。入於陂。案原本及近刻並訛作入於睢。考睢水與梧桐陂水互相通注。故經敘睢水言入於陂。今改正。

相縣故宋地也。秦始皇二十三年。以爲泗水郡。漢高帝四年。改曰沛郡。治此。漢武帝元狩六年。封南越

桂林監居翁爲侯國。曰湘成也。王莽更名郡曰吾符。案近刻作更。縣曰吾符亭。案此下近刻有也字。睢水東逕石

馬亭。亭西有漢故伏波將軍馬援墓。睢水又東逕相縣故城南。宋共公之所都也。案共近刻作恭。國府園中。猶

有伯姬黃堂基。堂夜被火。左右曰。夫人少避。伯姬曰。婦人之義。保傅不具。夜不下堂。遂遇火而死。斯堂

卽伯姬燬死處也。城西有伯姬冢。昔鄭渾爲沛郡太守。於蕭相二縣。與陂堰。民賴其利。刻石頌之。號曰

鄭陂。睢水又左合白溝水。案溝近刻作瀆。水上承梧桐陂。陂側有梧桐山。陂水西南流。逕相城東。而南流注

於睢。睢盛則北流入於陂。陂溢則西北注於睢。出入迴環。更相通注。故經有入陂之文。案入陂原本及近刻亦訛作入

睢。今改正。睢水又東逕彭城郡之靈壁東。東南流。漢書項羽敗漢王於靈壁東。卽此處也。又云東通穀泗。服

虔曰。水名也。在沛國相界。未詳。案未近刻作又。睢水逕穀熟。兩分睢水而爲蘄水。案而字近刻在睢水上。故二水所在

枝分。通謂兼稱。案謂近刻訛作爲。穀水之名。蓋因地變。然則穀水卽睢水也。又云漢軍之敗也。睢水爲之不流。

睢水又東南逕竹縣故城南。地理志曰。王莽之篤亭也。李奇曰。今竹邑縣也。睢水又東與澤湖水合。水

上承留丘縣之溲陂。南北百餘里。東西四十里。東至朝解亭。西屆彭城留丘縣之故城。東王莽更名之

曰善丘矣。其水自陂南系於睢水。又東。睢水南。案近刻作睢。水又東南。八丈故溝水注之。水上承蘄水而北。會睢

水。又東逕符離縣故城北。漢武帝元狩四年。案近刻訛作元光四年。封路博德爲侯國。王莽之符合也。睢水又東

逕臨淮郡之取慮縣故城北。案近刻脫。又字縣字。昔汝南步遊張少失其母。及爲縣令。遇母於此。乃使良馬踟躕。

輕軒罔進。顧訪病姬。乃其母也。誠願宿憑。而冥感昭徵矣。睢水又東合烏慈水。水出縣西南烏慈渚。潭

漲東北流。與長直故瀆合。瀆舊上承蘄水。案瀆近刻訛作溝。北流八十五里。注烏慈水。烏慈水又東逕取慮縣

南。又東屈逕其城東。而北流注於睢。睢水又東逕睢陵縣故城北。漢武帝元朔元年。封江都易王子劉

楚爲侯國。王莽之睢陸也。睢水又東與潼水故瀆會。舊上承潼縣西南潼陂。東北流逕潼縣故城北。又

東北逕睢陵縣下。會睢水。案近刻脫水字。睢水又東南流。逕下相縣故城南。高祖十二年。封莊侯冷耳爲侯國。

應劭曰。相水出沛國相縣。案相水上近。刻亦衍下字。故此加下也。然則相又是睢水之別名也。案相字上近。刻亦衍下字。東南流

入於泗。謂之睢口。經止蕭縣。非也。所謂得其一而亡其二矣。

### 瓠子河出東郡濮陽縣北河。

縣北十里。卽瓠河口也。尚書禹貢。夏既澤。離沮會同。爾雅曰。水自河出爲離。許慎曰。離者。河離水也。

暨漢武帝元光三年。案近刻脫武帝二字。三訛作之。河水南流。漂害民居。元封二年。案近刻作武帝元封二年。係上文訛舛在此。上使汲仁

郭昌發卒數萬人。塞瓠子決河。於是上自萬里沙還。臨決河。沈白馬玉璧。令羣臣將軍以下皆負薪填

決河。上悼功之不成。乃作歌曰。瓠子決兮將奈何。浩浩洋洋。慮殫爲河。案近刻脫此八字。殫爲河兮地不寧。功

無已時兮吾山平。吾山平兮巨野溢。魚沸鬱兮柏冬日。正道弛兮離常流。蛟龍騁兮放遠遊。歸舊川兮神哉沛。不封禪兮安知外。皇謂河公兮何不仁。泛濫不止兮愁吾人。齧桑浮兮淮泗滿。久不返兮水維緩。案維近刻。說作唯。一曰河湯湯兮激滂滂。北渡迴兮迅流難。騫長菱兮湛美玉。河公許兮薪不屬。薪不屬兮衛人罪。燒蕭條兮噫乎何。以禦水。案近刻脫此。二十四字。隕竹林兮隄石菑。宣防塞兮萬福來。於是卒塞瓠子口。築宮於其上。名曰宣房宮。故亦謂瓠子堰爲宣房堰。而水亦以瓠子受名焉。平帝已後。未及修理。河水東浸。日月彌廣。永平十二年。顯宗詔樂浪人王景治渠築堤。起自滎陽。東至千乘。一千餘里。景乃防遏衝要。疏決壅積。瓠子之水。絕而不通。惟溝瀆存焉。河水舊東決。案近刻。說作河。逕濮陽城東北。故衛也。帝顓頊之墟。昔顓頊自窮桑徙此。號曰商丘。或謂之帝丘。本陶唐氏火正闕伯之所居。亦夏伯昆吾之都。殷相土又都之。案相土近刻。說作之相。故春秋傳曰。闕伯居商丘。相土因之是也。衛成公自楚丘遷此。秦始皇徙衛君角於野王。置東郡。治濮陽縣。濮水逕其南。故曰濮陽也。章邯守濮陽。案章邯近刻。說作沛公。環之以水。張晏曰。依河水自固。又東逕鹹城南。案近刻脫。此六字。春秋僖公十三年夏。會於鹹。杜預曰。東郡濮陽縣東南。案近刻脫。此二字。有鹹城者是也。案近刻鹹說作咸。又。是字說在也字之下。瓠子故瀆。又東逕桃城南。春秋傳曰。分曹地自洮以南。東傳於濟。有鹹城者是也。案近刻鹹說作咸。又。是字說在也字之下。瓠子故瀆。又東逕桃城南。春秋傳曰。分曹地自洮以南。東傳於濟。此六字。盡曹地也。今鄆城西南五十里有姚城。案姚近刻。說作桃。或謂之洮也。瓠瀆又東南逕清丘北。春秋宣公十二年。經書楚滅蕭。晉人宋衛曹同盟於清丘。京相璠曰。在今東郡濮陽縣東南三十里。魏東都

尉治。案近刻脫東字。

東至濟陰句陽縣爲新溝。

瓠河故瀆。又東逕句陽縣之小成陽。案近刻脫縣字小字。城北側瀆。帝王世紀曰。堯葬濟陰成陽西北四十里。是

爲穀林。案近刻脫林字。墨子以爲堯堂高三尺。土階三等。北教八狄。道死。葬蛩山之陰。山海經曰。堯葬狄山之

陽。一名崇山。二說各殊。以爲成陽。近是堯冢也。余按小成陽在成陽西北半里許。實中俗嗙以爲囚堯

城。士安蓋以是爲堯冢也。瓠子北有都關縣故城。縣有羊里亭。瓠河逕其南。爲羊里水。蓋資城地而變

名。猶經有新溝之異稱矣。黃初中。賈逵爲豫州刺史。與諸將征吳於洞浦。有功。魏封逵爲羊里亭侯。邑

四百戶。卽斯亭也。俗名之羊子城。非也。蓋韻近字轉耳。又東右會濮水枝津。水上承濮渠。東逕沮丘城

南。案沮近刻訛作鉏。京相璠曰。今濮陽城西南十五里有沮丘城。六國時沮楚同音。案近刻脫音字。以爲楚丘。非也。又

東逕浚城南。西北去濮陽三十五里。案西近刻訛作而。城側有寒泉岡。卽詩所謂爰有寒泉在浚之下。世謂之

高平渠。非也。京相璠曰。濮水故道在濮陽南者也。又東逕句陽縣西。句瀆出焉。濮水枝渠。又東北逕句

陽縣之小成陽。東垂亭西。案小成陽下近刻衍縣故二字。而北入瓠河。地理志曰。濮水首受涉於封丘縣東北。至都關

入羊里水者也。又按地理志。山陽郡有都關縣。今其城在廩丘城西。考地志。句陽廩丘俱屬濟陰。案句陽原

本及近刻並訛作山陽。今據上文與郡國志訂正。則都關無隸山陽理。又按地理志。郟都亦是山陽之屬縣矣。案郟都漢書今本作城都。而

京杜考地驗城

案杜近刻  
訛作相

又並言在廩丘城南推此而論似地理志之誤矣

案原本及近刻並脫  
理字今據上文訂補

或亦

疆理參差所未詳瓠瀆又東逕垂亭北春秋隱公八年宋公衛侯遇於犬丘經書垂也京相璠曰今濟

陰句陽縣小成陽東五里有故垂亭者也

又東北過廩丘縣爲濮水

瓠河又左逕雷澤北其澤藪在大成陽縣故城西北十餘里

案成近刻  
訛作城

昔華胥履大跡處也其陂東西

二十餘里南北十五里卽舜所漁也澤之東南卽成陽縣故史記曰武王封弟叔武於成應劭曰其後

乃遷於成之陽故曰成陽也地理志曰成陽有堯冢靈臺今成陽城西二里有堯陵陵南一里有堯母

慶都陵於城爲西南稱曰靈臺

案近刻  
訛作都

鄉曰崇仁邑號修義皆立廟四周列水潭而不流水澤通泉泉

不耗竭至豐魚笱不敢採捕前並列數碑栝柏數株檀馬成林二陵南北列馳道逕通皆以磚砌之尙

修整堯陵東城西五十餘步中山夫人祠堯妃也石壁階墀仍舊南西北三面長櫟聯蔭扶疎里餘中

山夫人祠南有仲山甫冢冢西有石廟羊虎傾低破碎略盡於城爲西南在靈臺之東北按郭緣生述

征記自漢迄晉二千石及丞尉多刊石述敘堯卽位至永嘉三年二千七百二十有一載記於堯妃祠

案近刻  
脫祠字

見漢建寧五年五月

案五年近刻  
訛作四年

成陽令管遵所立碑文云堯陵北仲山甫墓南

案近刻  
脫仲字

二冢

間有伍員祠案近刻  
脫有字晉大安中立一碑是永興中建今碑祠並無處所又言堯陵在城南九里中山夫



人祠。在城南二里。東南六里。堯母慶都冢。堯陵北二里。有仲山甫墓。考地驗狀。咸爲疎僻。蓋聞疑書疑耳。雷澤西南十許里。有小山。孤立峻上。亭亭傑峙。謂之歷山。山北有小阜。南屬池澤之東北。案池近刻

有陶墟。緣生言舜耕陶。所在墟阜。聯屬濱帶。瓠河也。鄭玄曰。歷山在河東。今有舜井。皇甫謐或言今濟

陰歷山是也。與雷澤相比。余謂鄭玄之言爲然。故揚雄河水賦曰。登歷觀而遙望兮。聊浮游於河之巖。

今雷首山西枕大河。校之圖緯。於事爲允。士安又云。定陶西南陶丘。舜所陶處也。案近刻脫所陶處三字。不言在

此。緣生爲失瓠河之北。卽廩丘縣也。王隱晉書地道記曰。廩丘者。春秋之所謂齊邑矣。實表東海者也。

竹書紀年。晉烈公十一年。田悼子卒。田布殺其大夫公孫孫。案近刻脫一孫字。公孫會以廩丘叛於趙。案近刻脫會字

田布圍廩丘。翟角趙孔屠韓師救廩丘。及田布戰於龍澤。田師敗遁。案近刻脫田布敗遁。是也。瓠河與濮水俱

東流。經所謂過廩丘爲濮水者也。縣南瓠北。有羊角城。春秋傳曰。烏餘取衛羊角。案近刻脫烏餘二字。衛訛作晉。遂襲

我高魚。有大雨自竇入。介於其庫。案近刻脫於字。登其城。克而取之者也。京相璠曰。衛邑也。今東郡廩丘縣南

有羊角城。高魚。魯邑也。案此五字近刻訛作今魯邑也四字。今廩丘東北。有故高魚城。俗謂之交魚城。謂羊角爲角。逐城

皆非也。瓠河又逕陽晉城南。史記蘇秦說齊曰。過衛陽晉之道。逕於亢父之險者也。今陽晉城在廩丘

城東南十餘里。與都關爲左右也。張儀曰。秦下甲攻衛陽晉。大關天下之匈。徐廣史記音義云。關一作

開。東之亢父。則其道矣。瓠河之北。又有郟都城。案漢書今本作城都。春秋隱公五年。案近刻訛作三年。郟侵衛。京相璠曰。

東郡廩丘縣南三十里。有郟都故城。案近刻說作有故郟都地。地理志曰山陽鄉也。十二字。褚先生曰：漢封金安上爲侯國。案史記今本金

安上所封。國作都成。王莽更名之曰城穀者也。瓠河又東逕黎縣故城南。王莽改曰黎治矣。孟康曰：今黎陽也。薛

瓚言：按黎陽在魏郡，非黎縣也。案近刻說作非此黎陽也。世謂黎侯城。昔黎侯寓於衛。案黎侯下近刻衍陽字。詩所謂胡爲乎

泥中。毛云：泥中邑名，疑此城也。土地汙下，城居小阜。魏漢陽郡治也。瓠河又東逕厓縣故城南。案厓原本及近

刻並訛作稭。說文云：厓從广，秝聲。濟陰有厓縣，今改正。地理志：濟陰之屬縣也。褚先生曰：漢武帝封金日磾爲侯國。王莽之萬歲

矣。世猶謂之爲萬歲亭也。瓠河又東逕鄆城南。春秋左傳：成公十六年，公自沙隨還，待於鄆。京相璠曰：

公羊作運字。今東郡廩丘縣東八十里，有故運城，卽此城也。

又北過東郡范縣東北，爲濟渠，與將渠合。

瓠河自運城東北逕范縣，與濟濮枝渠合。故渠上承濟瀆於乘氏縣。北逕范縣，左納瓠瀆，故經有濟渠

之稱。又北，與將渠合。案近刻脫此二字。渠受河於范縣西北，東南逕秦亭南。杜預釋地曰：案近刻脫此二字。東平范縣西

北，有秦亭者也。案近刻脫此二字。又東南逕范縣故城南。王莽更名建陸也。漢興，平中靳允爲范令。曹太祖東征

陶謙於徐州，張邈迎呂布，郡縣響應。程昱說允曰：君必固范，我守東阿，田單之功可立。案近刻脫此二字。卽斯

邑也。將渠又東會濟渠，自下通謂之將渠。北逕范城東，俗又謂之趙溝，非也。

又東北過東阿縣東。

瓠河故瀆。又東北左合將渠。枝瀆上承將渠於范縣。案近刻脫枝瀆二字。東北逕范縣北。又東北逕東阿城

南而東入瓠河。故瀆又北逕東阿縣故城東。春秋經書冬及齊侯盟於柯。左傳曰冬盟於柯。始及齊平。

杜預曰東阿卽柯邑也。按國語曹沫挾匕首劫齊桓公返。遂邑於此矣。

又東北過臨邑縣西。又東北過在平縣東爲鄧里渠。

自宣防已下。將渠已上。無復有水。將渠下水首受河。自北爲鄧里渠。

又東北過祝阿縣爲濟渠。

河水自四瀆口出爲濟水。案原本及近刻並訛作自泗口出。考濟水注云河水自四瀆口東北流而爲

卽此今濟水二瀆合而東注於祝阿也。案濟水二瀆四字有舛誤。考河水注云濟水受河始自是出。東

故濟瀆合然則二瀆當是故瀆之訛

又東北至梁鄒縣西分爲二。

脈水尋梁鄒濟無二流。蓋經之誤。

其東北者爲濟河。其東者爲時水。又東北至濟西。濟河東北入於海。時水東至臨淄縣西。屈南過太山華

縣東。又南至費縣。東入於沂。

時卽郚水也。音而。春秋襄公三年齊晉盟於郚者也。京相璠曰今臨淄。惟有瀆水西北入濟。案近刻訛

卽地理志之如水矣。案之近刻訛作曰。形如聲相似。然則澧水卽郚水也。蓋以澧與時合得通稱矣。時水自西

安城西南分爲二水。枝津別出。西流。德會水注之。水出昌國縣黃山西。北流。逕昌國縣故城南。昔樂毅

攻齊有功。燕昭王以是縣封之。爲昌國君。德會水又西北五里。泉水注之。水出縣南黃阜。北流。逕城西

北入德會。又西北。世謂之滄浪溝。又北流。注時水。地理志曰。德會水出昌國西北。至西安入如是也。案

近刻訛。時水又西。逕東高苑城中。而西注也。俗人遏令側城南注。又屈逕其城南。案近刻脫逕字。史記漢文帝

十五年分齊爲膠西王國。都高苑。案近刻訛作邑。徐廣音義曰。樂安有高苑城。故俗謂之東高苑也。案近刻脫高字。其

水又北注故瀆。又西。蓋野溝水注之。源導延鄉城東北。平地出泉。西北逕延鄉城北。地理志。千乘有延

鄉縣。世人謂故城爲從城。延從字相似。讀隨字改。所未詳也。西北流。世謂之蓋野溝。又西北流。逕高苑

縣北。注時水。時水又西。逕西高苑縣故城南。漢高帝六年。封丙倩爲侯國。王莽之常鄉也。其水側城西

注。京相璠曰。今樂安博昌縣南界。有時水。西通濟。其源上出盤陽。案源上近刻訛作上源。北至高苑。下有死時。中

無水。杜預亦云。時水於樂安。枝流旱則竭涸。案近刻作耗。爲春秋之乾時也。左傳莊公九年。齊魯戰地。魯師

敗處也。時水西北至梁鄒城。入於濟。非濟入時。蓋時來注濟。若濟分東流。明不得以時爲名。尋時濟更

無別流。南延華費之所。斯爲謬矣。

汶水出泰山萊蕪縣原山西南。過其縣南。案其原本及近刻並訛作瀛。蓋後人因注內言汶水又西南逕瀛縣故城南。遂憑臆妄改。考注云。故不得過其縣南也。此句乃

舉經文之  
誤今訂正。

萊蕪縣在齊城西南原山。又在縣西南六十許里。地理志。汶水與淄水俱出原山西南入濟。故不得過其縣南也。從征記曰。汶水出縣西南流。又言自入萊蕪谷。夾路連山百數里。水陸多行石澗中。出藥草。案近刻訛作草藥。饒松柏。林蒼綿濛。崖壁相望。或傾岑阻徑。或迴巖絕谷。清風鳴條。山壑俱響。凌高降深。兼惴慄之懼。危蹊斷徑。案近刻脫斷字。過懸度之艱。未出谷十餘里。有別谷在孤山。谷有清泉。泉上數丈。有石穴二口。容人行入。穴丈餘。高九尺許。廣四五丈。言是昔人居山之處。薪爨煙墨。猶存谷中。林木緻密。行人鮮有能至矣。又有少許山田。引灌之蹤尚存。出谷有平丘。面山傍水。土人悉以種麥。云此丘不宜殖稷黍。而宜麥。齊人相承以殖之。意謂麥丘所栖愚公谷也。何其深沈幽翳。可以託業怡生如此也。余時逕此。爲之躊躇。爲之屢眷矣。余按麥丘愚公。在齊川谷。猶傳其名。不在魯。案此三字近刻訛在川谷上。蓋誌者之謬耳。汶水又西南逕羸縣故城南。春秋左傳桓公三年。公會齊侯於羸。成婚於齊也。

又西南過奉高縣北。案西近刻訛作東。

奉高縣。漢武帝元封元年立。以奉泰山之祀。泰山郡治也。案近刻脫之祀泰山四字。縣北有吳季札子墓。在汶水南曲中。季札之聘上國也。喪子於羸博之間。卽此處也。從征記曰。羸縣西六十里。有季札兒冢。冢圓。其高可隱也。前有石銘一所。漢末奉高令所立。無所述敘。標誌而已。自昔恆獨民戶灑掃之。今不能。然碑石

糜碎靡有遺矣。惟故趺存焉。案近刻脫故字。

屈從縣西南流。

汶出牟縣故城西南阜下。俗謂之胡盧堆。淮南子曰：汶出弗其。高誘曰：山名也。或斯阜矣。案近刻作也。牟縣

故城在東北。古牟國也。春秋時牟人朝魯。故應劭曰：魯附庸也。俗謂是水為牟汶也。又西南逕奉高縣

故城西。案近刻訛作而。西南流注於汶。汶水又南。右合北汶水。水出分水溪。源與中川分水。東南流逕泰山東

右合天門下溪水。案近刻脫合字。水出泰山天門下谷。東流。古者帝王升封。咸憩此水。水上往往有石竅存焉。

蓋古設舍所跨處也。馬第伯書云：光武封泰山。第伯從登山。去平地二十里。南向極望無不覩。其為高

也。如視浮雲。其峻也。石壁竇窾。如無道徑。遙望其人。或為白石。或雪。久之白者移過。乃知是人。案近刻脫此二字。

十四仰視巖石松樹鬱鬱蒼蒼。如在雲中。俯視溪谷碌碌。不可見丈尺。案近刻脫見字。直上七里天門。案七下

十字。仰視天門。如從穴中視天矣。應劭漢官儀云：泰山東南山頂名曰日觀。日觀者。案近刻脫二字。雞一鳴時

見日始欲出。長三丈許。故以名焉。其水自溪而東。濬波注壑。東南流逕龜陰之田。案田字近刻訛在下句龜字下。龜山

在博縣北十五里。昔夫子傷政道之陵遲。案此下近刻衍故字。望山而懷操。故琴操有龜山操焉。山北即龜陰之

田也。春秋定公十年。齊人來歸龜陰之田是也。又合環水。水出泰山南溪。南流歷中下兩廟間。案下近刻訛作

階。從征記曰：泰山有下中上三廟。牆闕嚴整。廟中柏樹夾兩階。大二十餘圍。蓋漢武所植也。赤眉嘗斫

一樹見血而止。今斧創猶存。門閣三重。樓榭四所。三層壇一所。高丈餘。廣八尺。樹前有大井。極香冷。異

於凡水。不知何代所掘。不常浚。深而水旱不減。庫中有漢時故樂器。及神車木偶。皆靡密巧麗。又有石

虎。建武十三年。案虎近刻永貴侯張余上金馬一匹。高二尺餘。形制甚精。中廟去下廟五里。屋宇又崇

麗。於下廟。廟東西夾澗。上廟在山頂。卽封禪處也。其水又屈而東流。案此下近刻衍又東南逕明堂下。

案近刻作又東南漢武帝元封元年。封泰山。降坐明堂。於山之東北。武帝以古處險狹而不顯也。欲

治明堂於奉高傍。而未曉其制。濟南人公玉帶上黃帝時明堂圖。圖中有一殿。四面無壁。以茅蓋之。通

水。圓宮垣爲複道。上有樓。從西南入。名曰崑崙。天子從之入。以拜祀上帝焉。於是上令奉高作明堂於

汶上。案近刻如帶圖也。古引水爲辟。雖處基。瀆存焉。世謂此水爲石汶。山海經曰。環水出泰山。東流注

於汶。案近刻卽此水也。環水又左入於汶水。汶水數川合注。案近刻脫又西南流。逕徠山。西。山多松

柏。詩所謂徠之松也。廣雅曰。道梓松也。抱朴子稱玉策記曰。千歲之松。中有物。或如青牛。或如青犬。

或如人。皆壽萬歲。又稱天陵有偃蓋之松也。所謂樓松也。魯連子曰。松樞高十仞而無枝。案十近刻非

愛正室之無柱也。案正室近刻王爾雅曰。松葉柏身曰樞。鄒山記曰。徠山在梁甫。奉高博三縣

界。猶有美松。亦曰尤徠之山也。赤眉渠師樊崇所保也。案保近刻故崇自號尤徠三老矣。山東有巢父

廟。案近刻山高十里。山下有陂水。方百許步。三道流注。一水東北沿溪而下。屈逕縣南。西北流入於汶。

一水北流歷澗。西流入於汶。一水南流。逕陽關亭南。春秋襄公十七年。逆藏紇自陽關者也。又西流入於汶水也。

過博縣西北。

汶水南逕博縣故城東。春秋哀公十一年。會吳伐齊。取博者也。案近刻脫齊取二字。灌嬰破田橫於城下。屈從其

城南西流。不在西北也。汶水又西南逕龍鄉故城南。春秋成公二年。齊侯圍龍。龍囚。頃公嬖人盧蒲就

魁。殺而膊諸城上。齊侯親鼓取龍者也。漢高帝八年。封謁者陳畧爲侯國。汶水又西南逕亭亭山東。黃

帝所禪也。山有神廟。水上有石門。舊分水。下漑處也。汶水又西南逕陽關故城西。本鉅平縣之陽關亭

矣。案此下近刻有春秋襄公十七年逆藏紇自陽關者矣十五字係重出衍文。陽虎據之以叛。伐之。虎焚萊門而奔齊者也。汶水又南。左會

淄水。水出泰山。梁父縣東西南流。逕菟裘城北。春秋隱公十一年。營之。公謂羽父曰。吾將歸老焉。故郡

國志曰。梁父有菟裘聚。淄水又逕梁父縣故城南。縣北有梁父山。開山圖曰。泰山在左。亢父在右。亢父

知生。梁父主死。王者封泰山。禪梁父。故縣取名焉。淄水又西南逕柴縣故城北。地理志。泰山之屬縣也。

世謂之柴汶矣。淄水又逕郈縣北。案近刻脫縣字。漢高帝六年。封董濞爲侯國。春秋齊師圍郈。郈人伐齊。飲馬

於斯水也。昔孔子行於郈之野。遇榮啓期。於是衣鹿裘。被髮。琴歌三樂之歡。夫子善其能寬矣。淄水又

西逕陽關城南。西流注於汶水。汶水又南逕鉅平縣故城東。而西南流。城東有魯道。詩所謂魯道有蕩。



齊子由歸者也。今汶上夾水有文姜臺。汶水又西南流。詩云：汶水滔滔矣。淮南子曰：貉渡汶則死。天地之性，倚伏難尋，固不可以情理窮也。汶水又西南逕魯國汶陽縣北。王莽之汶亭也。縣北有曲水亭。案亭上近刻。春秋桓公十二年，經書公會杞侯莒子，盟於曲池。左傳曰：平杞莒也。故杜預曰：魯國汶陽縣北，有曲水亭。漢章帝元和二年，案近刻，詠三年。東巡泰山，立行宮於汶陽，執金吾耿恭屯於汶上，城門基壘存焉。案城門二字，近刻，詠在於字上。世謂之闕陵城也。汶水又西逕汶陽縣故城北而西注。案近刻，脫四字。

又西南過蛇丘縣南

汶水又西，洸水注焉。又西逕蛇丘縣南。縣有鑄鄉城。案近刻，詠作縣，治鑄鄉故城。春秋左傳：宣叔娶於鑄。案此下，衍是也二字。

杜預曰：濟北蛇丘縣所治鑄鄉城者也。案左傳集解，無鑄鄉城三字。

又西南過剛縣北。案近刻，剛詠作岡。

地理志：剛，故闡也。案近刻，剛詠作鄉。王莽更之曰柔。應劭曰：春秋經書齊人取謹及闡，今闡亭是也。案近刻，脫今闡二字。

杜預春秋釋地曰：闡在剛縣北。剛城東有一小亭，今剛縣治。俗人又謂之闡亭。案近刻，詠作闡亭。京相璠曰：剛

縣西四十里有闡亭，未知孰是。汶水又西，蛇水注之。水出縣東北泰山西南流，逕汶陽之田，齊所侵也。

自汶之北，平暢極目，僖公以賜季友。蛇水又西南逕鑄城西。左傳所謂蛇淵圍也。故京相璠曰：今濟北

有蛇丘城，城下有水魯園也。俗謂之濁須水，非矣。蛇水又西南逕夏暉城南。經書公會齊侯於下，謹是

也。今俗謂之夏暉城。蓋春秋左傳桓公三年公子翬如齊。齊侯送姜氏於下。謹非禮也。案近刻也。世有夏暉之名矣。蛇水又西南入汶。汶水又西。溝水注之。水出東北馬山。西南流。逕棘亭南。春秋成公三年。經書秋。叔孫僑如帥師圍棘。左傳曰。取汶陽之田。棘不服。圍之。南去汶水八十里。又西南逕遂城東。地理志曰。蛇丘遂鄉。故遂國也。春秋莊公十三年。齊滅遂。而戍之者也。京相璠曰。遂在蛇丘東北十里。杜預亦以爲然。然縣東北無城。以擬之。今城在蛇丘西北。蓋杜預傳疑之。非也。又西逕下謹城西。而入汶水。汶水又西逕春亭北。考古無春名。惟平陸縣有崇陽亭。然是亭東去剛城四十里。案近刻脫亭字。推璠所注則符。並所未詳也。

又西南過東平章縣南。案原本及近刻並脫東字。今補。

地理志曰。東平國故梁也。景帝中六年。案中下近刻衍和字。別爲濟東國。武帝元鼎元年。爲大河郡。宣帝甘露二年。爲東平國。王莽之有鹽也。案近刻也。上衍城字。章縣。按世本任姓之國也。齊人降章者也。故城。案近刻脫城字。在無鹽縣東北五十里。案縣近刻訛作城。汶水又西南。有泌水注之。水出肥成縣東白原。案近刻訛作肥。縣東北自潭。西南流。逕肥成縣故城南。樂正子春謂其弟子曰。子適齊過肥。肥有君子焉。左逕句窰亭北。章帝元和二年。鳳凰集肥。成句窰亭。復其租而巡泰山。卽是亭也。泌水又西南逕富成縣故城西。王莽之成富也。其水又西南流。注於汶。汶水又西南逕桃鄉縣故城西。王莽之鄆亭也。世以此爲鄆城。非蓋因巨新之故目耳。

又西南過無鹽縣南。又西南過壽張縣北。又西南至安民亭。入於濟。

汶水自桃鄉四分。當其派別之處。謂之四汶口。其左二水雙流。西南至無鹽縣之郕鄉城南。郕昭伯之

故邑也。案郕昭伯近刻說。禍起鬪雞矣。案起近刻。春秋左傳定公十二年。叔孫氏墮郕。今其城無南面。

汶水又西南逕東平陸縣故城北。應劭曰。古厥國也。案近刻。脫國字。今有厥亭。汶水又西逕危山南。世謂之龍

山也。漢書宣元六王傳曰。案近刻。說作漢。書五行志曰。哀帝時。無鹽危山土自起覆草。如馳道狀。又瓠山石轉立。晉

灼曰。漢注作報山。山脅石一枚。轉側起立。高九尺六寸。旁行一丈。廣四尺。案晉灼曰至此乃注文。東平

王雲及后謁曰。漢世石立。宣帝起之表也。案近刻。脫曰字。世說作書表。說作象。又此十字。說在下國除之下。自之石所祭。治石象報山

立石。東倍草。并祠之。建平三年。息夫躬告之。王自殺。后謁棄市。國除。汶水又西。合爲一水。西南入茂都

淀。淀。陂水之異名也。淀水西南出。謂之巨野溝。又西南逕致密城南。郡國志曰。須昌縣有致密城。古中

都也。案近刻。說作城。卽夫子所宰之邑矣。制養生送死之節。長幼男女之禮。路不拾遺。器不彫僞矣。巨野溝又

西南入桓公河北。水西出淀。謂之巨良水。西南逕致密城北。西南流注洪濱。次一汶。西逕郕亭北。又西

至壽張故城東。瀦爲澤渚。案瀦近刻。說作遂。初平三年。曹公擊黃巾於壽張東。鮑信戰死於此。其右一汶。西流。

逕無鹽縣之故城南。舊宿國也。齊宣后之故邑。所謂無鹽醜女也。漢武帝元朔四年。封城陽共王子劉

慶爲東平侯。卽此邑也。王莽更名之曰有鹽亭。汶水又西逕郕鄉城南。案郕原本及近刻。並說作洽。下同。今據漢書改正。地理

志所謂無鹽有郿鄉者也。汶水西南流。逕壽張縣故城北。春秋之良縣也。縣有壽聚。漢曰壽良。應劭曰。世祖叔父名良。案父近刻訛作母故光武改曰壽張也。建武十二年。案近刻訛作十五年世祖封樊宏爲侯國。汶水又西南。長直溝水注之。水出須昌城東北。穀陽山。南逕須昌城東。又南。漆溝水注焉。水出無鹽城東北。五里阜山下。西逕無鹽縣故城北。水側有東平憲王倉冢。碑闕存焉。元和二年。案近刻訛作三年章帝幸東平。祀以太牢。親拜祠坐。賜御劍於陵前。其水又西流。注長直溝。水奇分爲二。一水西逕須昌城南。入濟。案近作浦一水南流。注於汶。汶水又西流入濟。故淮南子曰。汶出弗其。西流合濟。高誘云。弗其。山名。在朱盧縣東。余按誘說。是乃東汶。非經所謂入濟者也。蓋其誤證耳。

卷二十五

泗水 沂水 洙水

泗水出魯卞縣北山。

地理志曰。出濟陰乘氏縣。又云出卞縣北。經言北山。皆爲非矣。山海經曰。泗水出魯東北。余昔因公事。沿歷徐沈。路逕洙泗。因令尋其源流。水出卞縣故城東南。桃墟西北。春秋昭公七年。謝息納季孫之言。以孟氏成邑與晉而遷於桃。杜預曰。魯國卞縣東南。有桃墟。世謂之曰陶墟。舜所陶處也。案近刻脫陶字井曰。

舜井皆爲非也。墟有漏澤。案漏近刻方十五里。淥水激淳。三丈如減。澤西際阜。俗謂之媯亭山。蓋有陶

墟。舜井之言。因復有媯亭之名矣。阜側有三石穴。案側近刻廣圓三四尺。穴有通否。水有盈漏。漏則數

夕之中。案近刻脫一漏字。又傾陂竭澤矣。左右民居。識其將漏。預以木爲曲洑。案近刻約障穴口。魚鼈

暴鱗。不可勝載矣。自此連岡通阜。西北四十許里。岡之西際。便得泗水之源也。博物志曰。泗出陪尾。蓋

斯阜者矣。石穴吐水。五泉俱導。泉穴各徑尺餘。水源南側有一廟。栝柏成林。時人謂之原泉祠。案人近

則非所究也。泗水西逕其縣故城南。春秋襄公二十九年。案近刻季武子取卞。曰。聞守卞者將叛。臣率

徒以討之。是也。南有姑蔑城。春秋隱公元年。公及邾儀父盟於蔑者也。水出二邑之間。西逕郟城北。春

秋文公七年。經書公伐邾。三月甲戌。取須句。遂城郟。杜預曰。魯邑也。卞縣南有郟城。備邾難也。泗水自

卞而會於洙水也。

### 西南過魯縣北。

泗水又西南流。逕魯縣分爲二流。水側有一城。爲二水之分會也。北爲洙瀆。春秋莊公九年。經書冬浚

洙。京相璠服虔杜預。案近刻脫服虔二字並言洙水在魯城北。浚深之爲齊備也。南則泗水。夫子教於

洙泗之間。今於城北二水之中。卽夫子領徒之所也。從征記曰。洙泗二水。交於魯城東北十七里。闕里

背洙面泗。案近刻脫面字。又此句之下。衍牆字。南北百二十步。東西六十步。四門各有石闕。北門去洙水百步餘。後漢初。

闕里荆棘自闕從講堂至九里鮑永爲相因修饗祠以誅魯賊彭豐等郭緣生言泗水在城南非也余按國語宣公夏濫於泗淵里革斷罟棄之韋昭云泗在魯城北史記冢記王隱地道記咸言葬孔子於魯城北泗水上今泗水南有夫子冢春秋孔演圖曰烏化爲書孔子奉以告天赤爵銜書上化爲黃玉刻曰孔提命作應法爲赤制說題辭曰孔子卒以所受黃玉葬魯城北卽子貢廬墓處也譙周云孔子死後魯人就冢次而居者百有餘家命曰孔里孔叢曰案孔叢下近刻有子字係後人妄加夫子墓塋方一里在魯城北六里泗水上諸孔氏封五十餘所人名昭穆不可復識有銘碑三所獸碣具存皇覽曰弟子各以四方奇木來植故多諸異樹不生棘木刺草今則無復遺條矣泗水自城北南逕魯城西南合沂水沂水出魯城東南尼丘山西北山卽顏母所祈而生孔子也山東十里有顏母廟山南數里孔子父葬處禮所謂防墓崩者也平地發泉流逕魯縣故城南水北東門外卽爰居所止處也國語曰海鳥曰爰居止於魯城東門之外三日臧文仲祭之展禽譏焉故莊子曰海鳥止郊魯侯觴之奏以廣樂具以太牢三日而死此養非所養矣門郭之外亦戎夷死處呂氏春秋曰昔戎夷違齊如魯天大寒而後門與弟子宿於郭門外寒愈甚謂弟子曰子與我衣我活我與子衣子活我國士也爲天下惜子不肖人不足愛弟子曰不肖人惡能與國士并衣哉戎歎曰不濟夫解衣與弟子半夜而死沂水北對稷門昔圉人塋有力能投蓋於此門服虔曰能投千鈞之重過門之上也杜預謂走接屋之楨反覆門上也春秋僖公二

十年經書春新作南門左傳曰書不時也杜預曰本名稷門僖公更高大之今猶不與諸門同改名高

門也案改近刻作故其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙

臯比而出者也門南隔水有雩壇壇高三丈曾點所欲風舞處也高門一里餘道西有道兒君碑是魯

相陳君立昔曾參居此臯不入郭縣即曲阜之地少昊之墟有大庭氏之庫春秋豎牛之所攻也故劉

公幹魯都賦曰戢武器於有炎之庫放戎馬於巨野之垆周成王案近刻說作武王封姬旦於曲阜曰魯秦始

皇二十三年以爲薛郡漢高后元年爲魯國阜上有季氏宅宅有武子臺今雖崩夷猶高數丈臺西百

步有大井廣三丈深十餘丈以石壘之石似磬制案近刻似說作以春秋定公十二年公山不狃帥費人攻魯

案近刻脫人字公入季氏之宮登武子之臺也臺之西北二里有周公臺高五丈周五十步臺南四里許則孔

廟即夫子之故宅也宅大一頃所居之堂後世以爲廟漢高祖十三年過魯以太牢祀孔子自秦燒詩

書經典淪缺漢武帝時魯恭王壞孔子舊宅得尙書春秋論語孝經時人已不復知有古文謂之科斗

書漢世祕之案世近刻作時希有見者於時聞堂上有金石絲竹之音乃不壞案近刻此下衍矣字廟屋三間夫子在西

間東向案問近刻說作面顏母在中間南面夫人隔東一間東向夫子牀前有石硯一枚作甚朴云平生時物

也魯人藏孔子所乘車於廟中是顏路所請者也獻帝時廟遇火燒之永平中鍾離意爲魯相到官出

私錢萬三千文付戶曹孔詵治夫子車身入廟拭几席劍履男子張伯除堂下草土中得玉璧七枚伯

懷其一以六枚白意。意令主簿安置几前。孔子寢堂牀首有懸甕。意召孔訢問何等甕也。對曰。夫子甕也。背有丹書。人勿敢發也。意曰。夫子聖人。所以遺甕。欲以懸示後賢耳。發之中得素書。文曰。後世修吾書。董仲舒護吾車。拭吾履。發吾笥。會稽鍾離意。壁有七張。伯藏其一。意卽召問。伯果服焉。魏黃初元年。

案近刻訛作二年。

文帝令郡國修起孔子舊廟。置百石吏卒。

案石近刻訛作夫。

廟有夫子像。列二弟子。執卷立侍。穆穆

有詢仰之容。漢魏以來。廟列七碑。二碑無字。枯柏猶茂。廟之西北二里有顏母廟。廟像猶嚴。有修枯五株。孔廟東南五百步。有雙石闕。卽靈光之南闕。北百餘步。卽靈光殿基。東西二十四丈。南北十二丈。高丈餘。東西廊廡別舍。中間方七百餘步。闕之東北有浴池。方四十許步。池中有釣臺。方十步。臺之基岸悉石也。案此七字近刻訛作池臺悉石也五字。遺基尙整。故王延壽賦曰。周行數里。仰不見日者。是漢景帝程姬子魯恭王之所造也。殿之東南卽泮宮也。在高門直北道西。宮中有臺。高八十尺。臺南水東西百步。南北六十步。臺西水南北四百步。東西六十步。臺池咸結石爲之。詩所謂思樂泮水也。沂水又西。逕園丘北。丘高四丈餘。沂水又西流。昔韓雉射龍於斯水之上。尸子曰。韓雉見申羊於魯。有龍飲於沂。韓雉曰。吾聞之。案近刻訛作也。出見虎搏之。見龍射之。今弗射。是不得行吾聞也。遂射之。沂水又西。右注泗水也。案近刻訛也。上衍者字。

又西過瑕丘縣東。屈從縣東南流。灑水從東來注之。

瑕丘魯邑。春秋之負瑕矣。哀公七年。季康子伐邾。囚諸負瑕。是也。應劭曰。瑕丘在縣西南。昔衛大夫公



叔文子升於瑕丘。遷伯玉從文子曰：樂哉斯丘，死則我欲葬焉。伯玉曰：吾子樂之，則瑗請前刺其欲害

民良田也。瑕丘之名，蓋因斯以表稱矣。曾子弔諸負夏，鄭玄皇甫謐並言衛地。魯衛雖殊，土則一也。灑

水出東海合鄉縣。漢安帝永初七年，案近刻訛作和封馬光子朗爲侯國。案近刻其水西南流入邾，案

邾二字，有舛誤。春秋哀公二年，季孫斯伐邾，取灑東田及沂西田是也。灑水又逕魯國鄒山東南而西南流。春

秋左傳所謂嶧山也。邾文公之所遷，今城在鄒山之陽。案近刻依巖阻以墉固，故邾婁之國。曹姓也。叔

梁紇之邑也。孔子生於此，後乃縣之。因鄒山之名以氏縣也。王莽之鄒亭矣。京相璠曰：地理志嶧山在

鄒縣北，繹邑之所依以爲名也。案近刻山東西二十里，高秀獨出，積石相臨，殆無土壤。石間多孔穴，洞

達相通，往往有如數間屋處，其俗謂之嶧孔。遭亂，輒將家入嶧。案近刻外寇雖衆，無所施害。晉

永嘉中，案近刻太尉郗鑒將鄉曲保此山。案保近胡賊攻守不能得，今山南有大嶧，名曰郗公嶧。山北

有絕巖，秦始皇觀禮於魯，登於嶧山之上，命丞相李斯以大篆勒銘山嶺，名曰晝門。詩所謂保有鳧嶧

者也。案有近刻灑水又西南逕蕃縣故城南，又西逕薛縣故城北。地理志曰：夏車正奚仲之國也。竹書

紀年：梁惠成王三十一年，邳遷於薛，改名徐州。城南山上有奚仲冢。晉太康地記曰：案近刻奚仲冢在

城南二十五里山上，百姓謂之神靈也。齊封田文於此，號孟嘗君，有惠喻。今郭側猶有文冢，結石爲郭

作制，嚴固瑩麗可尋。行人往還，莫不逕觀以爲異見矣。灑水又西逕仲虺城北。晉太康地記曰：奚仲遷

於邳。仲虺居之以爲湯左相。其後當周爵稱侯。後見侵削。霸者所緝爲伯任姓也。應劭曰。邳在薛。徐廣史記音義曰。楚元王子郢客。案近刻脫客字以呂后二年封上邳侯也。有下。故此爲上矣。晉書地道記曰。仲虺城在薛城西三十里。澗水又西至湖陸縣。入於泗。案西下近刻衍逕字故京相璠曰。薛縣澗水首受蕃縣。西注山陽湖陸是也。經言瑕丘東誤耳。

又南過平陽縣西。

縣卽山陽郡之南平陽縣也。竹書紀年曰。梁惠成王二十九年。齊田盼。案近刻作盼及宋人伐我東鄙。圍平陽者也。王莽改之曰。隄平矣。泗水又南逕故城西。世謂之漆鄉。應劭十三州記曰。漆鄉。邾邑也。杜預曰。平陽東北有漆鄉。案此下近刻衍灑字今見有故城。西南方二里。所未詳也。

又南過高平縣西。洸水從西北來。案西北近刻流注之。

泗水南逕高平山。山東西十里。南北五里。高四里。與衆山相連。其山最高。頂上方平。故謂之高平山。縣亦取名焉。泗水又南逕高平縣故城西。漢宣帝地節三年。封丞相魏相爲侯國。高帝七年。案近刻詎作八年封將軍陳錯爲囊侯。案錯原本及近刻並詎作錯。史記索隱音措。引三倉云。九江人名。鐵曰。錯不得爲錯。音拓。則蕪乃地理志。山陽之屬縣也。案近刻詎作地理志王莽改曰高平。應劭曰。章帝改。按本志曰。王莽改名。章帝因之矣。所謂洸水者。洸水也。蓋洸洸相入。互受通稱矣。案近刻脫互字

又南過方與縣東。

漢哀帝建平四年。縣女子田無嗇生子。先未生二月。兒啼腹中。及生不舉。葬之陌上。三日。人過聞啼聲。母掘養之。

荷水從西來注之。案荷近刻訛作荷。

荷水。卽濟水之所苞。注以成湖澤也。而東與泗水合於湖陵縣西六十里穀庭城下。俗謂之黃水口。黃水西北通巨野澤。蓋以黃水沿注於荷。故因以名焉。

又屈東南過湖陸縣南。涓涓水從東北來。流注之。

地理志。故湖陵縣也。案原本及近刻並訛作地理志。曰故湖陸縣也。今改正。荷水在南。王莽改曰湖陸。應劭曰。案此下原本及近

一名湖陵。章帝封東平王蒼子爲湖陸侯。更名湖陸也。案原本及近刻並訛作湖陸。故湖陵。章帝更

名。劉昭注云。前漢志。王莽改曰湖陸。章帝復其號。又郡國志。高平侯國。故棗。章帝更名湖陵。故湖陵。章帝更

志。王莽改曰高平。章帝復莽此號。蓋光武中興。凡莽所改。卽不行。用至章帝改湖陵爲湖陸。故湖陵。章帝更

平。偶與莽同。以莽不足道。故直曰章帝更名耳。光武永平二年。以棗湖陵益東平國。見光武十王列傳

注云。棗縣一名高平。其正文及注兩棗字。皆棗之訛。是光武時。仍前漢之舊。稱棗湖陵。章帝已後。則稱

高平湖陸也。今漢書地理志。山陽郡湖陵下。云禹貢浮於泗。淮通於河水。在南。莽曰湖陸。應劭曰。尚書

於荷二也。水在南。當作荷水。在南。三也。尚書二字。當在禹貢二字上。不當在應劭曰。四也。應劭時稱

起下文。有陵字。爲更名耳。五也。倉當作蒼。六也。爲湖陵侯。當作爲湖陸侯。七也。更名湖陵。當在山陽湖陵

引禹貫浮於淮泗達於荷而水經濟水內敘荷水云又東南過湖陸縣南東入於泗水道元注亦引尚書浮於淮泗達於荷今尚書本皆訛作達於河以尚書及前後漢書水經注互有舛誤彼此紛糾僅就一處訂正終難了微故備論之泗水又東逕郟鑿所築城北又東逕湖陵城東南昔桓溫之北入也范曄擒慕容忠於

此城東有度尙碑泗水又左會南梁水地理志曰水出蕃縣今縣之東北平澤出泉若輪焉發源成川

西南流分爲二水北水枝出西逕蕃縣北案近刻訛作北枝西逕滕城北春秋左傳隱公十一年滕侯

薛侯來朝爭長薛侯曰我先封滕侯曰我周之卜正也薛庶姓也我不可以後之公使羽父請薛侯曰

君辱在寡人周諺有之曰山有木工則度之賓有禮主則擇之周之宗盟異姓爲後寡人若朝於薛不

敢與諸任齒君若辱貶寡人則願以滕君爲請薛侯許之乃長滕侯者也漢高祖封夏侯嬰爲侯國號

曰滕公鄧晨曰今沛郡公丘也其水又溉於丘焉案於近刻訛作公縣故城在滕西北城周二十里內有子城

案近刻脫此九字按地理志卽滕也周懿王子錯叔繡文公所封也齊滅之秦以爲縣漢武帝元朔三年封魯

恭王子劉順爲侯國世以此水溉我良田遂及百秭故有兩溝之名焉南梁水自枝渠西南逕魯國蕃

縣故城東俗以南鄰於灑亦謂之西灑水南梁水又屈逕城南應劭曰縣古小邾邑也地理志曰其水

西流注於濟渠案濟近刻訛沛下同又脫渠字濟在湖陸西而左注泗泗濟合流故地記或言濟入泗泗亦言入濟互

受通稱故有入濟之文闕駟十三州志曰西至湖陸入泗是也經無南梁之名而有涓涓之稱案近刻

涓之水疑卽是水也戴延之西征記亦言湖陸縣之東南有涓涓水亦無記於南梁謂是吳王所道之

濱也。余按湖陸西南止，有水延之，蓋以國語云：吳王夫差起師，將北會黃池，掘溝於商魯之間，北屬之沂，西屬於濟，以是言之，故謂是水爲吳王所掘。案近刻脫謂字非也。余以水路求之，止有泗川耳。案有近刻蓋北達沂西，北逕於商魯而接於濟矣。案近刻無矣字吳所浚廣耳，非謂起自東北受沂，西南注濟也。假之有通，非吳所趣。年載誠眇，人情則近。案則近刻作劇以今忖古，益知延之不通情理矣。案益知近刻訛作知一泗水又南，溈水注之，又逕薛之上邳城西而南注者也。

又東過沛縣東

昔許由隱於沛澤，卽是縣也。縣蓋取澤爲名。宋滅屬楚，在泗水之濱。案在近刻訛作左於秦爲泗水郡治。黃水

注之，黃水出小黃縣黃鄉黃溝。國語曰：吳子會諸侯於黃池者也。黃水東流，逕外黃縣故城南。張晏曰：

魏郡有內黃縣，故加外也。薛瓚曰：縣有黃溝，故縣氏焉。圈稱陳留風俗傳曰：縣南有渠水，於春秋爲宋

之曲棘里，故宋之別都矣。春秋昭公二十五年，宋元公卒於曲棘是也。宋華元居於稷里，宣公十五年

楚鄭圍宋，晉解揚遠楚。案近刻揚遠訛作圍致命於此，宋人懼，使華元乘闔夜入楚師，登子反之牀，曰：寡君

使元以病告，弊邑易子而食，析骸以爨，城下之盟，所不能也。子反退一舍，宋楚乃平。今城東闔上，猶有

華元祠，祠之不輟。城北有華元冢，黃溝自城南東逕葵丘下。春秋僖公九年，齊桓公會諸侯於葵丘，宰

孔曰：齊侯不務德而勤遠略，北伐山戎，南伐楚，西爲此會，東略之不知，西則否矣。其在亂乎。案在近刻訛作有

君務靖亂無勤於行晉侯乃還卽此地也黃溝又東注大澤兼葭萑葦生焉案葦近卽世所謂大薺

也。陂水東北流。逕定陶縣南。又東逕山陽郡成武縣之楚丘亭北。案此十四字原本及近刻並截上六

下皆注內敘黃溝所逕不得承接經文泗水今改正。黃溝又東逕成武縣故城南。案東逕下近刻有郟城北

黃溝又東北逕郟城北。春秋桓公二年經書取郟大鼎於宋。戊申納於太廟。左傳曰宋督攻孔父而取

其妻殺殤公而立公子馮。以郟大鼎賂公。臧哀伯諫爲非禮。案哀近刻十三州志曰今成武縣東南有

郟城俗謂之北郟者也。黃溝又東逕平樂縣故城南。又東右合泡水卽豐水之上源也。水上承大薺陂

東逕貫城北。案貫近刻又東逕已氏縣故城北。王莽之已善也。縣有伊尹冢。崔駰曰殷帝沃丁之時。案

刻重一伊尹卒葬於薄。皇覽曰伊尹冢在濟陰已氏平利鄉。皇甫謐曰伊尹年百餘歲而卒。大霧三日

沃丁葬以天子之禮。親自臨喪以報大德焉。又東逕孟諸澤。杜預曰澤在梁國睢陽縣東北。又東逕郟

成縣故城南。案近刻脫又東二地理志山陽縣也。王莽更名之曰告成矣。案告成近刻故世有南部北

郟之論也。又東逕單父縣故城南。案近刻昔宓子賤之治也。孔子使巫馬期觀政。入其境見夜漁者問

曰子得魚輒放何也。曰小者吾大夫欲長育之故也。子聞之曰誠彼形此子賤得之善矣。惜哉不齊所

治者小也。王莽更名斯縣爲利父矣。案近刻父世祖建武十三年封劉茂爲侯國。又東逕平樂縣。右合

泡水。水上承睢水於下邑縣界。案睢近刻東北注一水上承睢水於杼秋縣界。北流世又謂之瓠盧

溝水積爲渚。渚水東北流。二渠雙引。左合澧水。俗謂之二泡也。自下澧泡。並得通稱矣。故地理志曰。平樂侯國也。泡水所出。又逕豐西澤。案近刻謂之豐水。漢書稱高祖送徒麗山。徒多亡。到豐西澤。有大蛇當徑。拔劍斬之。此卽漢高祖斬蛇處也。又東逕大堰。案近刻作傷。水分爲二。又東逕豐縣故城南。王莽之吾豐也。水側城東北流。右合枝水。上承豐西大堰。派流東北。逕豐城北。東注澧水。澧水又東合黃水。時人謂之狂水。蓋狂黃聲相近。俗傳失實也。自下黃水。又兼通稱矣。水上舊有梁。謂之泡橋。王智深宋史云。宋太尉劉義恭於彭城。遣軍主稽玄敬北至城。覘候魏軍。魏軍於清西。望見玄敬士衆。魏南康侯杜道儁引趣泡橋。沛縣民逆燒泡橋。又於林中打鼓。儁謂宋軍大至。爭渡泡水。水深酷寒。凍溺死者殆半。清水卽泡水之別名也。案泡近刻作泗。沈約宋書稱魏軍欲渡清西。非也。泡水又東逕沛縣故城南。秦末兵起。蕭何曹參迎漢祖於此城。高帝十一年。封合陽侯劉仲子爲侯國。城內有漢高祖廟。廟前三碑。後漢立廟基。以青石爲之。階陛尙存。劉備之爲徐州也。治此。袁術遣紀靈攻備。備求救呂布。布救之。屯小沛。招靈請備共飲。布謂靈曰。玄德布弟也。布性不喜合鬪。但喜解鬪。乃植戟於門。布彎弓曰。觀布射戟。小枝中者。當各解兵。不中可留決鬪。一發中之。遂解。此卽布射戟枝處也。述征記曰。城極大。四周壘通豐水。豐水於城南東注泗。卽泡水也。地理志曰。泡水自平樂縣東北至沛。入泗者也。泗水南逕小沛縣東。縣治故城南坨上。案城近刻作泗。東岸有泗水亭。漢祖爲泗水亭長。卽此亭也。故亭今有高祖廟。案近刻脫祖字。廟

前有碑。延熹十年立。廟闕崩。略無全者。水中有故石梁處。遺石尙存。高祖之破鯨布也。過之。置酒沛宮。酒酣歌舞。慷慨傷懷。曰。遊子思故鄉也。泗水又東南流。逕廣戚縣故城南。漢武帝元朔元年。封劉擇爲侯國。案擇近刻。訛作澤。王莽更之曰力聚也。泗水又逕留縣。而南逕垞城東。城西南有崇侯虎廟。道淪遺愛。不知何因而遠有此圖。泗水又南逕宋大夫桓魋冢西。山枕泗水。案枕近刻。訛作抗。西上盡石。案西上近刻。訛作上而。鑿而爲冢。今人謂之石郭者也。郭有二重。石作工巧。夫子以爲不如死之速朽也。

又東南過彭城縣東北。

泗水西有龍華寺。是沙門釋法顯遠出西域。浮海東還。持龍華圖。首創此制。法流中夏。自法顯始也。其所持天竺二石。案竺近刻。訛作基。仍在南陸東基堪中。其石尙光潔可愛。泗水又南。獲水入焉。案獲原本及近。刻並訛作淮。今

改正。獲水入泗。見卷二十三。汲水內。而南逕彭城縣故城東。周顯王四十二年。九鼎淪沒。泗淵。秦始皇時。而鼎見於斯水。

始皇自以德合三代。大喜。使數千人沒水求之。不得。所謂鼎伏也。亦云系而行之未出。龍齒齧斷其系。故語曰。稱樂大早。絕鼎系。當是孟浪之傳耳。泗水又逕龔勝墓南。墓碣尙存。又經亞父冢東。皇覽曰。亞父冢在廬江縣郭東。居巢亭中有亞父井。吏民親事。皆祭亞父於居巢廳上。後更造祠於郭東。至今祠之。按漢書項羽傳。歷陽人范增。未至彭城而發疽死。不言之居巢。今彭城南有項羽涼馬臺。案涼近刻。訛作涼。臺之西南山麓上。卽其冢也。增不慕范蠡之舉。而自絕於斯。可謂褊矣。推考書事。墓近於此也。案墓字。近刻訛。



在事  
字上。

又東南過呂縣南。

呂宋邑也。春秋襄公元年，晉師伐鄭及陳，楚子辛救鄭，侵宋，呂留是也。縣對泗水，漢景帝三年，有白頸鳥與黑鳥羣鬪於縣，白頸鳥不勝，墮泗水中，死者數千。京房易傳曰：逆親親厥妖，白黑鳥鬪時，有吳楚之反，泗水之上，有石梁焉，故曰呂梁也。昔宋景公以弓工之弓，彎弧東射，矢集彭城之東，飲羽於石梁，卽斯梁也。懸濤瀾濟，實爲泗險，孔子所謂魚鼈不能游，又云懸水三十仞，流沫九十里，今則不能也。蓋惟嶽之喻，未便極天明矣。晉太康地記曰：水出磬石，書所謂泗濱浮磬者也。泗水又東南流，丁溪水注之，溪水上承泗水於呂縣東南，流北帶廣隰，山高而注於泗川，泗水冬春淺澀，常排沙通道，是以行者多從此溪。卽陸機行思賦所云，案近刻脫機行思三字乘丁水之捷岸，排泗川之積沙者也。晉太元九年，左將軍謝玄於呂梁遣督護聞人爽，用工九萬，擁水立七挖，以利運漕者。案朱謀暉云：挖當作埭。

又東南過下邳縣西。

泗水歷縣，逕葛嶧山東，卽奚仲所遷邳嶧者也。泗水又東南逕下邳縣故城西，東南流，沂水流注焉。案流下近刻故東海屬縣也。應劭曰：奚仲自薛徙居之，故曰下邳也。漢徙齊王韓信爲楚王，都之，後乃縣焉。案近刻王莽之閏儉矣。案近刻東陽郡治，文穎曰：秦嘉東陽郡人。案近刻今下邳是也。晉灼曰：東陽縣本屬臨

淮郡明帝分屬下邳。後分屬廣陵。故張晏曰：東陽郡今廣陵郡也。漢明帝置下邳郡矣。城有三重。其大城中有大司馬石苞。案近刻脫大字鎮東將軍胡質。司徒王渾。監軍石崇。四碑。南門謂之白門。魏武擒陳宮於此處矣。中城呂布所守也。小城晉中興北中郎將荀羨。郗曇所治也。昔泰山吳伯武少孤。與弟文章相失二十餘年。遇於縣市。文章欲毆伯武。心神悲慟。因相尋問。案尋近刻作詢乃兄弟也。縣爲沂泗之會也。又有武原水。注之。水出彭城武原縣西北。會注陂南。逕其城西。王莽之和樂亭也。案近刻脫和字縣東有徐廟。山。因徐徙。卽以名之也。案卽以近刻訛作以卽山上有石室。徐廟也。武原水又南合武水。謂之泲水。南逕剛亭城。又南至下邳入泗。謂之武原水口也。又有桐水。出西北東海容丘縣東南。至下邳入泗。泗水東南逕下相縣故城東。案逕近刻訛作至王莽之從德也。城之西北有漢太尉陳球墓。墓前三碑。是弟子管寧。華歆等所造。初平四年。曹操攻徐州。破之。拔取慮。睢。陵。夏丘等縣。以其父避難。被害於此。屠其男女十萬。泗水爲之不流。自是數縣人無行跡。亦爲暴矣。泗水又東南得睢水口。泗水又逕宿預城之西。又逕其城南。故下邳之宿留縣也。王莽更名之曰康義矣。晉元皇之爲安東也。督運軍儲而爲邸閣也。魏太和中。南徐州治。後省爲戍。梁將張惠紹北入。水軍所次。憑固斯城。更增修郭塹。其四面引水環之。今城在泗水之中也。

又東南入於淮。

泗水又東逕陵柵南。西征記曰：舊陵縣之治也。泗水又東南逕淮陽城北。城臨泗水。案城字近刻昔晉丘訢飲馬斬蛟，眇目於此處也。泗水又東南逕魏陽城北。城枕泗川。陸機行思賦曰：行魏陽之枉渚，故無魏陽疑卽泗陽縣故城也。王莽之所謂淮平亭矣。蓋魏文帝幸廣陵，所由或因變之未詳也。泗水又東逕角城北，而東南流注於淮。考諸地說，或言泗水於睢陵入淮，亦云於下相入淮，皆非實錄也。

沂水出泰山蓋縣艾山。

鄭玄云：出沂山，亦或云臨樂山。水有二源。案二近刻南源所導，世謂之柞泉。北水所發。案北近刻俗謂

之魚窮泉，俱東南流，合成一川。右會洛預水。水出洛預山，東北流注之。沂水東南流。案近刻左合桑預

水。水北出桑預山，東注於沂水。沂水又東南，螳螂水入焉。水出魯山，東南流，右注沂水。沂水又東逕蓋

縣故城南，東會連綿之水。水發連綿山，南流逕蓋城東，而南入沂。沂水又東逕浮來之山。春秋經書公

及莒人盟於浮來者也。卽公來山也。在邳鄉西。故號曰邳來之間也。浮來之水注之。其水左控三川，右

會甘水，而注於沂。沂水又南逕爆山西。山有二峰，相去一里，雙巒齊秀，圓峙若一。沂水又東南逕東莞

縣故城西。案莞近刻與小沂水合。案近刻孟康曰：縣故鄆邑。案鄆近刻今鄆亭是也。漢武帝元朔

二年，封城陽共王子吉爲東莞侯。案子近刻魏文帝黃初中，立爲東莞郡。東燕錄謂之團城。劉武帝北

伐廣固，登之以望王難。案此二字有舛誤朱謀壻云：當作五龍。廣固有五龍，口見二十六卷。魏南青州治。左氏傳曰：莒魯爭鄆，爲日久矣。

今城北鄆亭是也。京相璠曰：琅邪姑幕縣南四十里員亭，故魯鄆邑。世變其字，非也。郡國志：東莞有鄆亭，今在圍城東北四十里，猶謂之故東莞城矣。小沂水出黃孤山，西南流，逕其城北，西南注於沂。沂水又南與閭山水合，水出閭山，東南流，右佩二水，總歸於沂。沂水南逕東安縣故城東，而南合時密水。水出時密山，春秋時莒地。案近刻脫春左傳：莒人歸共仲於魯。案近刻脫左傳二字及密而死是也。時密水東流，案近刻脫時三字逕東安城南。漢封魯孝王子強爲東安侯，時密水又東南流入沂。沂水又南，桑泉水北出，五女山東南流，巨圍水注之，水出巨圍之山，東南注於桑泉水。桑泉水又東南，堂阜水入焉。其水導源堂阜。春秋莊公九年，管仲請囚鮑叔受之，及堂阜而稅之。杜預曰：東莞蒙陰縣西北有夷吾亭者是也。堂阜水又東南注桑泉水。桑泉水又東南，逕蒙陰縣故城北。王莽之蒙恩也。又東南與巽齒水合，水有二源，雙會東導一川，俗謂之汝水也。東逕蒙陰縣，注桑泉水。又東南，案近刻脫說又南東盧川水注之。案盧近刻說作廬水出鹿嶺山，東南流，左則二川臻湊，右則諸葛泉源，斯奔亂流，逕城陽之盧縣，故蓋縣之盧上里也。漢武帝元朔二年，封城陽共王子劉豨爲侯國。案子近刻脫說弟豨說作稀王莽更名之曰著善矣。又東南注於桑泉水。桑泉水又東南，右合蒙陰水。案陰下近刻衍二字水出蒙山之陰。案近刻脫說作蒙陰山東北流，昔琅邪承宮避亂此山，立性好仁，不與物競，人有認其黍者，捨之而去。其水東北流入於沂。沂水又南，逕陽都縣故城東，縣故陽國也。齊同盟齊，利其地而遷之者也。漢高帝六年，封將軍丁復爲侯國。沂水又南，與蒙山水合，水出蒙山之

陰東流。逕陽都縣南。東注沂水。沂水又左合溫水。水上承溫泉陂。而西南入於沂水者也。  
南過琅邪臨沂縣東。又南過開陽縣東。

沂水南逕中丘城西。春秋隱公七年夏。城中丘。左傳曰。書不時也。沂水又南逕臨沂縣故城東。郡國志曰。琅邪有臨沂縣。故屬東海郡。有治水注之。案治近刻。詠水出泰山南武陽縣之冠石山。地理志曰。冠

石山。治水所出。應劭地理風俗記曰。武水出焉。蓋水異名也。東流逕蒙山下。有祠。治水又東南逕顓臾

城北。郡國志曰。縣有顓臾城。季氏將伐之。孔子曰。昔者先王以爲東蒙主。社稷之臣。案近刻此下有也字。何以伐

之爲。案近刻無之字。再有曰。今夫顓臾。固而便近於費者也。治水又東南流。逕費縣故城南。地理志。東海之屬

縣也。爲魯季孫之邑。子路將墮之。公山弗擾師襲魯。弗克。後季氏爲陽虎所執。弗擾以費畔。卽是邑也。

漢高帝六年。封陳賀爲侯國。王莽更名之曰順從也。許慎說文云。沂水出東海費縣東。西入泗。從水斤

聲。呂忱字林。亦言是矣。斯水東南所注者。沂水在西。不得言東南趣也。皆爲謬矣。故世俗謂此水爲小

沂水。治水又東南逕祊城南。春秋隱公八年。鄭伯請釋泰山之祀而祀周公。使宛歸泰山之祊。而易許

田。杜預釋地曰。祊。鄭祀泰山之邑也。在琅邪費縣東南。治水又東南流。注於沂。沂水又南逕開陽縣故

城東。縣故郕國也。春秋左傳昭公十八年。邾人襲郕。盡俘以歸。郕子曰。余無歸矣。從孥於邾是也。後更

名開陽矣。春秋哀公三年。經書季孫斯叔孫州仇帥師城啓陽者是矣。縣故琅邪郡治也。

又東過襄賁縣東。屈從縣南。西流。案近刻作西南流。又屈南過郟縣西。

魯連子稱陸子謂齊湣王曰。魯費之衆。臣甲舍於襄賁者也。王莽更名章信也。郟。故國也。少昊之後。春

秋昭公十七年。郟子朝魯。公與之宴。昭子叔孫婞問曰。少昊鳥名官。何也。郟子曰。吾祖也。我知之矣。案近

刻無矣字。黃帝炎帝以雲火紀官。太皞以龍紀。少皞瑞鳳鳥。統歷鳥官之司。議政斯在。孔子從而學焉。既而

告人曰。天子失官。學在四夷者也。竹書紀年。晉烈公四年。越子末句滅郟。以郟子鵠歸。縣。故舊魯也。東海郡治。秦始皇以爲郟郡。漢高帝二年。更從今名。卽王莽之沂平者也。

又南過良城縣西。又南過下邳縣西。南入於泗。

春秋左傳曰。昭公十三年秋。晉侯會吳子於良。吳子辭水道不可以行。晉乃還。是也。地理志曰。良城。王莽更名承翰矣。沂水於下邳縣北。西流分爲二水。一水於城北西南入泗。一水逕城東。屈從縣南。亦注泗。謂之小沂水。水上有橋。徐泗間以爲圯。昔張子房遇黃石公於圯上。卽此處也。建安二年。曹操圍呂布於此。引沂泗灌城而擒之。

洙水出泰山蓋縣臨樂山。

地理志曰。臨樂山。洙水所出。西北至蓋。入泗水。或作池字。蓋字誤也。洙水自山西。北逕蓋縣。漢景帝中五年。封后兄王信爲侯國。案近刻脫王字。又西逕泰山東平陽縣。春秋宣公八年冬。城平陽。杜預曰。今泰山平

陽縣是也。河東有平陽。故此加東矣。晉武帝元康九年，改爲新泰縣也。

西南至卞縣，入於泗。

洙水西南流，盜泉水注之。泉出卞城東北卞山之陰。尸子曰：孔子至於暮矣而不宿，於盜泉渴矣而不

飲，惡其名也。故論語比考讖曰：案語比二字，近刻訛作撰字。水名盜泉，仲尼不漱，卽斯泉矣。西北流，注於洙水。洙水

又西南流，於卞城西，西南入泗水，亂流西南，至魯縣東北，又分爲二水。水側有故城，兩水之分會也。洙

水西北流，逕孔里北，是謂洙泗之間矣。春秋之浚洙，非謂始導矣。蓋深廣之耳。洙水又西南，枝津出焉。

又南逕瑕丘城東，而南入石門。古結石爲水門。案古近刻作又。跨於水上也。西南流，世謂之杜武溝。洙水又西

南逕南平陽縣之顯閭亭西，邾邑也。春秋襄公二十一年，經書邾庶其以漆閭丘來奔者也。杜預曰：平

陽北有顯閭亭，十三州記曰：山陽南平陽縣，又有閭丘鄉。從征記曰：杜謂顯閭閭丘也。案近刻脫一閭字。今按

漆鄉在縣東北，漆鄉東北十里，見有閭丘鄉，顯閭非也。然則顯閭自是別亭，未知孰是。又南，洙水注之。

呂忱曰：洙水出東平陽。案近刻脫陽字。上承汶水於剛縣西，闡亭東。爾雅曰：汶別爲闡，其猶洛之有波矣。洙水

西南流，逕盛鄉城。西京相璠曰：剛縣西南，有盛鄉城者也。又南逕泰山寧陽縣故城西。漢武帝元朔三

年，封魯共王子劉恬爲侯國，王莽改之曰寧順也。又南，洙水枝津注之。水首受洙，西南流，逕瑕丘城北。

又西逕寧陽城南，又西南入於洙水。洙水又西南，逕泰山郡乘丘縣故城東。趙肅侯二十年，韓將舉與

齊魏戰於乘丘。卽此縣也。漢武帝元朔五年封中山靖王子劉將夜爲侯國也。洙水又東南流注於洙。洙水又南至高平縣。案近刻脫縣字南入於泗水。西有茅鄉城。東去高平三十里。京相璠曰。今高平縣西三十里。有故茅鄉城者也。



